


浙江潮



## 本會雜誌部緊要廣告

一本誌第一期同人以體例未盡完善方滋婉恨乃謬承海內 閱者不棄疊加贊詞慚感何似第二期大加改良 第三期更添入插畫爲中國報界開未有之特色 此後更當精益求精以副 閱者諸君之雅望

一本誌第一期業經售罄第二期改良後銷路更拓各地來函索購紛紛竟致無以報 命用特將第一期第二期再版並將第一期體例駁雜之處悉加釐訂 資者去之不足者增益之誤字更糾正之俾與第二期體例一律現已付印不日再版出來 內地 欲購者請速向各代派處索購可也

第一期再版以浙江全省輿圖係屬舊本廢棄不用俟十一府新地圖及沿海港灣新地圖逐期刊畢全省總圖再行刊登俾 閱者購閱本誌一年可得全浙地圖十數頁 無殘缺不全之弊

一本誌自第二期改良後頁數每溢出百八十以外加以五彩地圖及添入插畫印費徒增成本不敷過半 每期由同鄉會捐款貼良由本誌以輸入內地文明爲天職非同牟利主義賠貼固所不辭惟同鄉會中捐款甚微全恃 各代派處速將售資收清隨收隨寄不致延擱庶能竭力支持區區苦衷應所共悉 閱者諸君鑒之 代派諸君鑒之

## 浙江潮第二期目錄

癸卯二月二十日

### ●圖畫

●浙江全省十一府地圖(其一)杭州

●浙江沿海港灣圖(其一)杭州灣

●中國四大藏書處之一文瀾閣

●杭州西湖勝景(其一)(其二)

### ●社說

●敬告我鄉人……………攻法子

### ●論說

●民族主義論(續第一期)……………余 一

▲第一節民族主義之定義(續)▲第二節民族主義發達之歷史…事業的

### ●學術

目 錄

### ◎政法

●敘德俄英法條約所載高權及管轄權之評論因及舟山條約之感慨……………芙蓉

### ◎哲理

●續無鬼論(續第一期)……………陳 梲

### ◎教育

●教育學……………不懋子

▲第一章緒言▲第二章教育之定義

### ◎傳記

●中國愛國者鄭成功傳……………匪 石

▲緒論▲第一節鄭成功未出世時中國之時勢

# 本會調查部緊急要廣告

一調查部章程第十三節於省城設立受函總所于府城設立受函分所凡一府內函件寄交受函分所更由分所寄交總所交日本郵便局直寄本部願自行寄與囑託人者聽云云現以周折太多致多窒礙每府設立分所一例廢止不行各府縣如有熱心志士願擔任調查者請將大稿徑寄杭州省城總受函處較為直截一省城總受函處暫託汪君曼鋒經理寄信由萬安橋白話報館轉交汪君不至有誤

一承杭州傅君惠寄稿件並允擔任調查事來書誠懇懇曲諒本部籌費困難不願津貼信資并不願收受例贈雜誌實屬好義急公至為欽服惟擔任調查員敬贈全年雜誌一份本不敢云酬謝不過藉表同情除囑總代派所仍行照例移贈外合贅數語以誌高誼

一近頃以來內地寄稿甚多良可感佩惟稍嫌於調查體例不合頗有似日報新聞者故未能悉數刊登有辜盛意幸蒙恕宥

## 本誌之體例

一本誌每冊以八萬字為率所載各類及子目每期未能全登然一冊中至少必在十六門以上

一本誌月出一冊用洋式裝訂每冊定價大洋三角 定閱全年十二冊三圓二角 半年六冊一圓七角 外埠酌加郵費

一本誌於癸卯正月二十日發行首期嗣後每逢二十日發行著為例

一本誌以杭州萬安橋白話報館及永記書報代派所為總代派所

一有願為本誌代派者以二成酬勞函告本社自當按期寄送

生會館轉交浙江同鄉會雜誌部

函寄日本東京神田區駿河臺鈴木町十八番支那留學

一欲購本誌須先繳費後寄書代派所於本誌既出第二期後應將講閱定閱等費一律收齊彙寄本社否則一概停寄仍追取前費

## 本誌之特色

一本誌全體皆由同人撰述編纂雖不專工於文辭然務適於我國民之用說理必明暢記事必簡賅非如直譯剪抄者令讀者昏昏欲睡也

一本誌有調查部之稿件按期刊登讀本誌可以於浙江全省之事上自朝政下逮民俗無不瞭如指掌

一本誌有日本聞見錄一門彙集旅居同人之見聞聞事無鉅細並蓄兼收令讀者不必遊歷其地而得遊歷之益

一東報偉論日出不窮同人皆編選擇尤登錄內地志士不能東游及不能讀東報者得讀是冊於東方大概形勢即可洞若觀火

一本誌中各科學說半爲學校著名教師之講義間附己意亦必經歷實驗字字皆有根據非如道聽塗說者可比學者得此不啻有無數之名師良友環坐討論可以自修可以自進

一本誌有白話一種純以官音演說女學及兒童教育俾略識之無之婦孺皆能通曉益可學習官音

一本誌每期至少有插畫三四頁凡吾浙之名人勝景皆竭力搜求陸續印登自餘各圖非徒供閱者悅目怡魂要皆切實有用可以增長智識激發志氣

本會同人謹述

## 代派諸君鑒

一內地各代派所每期應寄之雜誌本社皆寄交杭州上海兩總代派處由該兩處擇便分配以歸簡捷所有報資郵費亦請照定章於本誌既出第二期後各向閱報諸君收齊就近滙繳原經手處

隨即擊取收條

若延挨不交三期即照例停發

一代派至五份以上者成半酬勞十份以上者二成酬勞然必待繳齊報費方爲作實否則照資寄報

作零售計

資滿停發

一照定章願爲本誌代派者函告本社茲既由兩總代派處每期分配則逕告該兩處較便願與本社直接者聽

本會發行所告白



浙江同鄉會

贊助名譽贊成會員

續損題名

謹依來函  
先後爲序

李王朱沈許周謝陳洪孫許池吳

君 君 君 君 君 君 君 君 君  
君 君 君 君 君 君 君 君 君  
敦 潤 錦 訓 良 恩 炳 新 養 叙 效 茂

禮光誠瞻張正翰繪 堃三源齋文齋

外

本會創辦伊始荷蒙海內外

同鄉諸君樂助多金無任感荷台函誌此唯禱

浙江同鄉會幹事謹啓

捐 捐 捐 捐 捐 捐 捐 捐 捐 捐 捐

聯合商會

此


金金金金金金金金金金銀金金金

15

拾五五五五五五五五 拾


國 際 醫 藥 學 會 報 告 書

浙江十一省一府一地圖 (其一)



圖格與府縣同江浙

其一 圖 灣 港 海 沿 江 浙  
灣 州 杭




浙江同鄉會

贊助  
名譽  
會費  
成員  
員

續損題名


謹依來函  
先後爲序

中國四大書閣之一




(此為南京大學圖書館)

蘇堤春曉  
(其一)



平湖秋月  
(其二)




(杭州西湖十景之一)



地方自治

## 敬告我鄉人

攻法子



某謹白。某以浙江同鄉會之一員。借雜誌『浙江潮』之餘白。竊欲有所貢獻於我鄉人。思之有日矣。顧某以久遊外邦之人。挾最新之思想。憑最新之學理。欲與鄉人諸君策內地之治安。諸君不以爲陳義過高。即以爲外國事例。不適中國也。無疑。雖然。某未言之先。願豫一言以解諸君之惑。某所言者。乃至普通之理。且爲至易行之事。世界各國均以之爲立國之基礎。即中國自古至今。事實上亦早有其端倪。惟其組織不完備。故各國由之而百事舉。中國則反是自今以往。若猶不思整頓。擴充。則雖日日言中國改革。改革之實終不可舉。而諸君之放棄國民責任。咎無可辭。諸君爲之若反掌。然其事爲諸君分內之事。而又爲諸君力所能及之事。然則諸君姑一實。

敬告我鄉人

端倪 - in Proletariat

行即可知某言之爲不謬也。抑某所言者，非僅爲浙江一省而已，全中國之地方某願以同一之言告之，并願諸省以同一之方法行之。第以浙人對浙人，則舍遠就近義所當然。某是以先爲吾鄉人告，而并望吾鄉人之爲天下倡。

某今所欲言者，無他。即諸君所熟聞之地方自治問題是也。地方自治之事，實吾中國亦間有之。姑置後論。至確定地方自治之名詞，昌言地方自治之必要者，則近今之風潮也。第某所惜者，地方自治之議論，日觸於耳。地方自治之實益，不見於世。猶之日言民權自由，而吾國民去民權自由之境界，乃愈遠。一般之人，至引爲詬病，而不敢道。此其故何在？不知民權自由之真義，與其實行之方法順序。夫是以妄言之。妄聽之。政府疑其不利社會，病其急激，卒之受其害者，乃仍爲吾國民。雖公理終不可滅，吾國民終有進於光明世界之一日，而爲民權自由之鄉。愿遲我數十年進化之期，則某所深恫也。地方自治之問題，在今日，如新出世之產兒，其即能圓滿，直進乎抑，亦將一旦陷於悲境，輾轉而始達其目的乎？某以爲其責在諸君而已。諸君諸君，地方自治者，諸君之天職也。某以爲諸君之達於公理，富於政治思想者，其必

有熟考此問題，而深計前途之處置若何，以爲地方謀其福利，而爲國家盡其公職。則某之言，當爲諸君所樂聞也。某敢據其愚者一得之見，自附於芻蕘之列，即不然，諸君之中，或有不認地方自治爲急務者，某猶敢強聒之，而必冀諸君之一悟。某不敏，請先爲諸君述地方自治之意義。

自治云者，對乎官治而言。近世之國家，其行政之機關，大別之可爲二：一曰官府，一曰自治體。官府爲國家直接之行政機關，以直接維持國權爲目的。如外交、軍事、財政之類，皆官府所司之政務也。自治體爲國家間接之行政機關，以地方之人治地方之事，而間接以達國家行政之目的。如教育、警察及凡關乎地方人民之安寧、幸福之事，皆是也。直接之行政，名曰官治；間接之行政，名曰自治。此行政法上常用之語。而近世文明諸國，皆行之有其實例者也。自治之制，蓋所以補官治之不足，而與官治相輔而行是故。其國官治不振者，則事無統一，其國自治不備者，則事必廢弛。自治之精神，在以國家之公務爲地方之生存目的，而以地方之力行之故。自治體者，由地方而言，則爲地方之行政機關；由國家而言，則仍爲國家行政機關之一部。

## 期二第潮江浙

分也。彼私人即個人而言處理一己之事務而與公共無涉。則無自治體之要素。官吏執行公共之事務而為國家之直接機關。則無自治體之位置。自治體云者。以國家公共之事務視為地方固有之事務而實行之。公共團體是也。故自治體又謂之公共團體。欲舉自治之實。必自組織自治體始。後當詳述之。知自治體之為何物。則於地方自治之意義。其庶幾乎。

其次請言中國今日地方自治之必要。事實上之必要。中國今日與各國不無特異之點。至其原理。則各國無以易也。論自治必要之原理。其最著名者。為德國葛奈斯特 (Rodolf von Gneist) 氏之言曰。『社會與國家之間。常有不能調和之衝突。即貧富之界是也。富者務擴張其勢力。貧者務抵抗富者之壓抑。於是利益之衝突。起使任其自然之勢。則弱者必為強者所抑。而自由將絕於世。調和此衝突者。國家之力也。國家之組織。足以抵制社會之勢力。猶之人類之有德義。足以抑其利慾之念也。而取調和之手段行之。最有實效者。厥惟英國之自治制度。蓋自治者。使社會有勢力之各階級各擔任國家之行政。由是義務之思想。政治之知識。浸潤於社會各

## 社

## 說

原素之中。而代議政治之基礎。乃固。故自治者。國家與社會之連鎖也。『又曰。『欲養人民奉公之念。莫如使之從事於公共事務。使人民無參與公共事務之機會。則不至人人依賴國家。謀一己之利。而不顧國家之公益。不止故民可使知之。不可使由之。實自治之格言也。』又曰。『欲布全國劃一之政。則事事出於中央。機關於施行之敏活。則有之。而期其適於實際之事情。不可得也。知地方之實情者。惟地方之住民。且地方之利益。於地方之人有密接之關係。故謀之最親切者。亦惟地方之人。故地方行政。使地方之住民負擔之。最適於行政之實際也。其言大旨如是。於自治之必要。可謂深切透明。而中國今日。以某之見。則必要之原因。尚有二事如左。

其一。分政府之勢。以速改革之事業。

其二。養人民之政治思想。鍊人民之政治能力。以為立憲之準備。

中國今日。非改革一切。不足以言自存。此人人知之。然改革之事。必事望之政府。無論政府不能驟行。即欲驟行。而事情繁雜。綜錯有萬。非專恃中央集權所能勝任之勢。且改革之進行。以人材與經費為要素。以中國疆域之寥遠。風俗之異。宜政府

不能爲地方得相宜之人。此無論矣。以言經費。今使舉一事。其關乎全國者。則由政府籌之。固也。其關乎一地方者。亦必由政府籌之。則政府之求於民間者。數民間未覩其效。而徒見政府之日夕搜括也。乃有不信任之意。夫至民間不信任政府。則改革之不能進步。有斷然矣。欲救此弊。莫如地方自治。以地方之人任地方之事。則人易得以地方之事。需地方之費。則費易籌。歐美之興商工業。以分業爲最要。國家之行政。亦然。中央與地方分業。然後責有歸而事無滯。此某之第一義也。凡國非立憲政體。不足以列於第一等國。人民非立於立憲政體之下。不足以稱完全之國民。此世界之通義矣。雖然。立憲云者。非空談事也。立憲政體之要素。在人民之有參政權。參政權者。所以表國民爲國家之分子。故有參預國家政治之職。謂曰權利。實則義務是也。吾中國國民。果何日始得此權利。何日始盡此義務。在今日不能預言。然其準備。則今日其時矣。準備之事。不一端。而以達參政之資格爲要。義凡關乎國家之政治。苟爲人民分內所應爲者。則即宜盡其當盡之責。而爲練習之地。步地方自治。其首端也。英國以憲政之始祖。名於世。而其基礎。亦本於地方自治。今日各國地

方自治之發達。無有逾於英國者。其明證也。且今日立憲各國。欲求憲政之完美。乃益不得不致力於地方自治。無他。人民之參預政治大之。則在組織國家機關小之。則在組織地方機關。其事互相聯絡。未有不能自治而能治國家之大事者也。各國且如此。矧吾中國。尙未達憲政之地位者乎。此某之第二義也。某以爲中國今日地方自治之必要。無以逾此二義。因此二義。故自治不可以一日緩。至自治必要之原理。葛氏之言。蓋盡之。某無贅焉。

其次。請言中國地方自治之易。凡改革之事業。全無根基。而待創辦者。其事難。有其端倪。而但改良者。其事易。中國自古至今。地方自治之事。實固有其端倪者也。某於世俗之言。新學者。往往以歐美之新法。新理。引古人之一二言。以相附會。以爲吾國固亦有此。一若歐美今日之文明。均爲吾國昔日之歷史者。然以是爲足。以投合吾國好古之心。而冀其說之行。某最不喜此。某以爲歐美之新法。新理。大都爲近世紀之產物。以進化之理。推之吾國古代。不宜有此無疑。即文字上有相類似者。其意義與其實質。必大相懸殊也。必欲牽強附會。某懼其說之未行。而聽者之將誤會其意。



也。雖然苟其事爲歷史上有明證而現今事實尙繼續者某又安敢誣其必無也。地方自治之在中國蓋可謂中國固有之事實矣。西人某有言曰：「世界各國地方自治最古而最發達者惟英國與中國。」其言蓋實有所見。惜吾國民日循其當然而不自知故無進步之望也。中國地方自治之存在實有不可掩者。某試舉一二以爲證。中國地方各有紳士。孟子所謂巨室是也。凡地方之公事大都由紳士處理。地方官有所興舉必與紳士協議。紳士之可否即爲地方事業之興廢。故紳士者實地方自治之代表也。欲問中國地方自治體何在則紳士是已。紳士所得干預之地方公事其範圍與各國地方自治體略同。而時或過之。如各國地方自治體無兵權而中國則有事時紳士得以辦理團練是也。其他若教育（書院）若慈善事業（育嬰堂、若土木工程（道路橋）若公共財產（所謂地方公積）等類屬於紳士之手者不可勝數。故中國之地方自治真有相沿於自然之勢。有自治之實而無自治之名。今欲昌明其制則所謂因業而非創業其事之易舉有昭然也。德國義耳克氏一派之學說以爲「自治體之存在較國家爲古。合種種之自治體然後成一國家。」論者謂其偏重歷史。

悖於近世國家組織之理。蓋近世之國家先有國家然後有種種機關。謂自治體先國家而存在非的論也。然以言中國之地方自治則謂爲與國家同時並生蓋無可議。特中國任其自生自滅故極不完備而極不鞏固耳。某請舉中國現行地方自治之缺點畧一述之。

由前之說中國地方自治之易行有固然矣。雖然就中國百事中而言則地方自治一事似有端倪而易於着手耳。若取自治之意義而嚴正解之則中國現行之事實果足稱爲自治而無愧與否某未敢斷也。中國現行之地方自治其缺點不一而足。而其最有害於自治之發達與自治之圓滿進行者則莫如機關之不備是也。中國之可稱爲自治機關者前所謂紳士是已。然紳士云者有自然人之資格而無法人之資格故集數多之紳士有時亦爲地方自治之代表而不能成一完全之自治體。紳士之於地方公事蓋爲隨意的而非必然的。其預聞與否由紳士之意思定之。地方不能強紳士而爲之也。故紳士之於地方若某事若某事自古相沿至今者則亦習爲之而不覺至欲興一新事行一新法則非有大熱心具大熱力者往往互相推



談相率而不敢爲創又其甚者借地方之公事以便一己之私圖此尤數見不鮮者也夫以公共之事業而無公共之機關以維持之其弊不至廢而不行行而不善不止此不待識者而亦知之中國地方自治之基礎極厚而成効乃極少者無機關故也地方之無自治機關其猶國家之無政府烏乎其可行也故必知中國今日之缺點然後乃有救之之道救之之道奈何曰組織地方自治機關而已

義耳克氏有言曰「地方者小國家也」國家之行政有種種之機關是故有議院有內閣有裁判所地方之行政亦類是其在日本府縣有府縣會有府縣參事會市有市會有市參事會町村有町村會有町村長一言以蔽之各自自治體莫不有議決機關與執行機關二種組成此機關者由地方人民之有公權者選舉之此二種機關其權限各不相侵一司議決一司執行地方之公事悉歸納於此二種機關之中故事無不舉吾國今日欲組織地方自治機關驟取各國細密之條例之規則一一移諸吾國此固勢所不能然於各國公認之大原則則不可不遵之而行不然機關之形式不具未有能舉其實質者也某以爲中國今日組織自治機關有最要者數


事茲列如左

- (一)就各地方固有之紳士聯合成一自治體
- (二)自治體宜分議決與執行二機關
- (三)分任機關之事者由紳士中互相投票公舉
- (四)機關議事必以多數爲可決
- (五)機關之職員悉爲名譽職

凡此諸項皆簡而易行而實地方行政之大原則也不如此則自治體不能成立自治事務無由實行中國今日之弊其前車矣所以必就各地方固有之紳士者以一般人民尙無公民之資格故普通選舉之法不能不俟諸他日所以悉爲名譽職者使人知盡力於地方公事爲地方住民之義務非可藉此得利與爲營私之地也至於機關之必分議決執行職員之必由投票公舉議事之必待多數可決蓋爲處理公共事務不易之定則不待解釋而其理固有昭然者矣

如上所述中國地方自治之根基其發達存在既如彼而今日實行自治之方法其

簡、單、易、行、又、如、此、然、則、中、國、之、改、革、事、業、其、前、途、之、最、有、望、者、莫、如、地、方、自、治、者、也、某、是以、不、憚、煩、言、爲、諸、君、告、某、有、言、之、責、諸、君、有、行、之、責、某、以、一、片、熱、心、言、之、願、諸、君、以、一、片、熱、心、行、之、諸、君、諸、君、地、方、自、治、者、諸、君、之、天、職、也、某、敢、重、言、之、願、諸、君、之、無、忘、其、天、職、而、求、完、其、國、民、之、責、任、也、某、謹、白、



# 民族主義論(續第)

## 第一節 民族主義之定義

則更就非民族的國家之結果而論之。又有二。一曰分裂。一曰委棄。由前之說則瓦解之謂也。由後之說則土崩之謂也。夫一國而至于非土崩則瓦解則不成其爲國矣。吾故得而斷曰。非民族的國家不得謂之國。雖然。其分也。其棄也。皆發于國民之內力。莫知其然。而然者也。而其出此入彼。則又以當時地勢之分合與其國民能力之強弱以爲衡。請詳言之。

何爲分裂。曰。集多數人民以公同之力。之志。意向公同之目的。發公共之行爲者。則曰國。而置一國于此。其內容則鍵結無數之異族焉。其思想不同。其言語不同。其風



論說



俗習慣不同。因此四者而利害。乃相馳焉。而感情乃相背焉。而欲鍵而結之。而出于公同無已。則以政府之威壓力。雖然自古及今。有不亡之國者矣。未有不亡之政府者也。及政府之能力衰。而民族的反撥性起。吾證之于遠。則羅馬是也。彼雖能鍵無數民族于一國下。然一時而已。不轉瞬而亡也。吾證之于近。則蒙古是也。彼能并歐亞二大族而統一之。然泡影焉。彼之造國也。以侵略征服為原質。侵略征服之國家。未有不至于分裂者也。雖然。分不分。又有地理之關係焉。蓋非民族的國家。而至于分裂。必其地理之華離破碎。易于疆域。否則幅員過大。交通不便者。也不然。則政府之威壓力必強。而其民流于委棄。其次則能力之關係。蓋國民必自認其建國之天職。自知國之為我。有始能于政治上關心其利害。而別結同族以建國。不然。則同國者。同族可異。族可我。本與國無關係也。知有我而已。則亦委棄之類也。若其民族之政治能力甚強。其地勢又不適于分裂者。而至于分。則自近頃人為力能遠勝于天然時。或有之。古無有也。若其地勢適于分裂。而人民之政治能力又甚薄弱者。則必魚爛殘殺而相率于亡。嗚呼。吾讀印度史。吾心傷矣。

何為委棄。曰委棄者。專制政治之結果。人民皆推其國為政府所有。而不與聞其休戚也。吾上言非民族的國家。其內容之感情利害相背。而必至于分裂。固矣。雖然。當人為力薄弱之時。無論人心若何之刺激。而終不得不屈伏于天然。此亦勢之無可如何者也。夫美與英。本同族也。而卒至相離論者。得無以同族統一之說為無徵乎。而不知是實地理上之勢力。有以強之也。是故一國之內。其人民之感情既相悖。而其地理又日趨于統一。則中央集權之制發達必甚早。而政府之能力乃利用其天然。日益以強。專制之政治必至于圓滿。無缺而民間之能力必日衰。當此之時。則其人愚其氣衰。其聲消歇。君不知。民不知。國各私其私。乃置其國于無何有之鄉。蓋雖無外族起。而其國之亡也。早矣。故由分裂而強之統一。由統一而乃用專制。由專制而至于國民皆委棄其國。嗚呼。是亦一定之階級。無所用其疑者矣。吾是以知中國之中央集權制發達甚早。蓋有由矣。黃河流域一望千里。其地勢則易于統一也。而漢族自西方來。其間本土之蠻族必錯綜繁殖。不可紀極。至春秋時。尚有赤狄白狄之混雜中原。蓋可見矣。是故仲尼祖述堯舜。倡大一統而尊王。在當時為審時之



談而後世用以爲利已專制之局定而五胡之禍來讀史至無聊處誠足興無窮之感而涓涓以悲也

準斯以談則立于今日之舞台而欲自存者可以見矣種類大競爭之世其種之死生存亡一視其所依之國之種類以爲衡國種而良也改政必易國種而否也改政必難不觀夫英乎英民族的國家也何其民權發達之早而立憲政治乃爲世界之母也不觀夫日乎日民族的國家也何其政治改革之速而三十年間遂雄視東方也不觀夫法乎法民族的國家也何其自由流行之速而雖疊經喪亂尙能光其祖國于今日也反之則如墮壞政之得改革何其遲也必待日耳曼意大利匈牙利既分既去其所存者僅僅其本族而後始一得自由則如俄俄本不得謂之爲非民族的國家然終以函異族太夥故自由政策發達甚遲十九世紀中終不能雄飛于世界則如印度而今亡矣總而言之今日歐美之政治教育制度軍事有所謂立憲政治者有所謂國民教育者有所謂自治制度者有所謂國民皆兵者苟行之于非民族的國家則一步不能行一事不能舉淺見之徒掇拾其一二新說以矜矜自得而

不知本源之所在耗矣哀哉噫台灣之民印度之遺吾常一見其影而淚潸潸下曰嗟乎此亡國之民也夫彼亦何不可曰吾之國爲大英爲大日本煌煌乎有名譽于世界也曷嘗亡然則吾向者之言爲無當乎亡國與不亡國其界何在普天下好男子爲吾下一斷語來

## 第二節 民族主義發達之歷史……事業的


嗚呼以一私人之經歷且然曾謂世界莫大之事業之主義之發達而乃能免于是蓋必千折百回一挫再挫有停辛佇苦幾百年而後濟者矣當其時之未至君相屹之學士非之鄉愚笑之涓涓之泉一若一手可以遏之者而一轉乃至以萬丈之氣鏖磅礴天地所謂豪傑所謂君相竭噴世之才盡萬衆之力曾不足以當其一噓而匍伏其後爲之執鞭者乃舉世而仰望之曰英雄哉豪傑哉而試問孰則胚胎是孰則提携是世有讀瑪志尼加富爾俾士麥格蘭斯頓之傳而欣欣思羨者乎盍一讀我民族主義之歷史

民族主義者十九世紀之產物而亦其主人翁也維也納會議成一民族主義與自

由主義之大過渡。及法國第二革命起。而全歐之機。大動而壞。意戰而德壞。戰而壞。匈戰而德法戰。而東方問題。而愛爾蘭自治。及其將終。而英阿之役。美西之役。日本之維新。義和團之擾亂。落落諸大事。無一非由是民族主義者。磅礴衝激而成。故一部十九世紀史。即謂為民族主義發達史。可也。雖然。吾究其源。吾不得不先言法國大革命。何以故。則以法國大革命。為十九世紀之先聲。而民族主義與自由。有密切之關係故。

十七世紀中和蘭以區區小國。張獨立之旗。沐血雨者三十年。卒以成功。是真民族主義之先聲矣。雖然。自由之時代。終未經過。故影響未及于全歐焉。

吾今就民族主義發達之跡。而順序之。其在歐。則十八世紀之末。為民族主義發動時代。而演其本題于十九世紀。其在亞。則十九世紀之末。為民族主義發動時代。而演其本題于二十世紀。列表如左。



胚胎時代

一法國大革命

吾言民族主義。何以必推源于法國大革命。曰民族主義與專制政體不能相容者也。民族主義之大目的。在統一。同族以立國。然茲所謂統一。云者。志意的統一。非腕力的統一也。共同的統一。非服從的統一也。而非民族的國家。所以不能成立者。蓋謂其族既不同。則其志意必不能一。而分裂委棄之事。必不能免也。若專制政體。則何有矣。其志意出于一人。其統一由于兵力。夫既可委棄焉。服



從焉于一人則又何不可委棄服從于異族是雖羣數十百異族苟其能服從則未  
有不能強之成一國也雖然是國也必不能存于大地者也未有國民皆委棄其責  
任于一人而一人乃能保其國者也是故自由天則也既言自由而民族主義之根  
蒂生也民族主義亦天則也嗚呼一凡以己意欲生息于同一法律之下之國民不  
得由外人管轄之」玆言也法國大革命之產物也當時雖未明言爲民族主義而  
其根柢見焉故曰民權之進一步即爲民族主義而民權未發達則民族主義必不  
能行不見歐洲中世封建之形勢乎其地理之區劃華離破碎其人種之統治錯雜  
變亂而顧相安于無事者蓋國人皆委棄其國于一人所謂亦姑謀樂何憂無君國  
與不國與我無與者也故雖以但丁郭拉之才思欲統一羣力而卒不興而必待盧  
騷之一篇民約論出君子是以知萬物生長皆有秩序之說之不誣也

一拿破侖之功業 胚胎民族主義之第二人誰乎吾不得不曰拿破侖拿破侖  
者受民族主義之一嘘而倒運者也彼張民權之旂幟而欲建一非民族的大帝國  
卒以至于亡則是敵也曷謂爲其母曰拿破侖者間接以造成民族主義者也法國

之第一革命也自由只布于全歐空氣中未嘗有實在影響也及拿破侖起張民權  
之幟而蹂躪全歐歐洲君主欲與拿破侖敵而民權之幟則又爲各國國民所想望  
于是其君主欲用其民不得不默許其人民之權利其立憲法也設議會也蓋爲拿  
破侖之勢力不可嚮邇將欲敵外不得不維繫民心其爲計也雖非出于自然而全  
歐民權之機轉矣而拿破侖所到之處則又爲之布公約改制度使實獲自由之幸  
福蓋實則不過拿破侖與歐洲君主爭權力而自由之巨靈適乘其間以日益長大  
民族主義之風潮殆躍躍將出現矣試言其實則首伊大利伊大利者自由政治發  
達甚早而又受異族之禍最毒者也故民族統一之思想發達最早軍人夢之詩人  
夢之政治家夢之徒以一族之內分爲無數小國從未習一政治統一之經驗故其  
思想終不能驗之實事及拿破侖并之爲三而政治上統一運動之習慣熟又以秩  
序之法制善良之民政一一見諸事實後日統一之基于此大定則拿破侖實伊大  
利之功臣也此一也其次爲日耳曼拿破侖之征普魯士適以激普人之愛國心也  
彼見夫各邦分立遂以招拿破侖殺伐之大慘而日耳曼統一之理想乃勃勃如燃

也。火拿破命之有功于日耳曼者又至矣。則謂拿破命爲民族主義之原動力殆非謬也。

三維也納會議 民族主義之胚胎時代至維也納會議而圓滿矣。維也納會議者拿破命事業之反動也。雖然當時各國國民與其君主各具一種心事其在日耳曼其在伊大利則以非常之熱心皆想望曰茲會之結我國民其庶幾得統一乎。昔既爲拿破命所制所分而今去矣統一哉統一哉諸國必不負我自餘諸國國民則又想望曰茲會之結我國民其庶幾得自由乎昔時用我攻法之時固默許吾以權利也而今功成矣自由哉自由哉諸君主必不負我噫嘻果如是望則民族主義可告成功于此時矣而不知彼會議之主人翁梅特涅乃又有一種心事在也梅特涅非不知民權者也非不知民族主義者也雖然彼以爲吾奧之所恃爲大國者以合異種故耳苟民權既倡則民族主義必發達而日耳曼而伊大利而匈牙利不崇朝可以解散而奧亦不崇朝而可以不國也。況今日者拿破命已敗既不如昔日之有所要求于民雖食言焉彼未必即能抗我也則專制而已矣全歐國民初以非常

之希望歡迎此會而其結果乃如是于是忍毒含垢而心愈沸氣愈逆梅特涅所謂「有害的民族主義」已磅礴鬱積于心中而不能自制矣。

### 過渡時代

千八百四十八年巴黎之第二革命起。積維也納會議以來之奇怨殊毒忍之又忍耐之又耐。春雷一聲而日耳曼之反動起而伊大利之反動起而匈牙利之反動起。一日耳曼之反動。日耳曼聯邦成立之大困難。則奧地利與普魯士之疾視是也。蓋奧非日耳曼人種也。而領日耳曼之土地多。爲日耳曼聯邦之主又久而普雖爲日耳曼人種又畏奧之強大不敢與抗。此所以維也納會議之時日耳曼人終無統一之望而遲之又久以至于今日也。自二月革命起奧國內部之騷大起。梅特涅老朽僅僅以身免。於是普乃乘之以謀統一召集各州開國民議會。惜哉使當時之議員也使其決心專意俱服從普魯士以抗奧則日耳曼之統一指顧間也。而不意各州互持其主權不肯相下政策一遲好機遂失。適奧地利內亂已平遂從而作梗。議會既決定不與奧合而奧政府遂有「奧決不能排除于日耳曼聯邦外」之

命令普王畏奧而議會遂支離滅裂以散。日耳曼統一之事業。竟如春夢。曇花。一時消去矣。雖然民族主義之至此時。則固已深入人心。有一瀉千里之勢焉。

二伊大利之反動 伊大利之民族統一之思想發達最早。而其事業則最難。革命又革命。騷擾又騷擾。曾不知擲幾許之頭顱血肉。乃始以易得其日所思夜所夢之祖國嗟乎。讀伊大利建國史。曾令人熱血增長五斗者矣。維也納會議。伊大利適爲列國之戰費。取償物。虎狼之奧直壓其首。支離憔悴。國民之困苦日甚。而志士之舉動日益烈。千八百四十八年。半島中革命如燃火矣。塞爾尼王亦乘奧國之亂。大舉謀統一。米蘭。朗罷等地。到處悉逐奧人。以謀伊大利獨立。瑪志尼亦于羅馬設共和國。哀哉奧人既定內亂。遂南征伊大利。而塞爾尼王亦虎頭蛇尾。終致失敗。羅馬共和國亦遭蹂躪。而伊大利民族統一之策。又遭一大頓挫。

三匈加利之反動 匈加利之合併于奧。本非匈人之願也。千八百四十八年以前。亦屢叛不已。及二月革命起。而匈人遂闕然并起。奧地利方以維也納本土騷動之故。不遑他顧。匈人之獨立政府。遂成。而斯拉夫之在巴愛米者。亦羣起而謀獨立。

日耳曼去。伊大利去。匈加利去。巴愛米之斯拉夫人種又去。昔日煌煌之奧地利。今乃一變而瓦解無餘矣。然奧王既藉軍人以平維也納之亂。又通款于俄。借力以攻匈人。匈人不支。奧地利各處之亂亦遂平。而各處所夢想之民族的國家。亦悉悉復其舊。

(未完)

他若有情吾能見

吾有情

更待向誰說





政法



學術

擅恣 anrufen, eigennützig  
private vs.  
öffentliche Verträge!  
!

## 叙德俄英法條約所載「高權」及「管轄權」之評論

## 因及「舟山條約」之感慨

芙蓉

契約者個人之關係。條約者國際之關係。其義初無懸殊也。故締結條約或委託諸君主或委託諸大統領之手而履行之義務是在國民猶之締結契約者或託諸家臣或託諸司事之手而實踐之義務是在主人故使條約而非得國民之同情是謂專制。猶之契約而非得主人之同意是謂擅恣。烏能為締結者諱也。然而國民而不問條約之利害如何而帖然履行猶之主人而不審契約之損益如何而馴焉實踐若而國民若而主人恐亦不能自儆於知覺者焉。

政法

Vonung: X  
Vor- und Nachteile  
nicht erwähnt,

demokratisch Zustimmung nötig => Han vs. Legation Man!

姑不論自黑龍江訂約以還。所謂津門條約。五口條約之約文。能知者若干人。即自馬關訂約以來。所謂膠州灣條約。旅順大連灣條約。威海衛條約。廣州灣條約之約文。能知者又若干人。在各國則宣示於政府。傳載於報紙。宜人人皆曉。在吾國則藏諸總署。編諸檔案。宜無從而知之也。茲得讀膠州旅大威海廣州之約文。因亟譯其大綱。並引釋其通義。以申儆於國民。

#### ① 租借膠州灣之條約曰。

德意志國政府。欲得通商航海根據地之故。……照長期租借之形式云云。……

割與（此文字注意）之地數方里。及灣之周圍劃定之地域內。苟非德意志國之承諾。雖經清國政府之命令。不得舉行云云。……

避兩國間衝突。以致有害邦交之故。所在貸借期間中。凡地域內之高權悉委諸德意志政府云云。……

#### ② 租借旅順大連灣之條約曰。

……特允將旅順大連灣二所及隣近相隣之海面。租與俄國。惟中國。帝權。不得稍有損礙。

……租期應自畫押之日始。控算二十五年。惟既已滿期之後。……斟酌續租。

……一切俄人。應歸俄國大員一人管轄。……如遇中國人民犯法。應交中國國家最近之地方官審判。

#### ④ 威海衛之條約曰。

……租借地域內之管轄權。惟大不列顛國。即英。獨享其有。

租借地劉公島及灣內之諸島。凡沿灣十里以內之地域。惟英國得行管轄權以外之一定區域。英軍止有駐屯之權利。若威海衛市內仍行清國之政令。（觀其言外之意。如上記島嶼及沿岸租借地之區域內。而英國之管轄權愈牢。不可破。所謂管轄權者。包立法行政司法而言。）

#### ④ 廣州灣之條約曰。



清國以法國停船貯炭之故。將廣州灣九十九年租與法國。但租與地內。法國不得妨礙清國之主權。

租借期間中。該地域內之管轄權。惟法國獨享其有。……法國於該地域內。得講防禦。租借地之住民。俱立於法國保護之下。……方法。……

法國以管轄租借地及海港之故。一切規則。皆得自由發布之權。……

條約之字面。我國之主權。儼若與租借國（俄、德、英、法）之高權及管轄權相峙並立。何其言甘而辭餽也。試問主權之與高權及管轄權。果能相峙並立否耶。我願與當世有名國際法家一論定之也。我願與我四萬萬同胞。就租借地之行狀而一一實按之也。

①主權者何。臘蚌脫氏曰。主權者。表國家最完全之國權之性質。查路恩氏曰。主權者。國家之最高無上之特徵。具不受其他制限之性質者也。

②高權者何。原來為君主或諸侯之特權之名詞。今則移為國權作用之稱號矣。所謂

領土高權。租稅高權是也。若德意志於膠州灣之高權。則併行政立法司法之三權而有之也。

管轄權者何。譯自英法語也。僅指司法權而言。今則英法於威海衛廣州灣之管轄權。又兼立法行政而具備者矣。

果如是。立法司法行政之三權。已屬於租借國（俄、德、英、法）而謂我國之主權。猶留我誰欺欺天乎。嗚呼。國家之存亡。視乎主權。主權之存亡。視乎主權之能力及性質。所貴乎主權之能力者。有立法司法行政之作用。今既三權之不屬矣。所貴乎主權之性質者。有最高無限之程度。今既受其他之約束。羈絆矣。失其性質。喪其能力。其為消滅也。必矣。西人一則字之曰。『消滅的主權』。再則字之曰。『裸主權』。嗚呼。消滅也。裸也。而猶得謂之主權乎。母乃謬而甚者矣。譬之於人。去其頭顱。去其胸體。去其四肢。則人身之何屬。而主權猶是也。去其立法權。去其司法權。去其行政權。則主權之何存。宜不待智者而決也。

英國碩儒國際法大家。還斯脫來克氏之言曰。

政 法

Diff. bringe  
nicht, - ge  
falls China  
主 五

Genau in  
wenn L. im  
Bene. verli  
↳ wo da noch  
主 2

absolut def.!

保護權與領土主權之區別證之以理論則稍異證之以實際無不同也雖名義之等差亦不可誣究之租借地之保護權既定不啻領土主權之意思表示矣故租借之着手不啻占領之着手蓋此後易掩列國之耳目易得列國之承認今日外交家保護權之定名誠選擇之至巧而至當者也

日本國法學名家法學士松原氏之言曰

近來歐洲列強乘老支那國之衰敗而鷹瞵虎視圖之惟恐或後取之惟慮不及陽則託租借之名陰實收割讓之利德之於膠州俄之於旅順大連灣英之於威海衛法之於廣州灣莫不皆然酷矣哉『狡猾的政畧』甚矣哉

『非法的文字』其斯謂英雄欺人之手段者乎

一則極口導其名之巧而當一則極口詆其手段之狡而酷此皆漠然無關係者之評論有如此而不知我四萬萬同胞之感觸如何也嗚呼高官厚祿食肉者鄙受外人之欺猶可言也而聲聲天下口口國家者受外人之欺則不可也童孺婦女受外人之欺猶可言也而號稱志士仁人者受外人之欺更不可也草野細民不知不

識者受外人之欺猶可言也而日日言自立時講民權者受外人之欺愈不可也嗚呼今日媚外者畏外者以及昧外者指不知外事者而言之如林如鯽固不足責者矣獨怪夫志士仁人充塞海濱名著鉅述汗牛充棟從未有『鼓我民氣激我群情以策我對外條約之前途者』此所以痛我士氣之衰民氣之弱而嘆息唏噓不自己者也日本有某文學博士其人者係社會學名家留學於歐西者有年一日吾友某君等訪其家彼博士謂吾友某君曰貴國雖一敗於法再敗於英三敗於日本近復有北清義和團之亂益遭外國人之蹂躪然而外國人非所畏也尤不當媚也宜鼓舞民氣砥礪前途含有復仇雪恥意否則殊非國家將來之佳兆云云擊哉其言羞殺吾天下愛國之士者矣

或者曰子無視條約之明文乎蓋約文所載未嘗不言留保清國之主權也吾亦反言以詰之曰汝亦無視條約之明文乎蓋約文所載亦未嘗不言列國之高權及管轄權之自由也姑不論條約明文所載之矛盾吾黨試平心靜氣探其究竟使以主權之文字爲重則所載之高權及管轄權等字樣可以無視使以高權及管



轄權之文字爲重則主權之字樣可以蔑視決無相峙並立之勢故二者必居一於此矣或者惟前說之是與不佞惟後說之是憑不佞主張之論據就法理而論就列國租借地之現狀而論參互對照自信不疑失其性質喪其能力之主權『消滅的主權裸主權』俱不得謂之主權前既論定矣更不容喋喋者也況乎列國（俄德英法）租借之意思何在憑其條約奉行其高權管轄權之實際方收得正當之權利否則何以達其租借之目的即失其租借之意思矣權利觀念之深如列國（俄德英法）者而肯出此乎更進而言之租借地域內清國之行政立法司法之機關（指官廳官吏而言）存耶否耶抑列國之行政司法立法之機關（所指同上）存耶否耶即如或者之說該地域內而留存清國之主權既有主權即有裁判權但無裁判官廨無裁判官吏如何以行裁判者耶恃條約之文面憑一己之想像而不信事實之現狀若而人者宜爲彼碧眼紅毛之英雄所欺者矣嗚呼彼售其欺真不愧爲英雄我被其欺而謂之何耶而謂之何耶

或又曰子不明主權有體用之分如上所記條約清國得主權之體租借國（俄德英法）得主權之用（高權是也）

英法）得主權之用（高權是也）

對之曰子不聞衙路排路氏之言乎主權者兼實力而備之也苟離實力而言主權不啻執泥塑木彫像而以爲生人也不活動的主權而不得認爲主權亦言之綦詳矣且如子所持主權有體用可分之說則乙國（譬諸俄國）可握甲國（譬諸清國）之統治機關吾子其願乎抑天下有是情乎

且上海等地所用租界字樣是爲私法上之法律關係不過居留地之一形式耳茲所云租借地者乃高權行使之所關爲公法上之法律關係此義不可不明也吾試列歐洲國際法大家之說子亦當恍然以悟乎

李士脫氏之言曰

國際條約採私法上法律行爲之式爲外形而實行其高權之作用爲內容往往而有吾人不可徒眩迷其外形而不締觀其內容也如一千八百七十七年瑞典之殺可脫排路脫來米島賣與法蘭西似私法上之賣買實則國際法上之領土割讓也又如一千八百九十八年膠州灣之割讓清德條約儼託租借

Filed  
Handwritten  
清國  
Yelute, no  
KX  
YB  
singul  
bure  
Fm  
mod

Trans  
主權  
之體用  
heir  
eities  
主權

P. Reel  
O. Reel  
div

之名實非私法上之契約。乃國際條約也。匿其移轉高權行使之內容而露其九十九年租借之外形不惹世人之耳目是爲外交家之手段而無妨於國際法者也（李士脫氏著國際法一〇五—六頁）

李士脫氏又言曰

往往託於承受、占領、行政之名義而爲『傳來的取得』之事實（傳來的取得指由租借而割讓）凡此時之所謂國權繼續不過名義上云爾如奧國於巴士泥阿海路雞哀可赫那之關係然也。英國於殺蒲臘士之關係亦然也。德意志於膠州灣。英國於威海衛。俄國於旅順大連灣。莫不皆然。昔巴士泥阿海路雞哀可赫那之事。在土耳其之明文亦有留保主權之說。但此之所謂主權者。法律上何等之意義。蔑如也（李士脫氏著國際法六〇—六一頁）

李氏之言明快如是。尚有李別路氏之論斷與李士脫氏之意見正同。茲不贅述。試

進徵蘭路蒲甫氏之言曰

而後租借權竟移爲確定的主權亦不言而自喻者矣。又曰此等形式最不傷人之感情真妙手回春之良手段也。

英國洛來恩士氏論租借地之關係而節錄其辭曰

自來國家對領土之主權有三種曰領土主權曰保護權曰勢力範圍邇來更有新式之一種是爲第四種曰租借權如一千八百九十八年德意志之膠州灣條約是也。同時俄國即步德國之後塵而租借旅順大連灣。首以二十五年爲期重許之以續租是不啻俾之以用益權矣。英國亦援利益同沾之條件而租借威海衛。法國亦不落人後而租借廣州灣。

此等租借地之法律關係詳說甚難。若論私法上之貸借權及用益權本不妨所有者之權利。但今所謂租借地者豈得同日而語耶。且如旅順威海衛猶爲清國之領域耶。抑屬於俄英版圖之一部耶。不能不疑從來清國與各國之通商條約凡於此等土地之關係其運命如何耶。若至交戰之時此等土地之管領如何耶。譬如清英開戰之際英國能攻擊旅順港耶。抑俄國能禁止英國之

Arg. - Berich vs. Mithungrecht.



攻擊耶。恐租借地之關係日多。一日正如覆水之難收。若條約面上文字以領土割讓爲重大事件。駭人聽聞。不如易之以租借爲婉曲。字樣易掩耳。目此外交手段之結果。而無他義者。也不觀乎德國別洛伯爵在德意志帝國議會。鼓其巧言如簧之辭曰。清國政府於租借期間。在該土地內之主權行動。悉委之於德意志政府。云云。顧將來條約期滿之日。清國之土地能回復否。耶猶屬未來。不可豫測之事。苟試其豫測之辭。恐對清國不免於失禮之嫌也。（洛來恩氏著國際法三版六六七頁以下）

洛來恩氏之言。一則曰。條約者。乃外交家瞞着世人之手段。不足深恃。再則曰。條約期滿之日。清國未必能操回復之權。按洛氏之措辭。婉委。但其真意之所在。以視李士脫氏。李別路氏之名爲租借實爲割讓之說。不相差池也。自今以後。列國之勢力樹植於該租借地區域內者。日臻月盛。而我國主權之恢復益難。此亦事實之當然。不待洛氏及兩李氏之言而知者也。

嗚呼。矛盾其文字。婉曲其語句。狐媚其手術。盜竊其行爲。甚矣歐西人士之欺我也。

究以主權之法理證以實際之事實。又廣徵諸名家碩儒之學說。無不與吾人之說相印。則又何有主權體用之說乎哉。

顧我浙人也。論及領土主權保護權勢力範圍以及租借權之巧言欺我。居心叵測。我曷能無桑梓切膚之痛。而念及**道光二十六年三月九日之一**

**大事件乎**。我鄉父老猶記及之否。耶曰。『**舟山條約**』是也。舟山島與英

吉利之關係。世界所共聞。而條約原文。爲從來所未見。嘗搜索於一千八百九十八年。蒲路蒲克雜誌第二冊第十七頁。載有舟山島條約全文。茲抄錄於浙江潮中。俾我全浙人士之取閱者。俯拾即是焉。

舟山島條約之全文如左。

Contract between great Britain and China.

Signed at Bocca Tiris, April 4, 1846.

Her Majesty the queen of the United kingdom of great Britain and Ireland,  
and his Majesty the Emperor of China, having, what a view to the Settlement

of all questions between the two countries and for the preservation of mutual harmony and good understanding, appointed as their plenipotentiaries that is to say.

His Majesty the Emperor of China, the high commissioner keying a member of the imperial House, a cabinet councillor, a guardian of the crown Prince, and governor-general of the two Kuang Provinces.

The said plenipotentiaries respectively have, in pursuance of the above-mentioned ends, and after communicating to each other respective full Powers, and finding them to be in good and due form, agreed upon and concluded the following articles.

### Article I.

His Majesty the emperor of China having, on his own part, distinctly stated that when in the course of time mutual tranquillity shall have been insured,

it will be safe and right to admit foreigners into the city of Canton, and the local authorities Bing for the Present unable to coerce the people of the city, the Plenipotentiaries on either side mutually agree that the execution of the above measure shall be postponed to a more favourable period; But the claim of right is by no means yielded or abandoned on the part of her Britannic majesty.

### Article II.


British subjects shall in the mean while enjoy full liberty and Protection in the neighbourhood on the outside of the city of the Canton, within certain limits fixed according to previous magistrates comprising seventy localities, of which the names were communicated by the district magistrates to the British consul on the 21st November, 1845. They may likewise make excursion on the two sides of the river where there are not numerous villages.



## Article III.

It is stipulated on the part of his majesty the Emperor of China that on the evacuation of chusan by Her Britanic Majesty's forces the said island shall never be ceded to any other foreign Power.

(未完)



哲理

### 續無鬼論

陳 梲

三 禽而妖獸而妖。虫魚而妖。草木而妖。一物妖則一方患之。一方患妖則四方傳之。傳之且復喘之。喘之且復甚之。而其間數見不鮮爲里諺街談所盛傳者。尤莫如狐。狐之妖也。或云歲久而妖焉。或云丹成而妖焉。是二說也。苟明動物學之公理者。則狐之生命自有一定之限。背是而妖不能也。苟明藥物學之公理者。則丹爲何物。爲何元質。所化合而成。有何作用。因是而妖不能也。然而流俗且曰。狐攝物矣。狐現形矣。言之鑿鑿。不啻身接而目覩。按光學云。物体之色。非物体所自有。其原在于所照之光。深夜無光時。有物体亦不能見。若一遇光。即可知其有是物体。因光綫射于物体。又由物体反射至目。而非物体所自能隱遁故也。狐攝物時。不蔽以他物。耶。則同此物体。其反射之光綫。必使物体照然可見。苟蔽以他物。耶。則所蔽之他物。其反射之光綫。又必使物体照然可見。是狐欲不竊而攝。幾于攝不能竊也。又按不可入

性公理云。二物不能同時並居一位置。函內之物人欲取之必先揭蓋。蓋不啓則不能出之。同時不能並居一位置。故也。韞櫝而失曰狐。所攝啓鑰而取耶。竊也。非攝也。神通不如狐。而亦能也不啓鑰而取耶。攝也。非竊也。神通甚于狐。而亦不能也。故攝物無是理也。物體之變形。可分物理化學二種。一爲性質上之變化。一爲形迹上之變化。而性質上之變化。以與他元質化合或物體分子之分解爲主。形迹上之變化。以受外界作用爲主。皆非其物體所能自爲也。狐則張王趙李。皆可揣稱以出之。從欲不踰。夫固其所自主矣。雖然。子子爲蚊。青虫爲蝶。蚤爲蛹。蛹爲蛾。動物之變形。未嘗無自主者在也。烏知狐之變形。不猶是耶。詎知此不過其生命之時代。自分兩界。如子子。青虫。蚤。爲自少至壯之時代。則爲蚊。爲蝶。爲蛹。爲蛾。乃自壯至老之時代。未聞子子已爲蚊。而蚊可復反爲子子也。且不必子子。而可青虫。可蠶。又可蝶。可蛹。可蛾也。例以狐之忽人。而忽狐者。固不符矣。動物之有人。也不知幾經層累進化。而構造乃臻于羣類之極。吾不意人之層累進化。始臻其極者。狐乃倏忽進化。而可以幾之。且倏忽進化已臻其極者。旋倏忽變化。而不欲居之。竊揆諸理。而不之許矣。傳之

言曰。妖不自作。我之言曰。妖無由興。上古蒙昧。因而有魑魅罔兩。諸稱後世進化。勿沿其誤可也。

四 爐焚香。孟注水。首散髮。手杖劍。若有所思。若有所聞。觀者屏息。而語曰。鬼神至矣。符咒所申召也。按聲學云。音之強弱。與距離之自乘方相反比例。咒與語言同爲人所發之音。則同此空氣傳咒與傳語言。必無差異。人發大聲時。約可及里許。過此即非耳所及。聽試隔里許。呼名人。輒不應。其明証也。諷咒時。僅喃喃語。發音甚弱。且不能達里許。故鬼神而在近室也。或聞咒鬼神而在遠方也。曷聞咒。其理明甚。雖然。烏知鬼神聽官。非具有一種特別之機能。而非人類所可比擬耶。是說也。吾可蒙上而一一言之。夫距離自乘方之比例。固一公理也。而遇阻面反射而弱。又一公理也。因風向之順背。而有易達不易達之別。更一公理也。尋常聲音之速度。每秒約一千英尺。左右其捷速。不如光電。即達矣。中已費時。亦一公理也。觀以上諸公理。有阻音之傳達者矣。有即傳達而不遽至者矣。相隔數百里。以咒召之。鬼神聽官。雖甚聰然。其所及聽也。費時其聽而來臨也。又費時。則鬼神之聽官。杳渺不可攷。而可即其感



通之速。攷知其謬矣。又書字于紙而焚之。生化合物。書紙爲符而焚之。亦生化合物。紙同墨同。雖筆劃不同。而所生之化合物。諒不致不同。焚紙之化合物。雖因紙而不。同而爲二。養化炭氣爲一。養化炭氣爲水蒸氣。餘剩物爲灰。燼硅居多。其大畧也。灰燼落于地。不能飛至他處。請鬼神則能。請鬼神者。諒必在飛去之氣體矣。然燒符生此氣體。而燒他物亦生此氣體。且空氣中本有此氣體。空氣本有之氣體。與鬼神無關。係燒符新生之氣體。乃與鬼神有關係。無是理也。燒符所新生之氣體。足以請鬼神。神燒他物所新生之氣體。不足以請鬼神。亦無是理也。然符咒萬不足以請鬼神。而吾竊不解。何則。吾國之人。欺以他事。不信欺。以符咒則信。豈獨至符咒而其愚不可及。歟。或者曰。吾國之人。于他事。匪惟不受人欺。且必欺人。獨至符咒。則不必人欺。行將自欺。而自欺實由于欺人。夫惟我中國舉國相欺。而符咒乃所以行其欺也。

五 圓球九萬里。渺無限。廓無涯。經線假定其東西。緯線假分其南北。星雲霞說假定其胎肇。一自吾國人論之。曰有五行之生尅焉。有四時之衰旺焉。有天干地支之定宮焉。有六十四卦之成位焉。有二十八宿之分野焉。于是醫卜星相。依附唾餘。鬼

神界乃益支離而旁雜矣。而由方位之旁門。以爲今日之大害者。則莫如堪輿。鐵道鑛山。均因之生障礙焉。攷周官墓大夫。此載與今西人墓地之制甚相合。方畝之地。後無所謂龍脉。前無所謂案山。中無所謂明堂。左右無所謂龍虎。而薺簾之塚。布列分行一行一列之中。或相間。而子孫之貧富不同。貴賤不同。穴地龍神之說。安在也。又俗名業堪輿者。爲風水師。持羅盤行山谷間。至則奠諸地。指曰某水朝某字吉。某煞臨某字凶。旁人咸唯唯。聽按磁氣學云。磁針之偏角各處不同。歷年不同。而同在一處。又因季候而不同。因旦晚而不同。使執風水師告以此理。則彼非惟不瞠目結舌。反將攘臂大言曰。吾磁針固正。指南北。初何嘗有斯變更也。方位之不可徑以磁針定。略經航海者。諒必知之。而風水師顧不僅據以定方位。且據以定禍福。吁。其謬也。至于五行之說。不倫不類。試即其一而言之。水爲輕氣。養氣所化。而成非金所能生也。因分解蒸騰而失。非土所能尅也。流而爲江河。滯而爲湖海。非北方之地所獨多也。則合諸五行所言。水無一符矣。溫帶分四季。熱帶僅分二季。以四季言。可分勾芒祝融。蓐收元冥以主之。而分二季之地。則孰二神有執二神。無其能答乎。季候

之異由地球表面對太陽位置之不同不明此理而曰神所主必以爲神夫亦神之已耳千支爲一種紀時法毫無他意流俗雖善于附會而以甲子亡以甲子興古創業君亦有明言其謬者矣易列于十三經斥其爲謬學究或譏其侮經井上氏之言曰儒教中之有卜筮猶佛教中之有天堂地獄皆上知者所不取矣二十八宿各自爲星各有軌道與地球表面上之一小部分毫無關係而燕齊趙楚以稱分野一見眉睫不見丘陵之解也故夫方位之說方且錯歧途詭流派囂然莫詰其所底止吾得一言以蔽之曰牽強附會乃一種吾國人特色之性質而已



## 教育

### 教育學

不 懣 子

緒言 教育之定義 教育之界限 教育學之爲科學何如 教育者 被教育者 教育之

目的 教育之方法 教育之制度 現今教育學之研究法 結論

#### 第一章 緒言

政治家胡爲乎運神經于內政外交曰維國軍事家胡爲乎擲身命于硝烟彈火曰維國實業家胡爲乎勞心力于農工商賈曰維國國之所與立者國民也造國民者教育也人生之問題雖百其流千其流要皆朝宗于教育何以故以一國之民皆弟子一國之民皆教師故

所謂一國之民皆弟子者何夫民爲邦本本固邦寧茲義也吾中國人人能言之矣雖然昔之所謂固本云者對于君而言也若曰君而得民心者安君而不得民心也則不安耳其言也爲君告今之所謂本也者對于外而言也本而能優也則存本而劣也則亡其言也爲國民全體告而非爲一人一姓言也夫民族競爭之世界其本



優則興。本劣則亡。若操左券。不可絲毫強也。固矣。舍劣就優。厥惟教育。而完全邦本。尤非普及。不爲功。文明國之所以行強迫教育者。蓋誠以國家之強弱。一視國民之學問品性之程度。以爲差。而苟欲競自存者。則非舉全國之民。而悉教之。不爲功也。故雖以英人之富于自治力。而近頃亦採用強迫教育之意。嗚呼。茫茫廿紀。血雨腥風。一失其時。萬劫不復。蓋立于此。憂患之舞台者。其自存之道。有如是也。

所謂一國之民皆教師者何。夫科學亦夥矣。于茫茫學海中。而別樹一幟。標其名曰教育教育者。此其間固非無界限在也。雖然。吾就其廣義言之。則一國之民。固皆有教育者之責任也。豪傑乎。英雄乎。其事業其精神。何一非欲振蕩社會而改善之也。是皆教育之影也。就個人言之。則教育者。又已對于己之義務也。是故父母而不教育其子。則賊國民之分子也。其有罪固宜。而已對于己而不盡義務。則又自殺之道。罪不容于理者也。舉一國之人。而皆自殺。而欲其國之興也。得乎。

嗚呼。我國民亦知教育與國家之關係乎。德將毛奇歸戰。功于小學校之生徒。而德皇威廉有輔朕爲世界主翁之語。我國民亦聞之乎。彼歐洲自社會變而古學復。新

教創而科學精。至十九世紀而新教育出。自由風潮。波及全部。宗教臭味。一掃而空。人人愛國。人人愛種。而震撼環球。左右世界之膨脹的教育。由是產矣。蓋自是以後。莽莽廿紀。非政治之競爭。已也。非軍事之競爭。已也。蓋實利益之競爭。權力之競爭。經濟之競爭。要而言之。則國民品性之競爭。是也。教師之講畫也。在此。弟子之勉勵也。在此。羣一國之民。孜孜焉。皇皇焉。莫不以此爲鵠。誠哉時勢所趨。雖欲阻而無可阻。欲避而無可避也。睡獅睡獅。將何以自處乎。

嗟我禹域。教育淵源。已濫觴于四千餘載以前。契爲司徒。敬敷五教。典禮典樂。具有專職。文化之早。非偶然也。中經喪亂。一尊定而進步衰。乃至頌新莽之德。上書者至四十八萬人。鑒黨錮之禍。至專尙清談。盜酒裸體而不恥。士風之衰頹也久矣。然猶有望焉。至若王猛之事苻秦。崔浩之事後魏。而蒙古蹂躪中原。士人爭習其文。嗟我黃裔。廉恥盡矣。試一翻劉漢以後之歷史。忍棄宗國。轉媚異族者。後先相映。更僕難數。王猛崔浩。猶其小焉者也。嗚呼。斯真我國之大污點也。斯真我國之大污點也。雖然。亦奚足怪也。黃裔四萬萬。環而居者非蠻則夷。非戎則狄。所謂國家思想種族

觀念者。本無由以刺激之也。由自。大。心。生。排。外。性。排。外。不。克。漸。成。奴。性。流。毒。至。今。宜。其。魚。爛。而。不。可。問。也。今。學。堂。有。矣。報。館。有。矣。譯。書。有。矣。而。人。荒。如。故。心。死。如。故。者。謂。非。腦。毒。之。未。盡。耶。睹。異。邦。之。現。勢。憫。祖。國。之。前。途。仰。首。西。望。擲。筆。久。之。嗚。呼。哀。哉。我。國。而。忍。其。亡。也。如。不。忍。其。亡。則。舍。教。育。爲。下。手。點。其。誰。與。歸。

## 第二章 教育之定義

教育者何。教育者對於被教育者。定一貫之目的。立美善之方法。施行之制度。而舉被教育者之身體之心意之膽力之智德。發達之陶冶之而持之以悠久者。也有提攜導引之旨。使之成高尚之人格。爲有用之國民者。則英語 Education 之義也。含積極消極二意。使之上達而成。立制私而化惡者。則德語 Erziehung 之義也。吾今開宗明義。所當最注意者。有一大事。則須知教育者。乃人爲的而非天然的也。教育者。乃用人力以強其天然者也。吾中國民族之向來所受。皆天然的而非人爲的也。夫巍巍山嶽。浩浩沙漠。與夫冰窖雪地之區。煎沙爛石之候。無不足以潛移默化。性質故鄰于山者。野鄰于水者。文其大較也。雖然。其影響無意的也。其摩盪

天然的也。不得謂之教育。鳥獸之解其雛。養其狙。或哺以乳。或食以餌。顧僅以本然之能。遂其子之生活。又非教育。無容疑已。野蠻之人。逐水草。設羈幕。茹毛飲血。以相教養。去禽獸亦幾希耳。至若力田之農。厚生之工。固有益于社會。非野蠻者所可比擬也。然其對生徒也。傳衣鉢耳。授技藝耳。于教育全體之真義。概乎未有聞也。進而求之。則有所謂家庭教育社會教育。教育誠教育矣。誠相須而不可缺一矣。而無如于教育全體之制度。猶不足以括之何也。然則苟非如吾前者所謂定一貫之目的。立美善之方法。施行之制度。發達之陶冶之而悠久之也。何足與言教育。何足與言教育。

今將發達之陶冶之悠久之之義而先演之。而以目的方法制度之論繼其後。

發達 有生理之發達。有心理之發達。一言以蔽之曰。稟賦之發達。稟賦之爲物也。

溯其起源。學說不一。或謂彼蒼賦畀。或謂祖父遺傳。謂乃祖父歷代之經驗。相傳而愈進化之結果也。以科學

論之。其後說乎。雖然。前乎後乎。皆非係于教育界者。吾姑不與論。要之人也者。必有受教育之資格。而其稟賦又必有一定之時。最活潑而宜于發達者。故研究其稟賦



性質。注意其稟賦狀態。則教育家所當有事者也。

論稟賦之性質。則主善主惡之說。遠自周秦。旁及歐美。聚如鯽之哲學家。而未有定。而教育學說。亦因之以歧。信性善者。尚自然。蓋倫理的見地也。唱性惡者。貴矯正。蓋歷史的見地也。雖然。進化者。萬物不易之大法也。由陶汰之結果。則適者自存。不適者自去。教育者。對於一身。而為有智識之陶汰之謂也。吾姑弗論其高且遠者。而就我國民言之。其社會也。其風俗也。嗟乎。若參商。若秦越。而官如虎。吏如狼。可勿論矣。雖有百孟軻。千盧騷。奔走號召。如禹迹之所至。吾亦未見其有效也。蓋其昔既受天。然之教育根之于性。組之成風俗。流之于遺傳。卒以成今日之民。卒以成今日之國。而苟欲矯正之。陶汰之。則前途茫茫。茫未有紀。極嗚呼。可不奮耶。

且利用時期。亦教育者之責也。人丁童年。如春葩。如旭日。如驥足之初馳。如鵬程之上搏。非可愛哉。然而多稼之田。非無稂稂牛山之木。或有荆榛發達之狀態。發達之結果。尤教育者所宜注目者也。

陶冶。發達者就身心之有形上言之。陶冶者就性質之感化上言之。故發達所以

全個人而陶冶。所以利國家人之于國家也。如空氣。不可須臾離。離則夷。此歐美乳臭兒所共知。奚俟予之贅辭。然而猶有說焉。天行之虐。酷于電火。種禍之積。高邁哀峰。地球上最高之點。考其故曰。無國家。推其極曰。無教育。知者知其然也。于是立陶冶之方法。蓋欲奪天行之爐。造物之權。以鑄鑄國民之腦。薰化國民之心。使之愛種愛國。如愛其身。十九世紀民族主義之排山倒海。開千古未有之偉觀。者蓋實教育陶冶之力。有以致之也。

嗟我黃裔。疇昔之屈伏者。可勿言。而今則白種人之勢力。二十世紀之風潮。且齧集于葱嶺以東。黃海以西。一方面庚子之役。僅小試耳。然而為虎俚者有之。稱順民者有之。姑無論也。姑謂其為其不知也。然而其知之者。則又何如嗚呼。吾不忍言矣。雖以吾窮畢生之力。唇焦而舌敝。是區區者。又何能與社會之風氣敵。吾退而思其故。吾蓋悟吾勸吾世之言教育者。于陶冶二字三致意也。

悠久。夫天行人治。常相毀而不相成者也。然天行劇而人治暫。吾人僅以七尺之軀。立于天演之中。內界有競爭。外界有競爭。苟非堅忍不拔。如哥倫布。巴律西。其人

者未有能建事業者也。而況乎教育。天下效之。難見未有如教育者也。然而苟見其效。則雖舉天下至大之力。無足以撼之者。不觀夫白人之愛國心乎。美之獨立也。華盛頓率十三州志士。激戰奮鬪。一敗于龍沽。再敗于夫蘭。飢餓迫身。怨聲載道。而彼能百折不撓。卒成偉業。意之再興也。三傑倡之。三派和之。一敗再敗。至流離海外。遯跡農耕。而志不少懈。卒建新國。吾于此敬慕之情。不禁油然而勃起也。今之稱志士。稱少年者。平日有氣吞霄漢。志開金石之貌。然一事當前。輒拱手謝不敏矣。稍上者。或毅然一試。已而偶遭挫折。亦復心灰意嬾。如老馬之伏櫪。如寒蛩之蟄居。夫以此民族處于今日世界而不滅者。亦云幸已。教育者宜如何乘此勢而有以自處也。

(未完)

履霜之屨寒於堅冰

未雨之鳥威於漂瀼

痺勞之疾殆於癰疽

將萎之花慘於稿木

## 傳記

### 中國愛國者鄭成功傳

匪石

#### 緒論

距今歲二百四十一年。清祖入關紀元已十九周。中國本部。東西南北各萬里。立於其朝者。旅行於其市府者。負纓戴髻之倫。爭奔走黃色龍蠹之下。或謂呼或嬉游。各手「康熙元年時憲書」。而哭故君迎新君。且弔且賀。不敢衰忽焉。黑雲萬葉。升自海南。一小孤島。大星小星下墜如彈珠。時則號聲大作。驚浪嫋嫋。漫于我中國全部。其嘈亂于太平之淫歌。而不可復辨。歟其雜入于中國南部之孤臣孽子之耳。而不復成聲者。歟嗚呼。此何事。此何事。

則臺灣島主鄭成功。永謝我中國民之歲也。嗚呼。吾國民以是歲橫渡大江西。極滇境。過郡城北門。外徘徊故明桂王墓下。不忍去。上溯夏四月戊午。王與諸妃嬪諸王子。實殉國難於此。于是甲申之歲。北都亡。越一年乙酉。南都亡。又一年丙戌。閩浙亡。



又十五年辛丑粵疆亡。蓋終始相距僅十九年。其未遠也。而所謂中國本部二萬萬面積之土地。乃爲博物館歷史部之名詞。而所謂自黃帝以降所軀育嬌愛四萬萬之子孫。乃爲博覽會人類參考館之陳列品。而奄奄以病。以羣病。以死。以羣死。……嗚呼。其能勿哭。其能勿哭。

吾將哭鄭氏。哭鄭氏所據之非地也。哭鄭氏子孫之不卒也。雖然。其勿哭矣。吾將哭吾國民。吾國民負東方大陸之重擔。又力不勝荷。則棄之棄之而不復顧。無復有一試負焉者。有之。仰指天。俯畫地。徒手跳。跟弓不足。一矢車不足。一馬進無可據之寸地。退無可守之尺土。若是者。其興也驟。其亡也忽。史家悲之。掇拾以爲材。猶慮不足焉。吾惡乎能勿哭也。今夫南都劉亞相宗周史閣部可法之徒。接踵並起。天下想望中興焉。畫江議起。遂即淪喪。今夫浙金陵已陷。潞王已降。忽大聲發於江上。則孫嘉績熊汝霖起兵。自餘姚張國維起兵。自東陽錢肅樂起兵。自鄞上今人所稱『浙江潮』者。至是乃浩蕩澎湃於全浙之野。勢盛矣。卒大不幸而洩流於舟山狂濤落日。君臣竊竊相對。語衣冠顛倒。無復常禮。如是者二年。（野史傳王自失浙閩以後。以

海水爲金湯。以舟楫爲宮殿。陸處者唯舟山二年。御舟稍大。名曰河船。即其頂爲朝房。諸臣議事于此。今夫閩則唐王之所治。黃道周蘇觀生之流。並能以意氣相期許。昊天不弔。實產妖孽。王卒糾紛凝滯于「祭則寡人」之錯鐵案。而身死於吾所傳中國愛國者鄭成功之父芝龍之麾下。而國隨以亡。今夫粵崎嶇滇蜀蠻獠雜處。搶攘竄越。幾不暇席。而猶支撐傾側至十五年者。何也。曰以有良臣。故卒之蠱賊內訌屠殺忠直。而遺燼遂熄焉。當是時中國全部之孤臣孽子。乃心死。乃血熱。乃目竭。乃神往。乃大注意於海南孤島之英雄曰鄭成功。

我中國之歷史與世界異。故中國之英雄亦與世界之英雄異。雖然。吾中國何嘗有國史。唯無國史。故可以髻髮可以辮髮。可以忽髻髮。忽辮髮。而不然者。鄭成功答其父書曰：『今來剃髮之國。便即剃髮。設來穿心國人。吾亦將穿心乎。』其史爲世界所未有也。故曰鄭成功者。吾中國之英雄也。唯無國史。故可以父秦。可以子楚。可以子忽。秦孫忽楚。而不然者。鄭成功答其父書又曰：『父自叛明。子自忠明。父勿能吾強也。』其史爲世界所未有也。故曰鄭成功者。吾中國自有之英雄也。有此二異。故

吾崇拜世界之英雄不如崇拜吾中國之英雄。何以故以吾中國數千年來之時勢之地位種種與世界殊絕故。吾嘗讀法蘭西革命史而驚其民政之發達其排政府而護自由如獸走壙水就壑而不可止而鄭氏所爲未能是吾嘗讀英國革命史而驚其政府範圍界蓋益縮小雖仍復王政而未有害而鄭氏所爲未能是吾嘗讀意大利獨立史而驚其局縮于非種專制之蠹下而且破壞且成立以圖再造古羅馬之光榮而鄭氏所爲未能是雖然勿遽責之吾中國民族之智力之羣體其能如法蘭西其能如英吉利其能如意大利如其未能則吾中國民其勿大言世界之英雄矣非終勿言也吾中國果有鄭成功其人者衝決又衝決排蕩又排蕩使吾中國數千年來輕浮不正似雲非雲似霧非霧之妖氛盡散之於廣漠無人行之野而雷以震之風以蕩之電雨以衝激之久之又久乃始可歡迎世界之英雄而紹介於我東方大陸之舞場也故中國之英雄乃爲世界英雄之先導而世界之英雄又爲我中國英雄之後勁也故吾不得不曰中國之英雄乃鄭成功也。

咄吾國民其凝望非中國土之臺灣其下拜二百年前中國已死英雄鄭成功其諦聽中國愛國者鄭成功傳。


### 第一節 鄭成功未出世時中國之時勢

吾中國亂界有東西不可經南北不可緯之公例二

(甲例) 流寇——假王——真帝

(乙例) 流寇——假王——真帝

吾中國亂界又有東西不可經南北不可緯之特例一



其公例(甲)則有流寇然後有假王有假王然後有真帝之義也(乙)則流寇等于假王假王等于真帝之義也其特例則外寇入爲流寇爲假王而皆有真帝希望之義也以此二例而爲流寇假王真帝三者之別則以佔地能守與否爲斷以佔年能久與否爲斷翻觀鄭成功未出時之中國



第一爲黨社分爭時期。神宗之朝有騰天降淵而爲明末世紀鬼榮神歆之歷史之主動力者東林黨也。其主魁曰顧憲成。頽然一講師而已。既憲成起爲總憲。風裁乃大著。顧嘗曰：『官輦轂志不在君父。官封疆志不在民生。居水邊林下志不在世道。君子無取。』彼能抉破數千年文字社交之薄習而主張清議。冀得當以報家國。亦上天下澤之機關社也。方是時。世人論者可分爲是東林非東林兩派。是東林派以結社講學爲主義。曰：『應社曰廣應社。崇禎初復社興於吳江。幾社興于雲間。社興于浙西。江之北曰南社。其西曰則社。又有歷亭。席社。昆陽。雲簪。社。武林。讀書社會吳。下以隸屬於復社。自復社始設己己之歲。下迄辛巳。凡大會者三四方來者萬餘人。以其無法則無精神。故氣節常不如東林。自復社以下皆以估科第多少卜社事興亡非東林派以植黨伐異爲主義。曰崑宣。黨。齊。黨。楚。黨。浙。黨。而其兇猛有大力之反動。家則惟璫人。憲成手嘗疏發璫黨崔呈秀之賊。同黨楊左。諸氏。交又章劾璫。璫益憤。乃以翻手爲雲。覆手爲雨之手段而舉明史氏所指「挺擊紅丸移宮三大獄」。盡移置於空洞無倚之東林。而東林遂爲別嫌引讎之中心地。

然則謂東林不亡。果足支殘明乎。曰。烏乎然。東林黨者。乃無規則無用具之政學會也。其所引皆達官貴人。平民無聞焉。軍人無聞焉。刻言之。彼終未脫「老學究」之習氣。而于今世界所謂平民軍人兩主義。猶風馬牛之不相及。雖然。彼固以「忍苦」爲極樂。以「求死」爲究竟。而能自達其希望者也。吁。嗟乎。東林。吁。嗟乎。東林。偉然其人。歸然其地。乃竟隨大明之江山以去。

(此節未完)



學

術

八

千年故國今誰主

吟也淒迷

夢也淒迷

掩卷故聞杜宇啼



大勢

大

世界一般大勢

慧

僧

## 二十世紀之太平洋

嘻二十世紀之太平洋！

今日之所謂帝國主義者非無意流行之名詞而人類社會緊切之事寔也所謂世界政策者非政治家之野心夢想而時代之精神與國際政局之警語也世界大勢既準加速度之例以日逐於文明之競場而列國乃以國家為生存競爭之本位整頓其軍政發達其工商業培養其經濟資力內以鞏民族之統一外以謀國力之膨脹策而國際政局之東漸遂如暗潮之潛流如猛火之暴發不知不覺傾注於數千年來沉寂無聊之太平洋而成為列國競爭之中心點

今日世界各國傾其全力以經營太平洋者。美則踰海而至。俄則越陸而來。若英若法若德。皆經由地中海。渡印度洋。急起直追。不遺餘力。蔥蔥鬱鬱。列國角逐之中心。世界貿易之通路。二十世紀之大舞台。舍太平洋其誰與歸也。

太平洋之出現于世界也。自十九世紀下半期始至最近時代。其勢愈趨而愈烈。文明之潮流所傾注者。太平洋也。進步之氣運所推移者。太平洋也。試披覽地圖。所區畫爲北太平洋。南太平洋。與夫波濤衝突。星旗羅布之各島嶼。數十年來。變化之態度。漸著向之棄而不顧。稱爲無知蒙昧之南洋大陸。今則有一萬五千英里之鐵道。成每年輸出入十六億萬圓之一大市場矣。向稱爲風濤荒險。人跡罕經之孤島。今則爲列國商船之停泊所。及海軍之駐在地矣。向之食人蠻族所盤踞之島嶼。今則悉受支配。而化爲樂土矣。其進步發達之速。直令人有不可思議者。

請先言其南太平洋之方面。爲世人之注目者。第一在英國重鎮之澳洲聯邦。七十年以前。歐洲人之殖民於斯地者。不過八萬耳。其內二萬餘人皆屬囚徒。踞居於沿海之一角。從事畜牧。乃自千八百五十一年於巴沙爾斯脫發見金礦以來。澳洲

之殖民。遂逐年增加。至千九百一年一月一日。新沙斯維爾。維多利亞。科士倫。及南澳大利。西澳大利。達新馬尼亞。諸殖民地。組織白澳洲聯邦。成行自治。政而太平洋中。龍跳虎擲之新國家。又出現。白澳者。謂澳洲聯邦爲白色人種之殖民地。非他人所能與有也。

調查澳洲之貿易狀況五十年前。不過九千萬圓耳。至千八百九十九年。合新錫蘭之貿易而統計之。輸入額約七億二千萬圓。輸出額達八億九千萬圓。且二十年前。以前其貿易事業。僅行於母國。英吉及其殖民地之間。而今日歐美各國與澳洲商

業上之關係。漸次緊切。今計其每年之輸入品。七億二千萬圓中。由英國輸入者。僅二億六千萬圓。其餘則皆由印度。錫蘭。坎拿大。斐伊西。美。德。法。白蘭。支那。日本。香港。等輸入也。輸出品中。約八億九千萬圓。赴英國者。約三億六千萬圓。其餘則赴歐美亞各國也。澳洲貿易之進步。如斯之速。與各國之關係。如斯之重。然則世界列國對澳洲之如何利害。不從可知耶。

英國於南太平洋之殖民地。次澳洲聯邦。而占重要之地位者。其新錫蘭乎。新錫蘭

在澳洲之東。約距千二百哩之遙。每年之貿易額達二億五千萬圓之上。僅羊毛一項。已約四千萬圓。而澳洲之北。如新尼阿者。爲英德蘭三國之領有地島中。山嶽既多。土地亦豐沃。而森林鑛業之屬。尤屬不少。英領新尼阿之首府曰巴德馬斯腓。爲有名之良港。與西德尼間。開定期航路。每年之輸出入額合計百萬餘圓。其商業亦稱盛矣。雖然。西德尼者。於商業上之關係猶淺。而其於軍事上則實占重要之地位者也。次澳洲新錫蘭而占同等之險要者。有斐伊西群島。島之數超二百。其面積約四千二百五十方英里。千八百七十四年。屬於英國。該島與外國貿易之物產。以砂糖爲大宗。今查其千九百年之輸入額約三百四十九萬八千九百圓。輸出額約六百十九萬八千三百六十圓。此外又有索洛蒙島。新哈勃利德及沙麻阿群島之一部。然則英國於南太平洋之方面。其占重要之地位者。亦可見已。

雖然。又有美國於南太平洋亦非常現膨脹之狀。而聳動世界之視聽也。千八百九十八年。美國既併有布哇。更伸其勢力於東方。同年十二月。以斐律賓群島及哥阿姆島均歸入其版圖中。及千九百年。英美德三國條約既成。更占領西西伊拉島。沙麻

河群島之一部。於是桑港及美洲諸港至澳洲間。遂有駐屯海軍之所。沙麻阿群島亦軍事上之重鎮也。美國既占領西西伊拉島。平時爲安全之通商港。戰時則爲鞏固之海軍地。他日美國欲雄飛于東洋。不得不占太平洋之勢力。而今則固巍巍然有雄視一方之概矣。

雖然。又有德德於南太平洋方面。其始現活動之氣象者。實在千八百八十年以後也。千八百八十四年。既占領新尼阿之一部。同年得新勃利登及新愛蘭兩島。即改名爲畢士馬克群島。千八百八十五年。併馬西阿爾島。千八百八十六年。與英國協商得索洛蒙群島中之三島。千八百九十九年。與西班牙結條約。以八百三十七萬五千圓。購加洛林馬來倍爾各島嶼。加入其版圖。千九百年。更占沙麻阿群島中之烏巴爾沙維阿兩島爲領地。夫德國於南太平洋之屬領地。雖未敢云廣大。然其實行殖民政策。固無時獲暇也。將來德國之勢力逐年膨脹。固吾人所不得不共認者也。則請言其北太平洋方面。其變遷之急激進步之神速。真有非吾人意料所及者。以區區日本島國。自維新以來。未及半世紀。即有如今日之發達。始則由中東戰爭。



揚國威於中外。繼則因北清事變。逐一躍與列強爲伍。今亦眈眈逐逐。亦欲實行其帝國主義。而俄羅斯又無日不整備軍旅。欲遂其南下之政策。始於旅順大連灣一試。其手段他如西伯利亞及東清鐵道。費多年之經劃。漸次告成。使太平洋各沿岸與歐洲之交通縮短至三週以內。此亦列國所注目而驚歎者。也。英國於南方經營香港。於中央擴張長江一帶之勢力。於北方租借威海衛及經營秦皇島。德意志亦銳意經營山東。無時敢暇。遂使極東之老大帝國不期而成。國際政治及世界貿易之中心也。嗟夫。睡獅睡獅。世界之風潮日日衝擊乎。其目其耳而乃酣然若無覩。不再數年而寢爾皮而食爾肉。可豫斷也。

綜覽太平洋之全局。將來之事變。正未有艾。而其競爭之中心點則北太平洋之方面也。而支那適當其衝。自中日戰爭以後。歐美列強莫不銳意擴張其政治上之勢力。與商業上之利益。千八百九十八年而德國租借膠洲灣。得山東之鐵道敷設權矣。同年二月而英國立內河開放及揚子江沿岸不得割讓條約矣。同年三月而俄國租借旅順大連灣。同年四月而英國租借威海灣。同月法國租借廣州灣。同月日

本得福建不得割讓之保證。夫列國對支那占據政治的勢力。既如彼。雖然彼欲行其經濟侵略。吸其血而取其膏也。而非占據政治的地步。則不能保護其商業利益。非擴張政治的範圍。亦無由振興商業的經營也。

支那既化爲列強商戰之大市場。於是注入資本以攫取工商業上之利益。或開鑿其富源。或求其鐵道。敷設權。或索取其礦山探掘權。而所謂和平的戰爭者。乃日甚一日。試調查支那之外國貿易表。千八百九十二年輸入額一億三千五百十萬。千九百九十八兩輸出額一億二百五十八萬五千五百二十五兩。至千九百一一年輸入額二億六千八百三十萬二千九百十八兩。輸出額一億六千九百六十五萬六千七百五十七兩。僅十年間。而支那之商業發達如斯之速。若開放其全部爲世界貿易之中心。並以其借入之外資與熟練之技術。最新之科學。勤勉之人民。以經營農工殖林水產等事業。更整備交通機關。以便利其輸運。則列強之利亦何疑焉。此所以庚子以後。經濟的侵略政策定而列國對我之網羅乃愈烈也。

商業勢力之消長與海上權力之興敗。實有密切之關係。故一國欲保護其貿易事

業而伸張其商業勢力則不可不振起其海權所謂欲制商權先制海權政治上之權力伸而商業上之權力亦隨之而振也今列國欲擴張商業勢力於支那而掌握太平洋之商權其不敢不先制太平洋之海權者亦出於勢所必然者也

然則二十世紀之大問題可稱為太平洋海權問題矣惟將來何國得制太平洋之海權何國得為太平洋之主人非吾人所能預言而今日該問題既關於列強勢力之消長故其競爭之熱度日形增加各國由東亞起釁經太平洋而達美國之航路已立汽船會社者凡九今列舉其經營之狀況如左

第一 坎拿大太平洋鐵道會社有六千噸以上之商船往來香港晚香坡之間每年由英國政府給與多額之補助金

第二 美國北太平洋汽船會社有三千噸以上之汽船六艘由美國太哥麥及布脫倫發航經日本諸港以達香港

第三 屬於美人管理之太平洋郵船會社有汽船數艘往來香港檀香山間

第四 美人設立之卡列芬尼亞及東洋汽船會社有三千噸內外之汽船數艘

往來卡列芬尼亞州聖荊格港及香港間

第五 英國之支那汽船會社有汽船數艘從上海起程經日本諸港達美國之

維多利亞達克馬及西阿爾

第六 波士蘭及亞細亞汽船會社往來布脫倫及香港間

第七 英國東西洋汽船會社有汽船三艘往來香港檀香山間

第八 日本郵船會社有三千八百噸至六千五百噸之汽船六艘往來橫濱維

多利亞及西阿爾間

第九 東洋汽船會社有汽船三艘其船舶屬於日本與東西洋汽船會社及太平洋郵船會社相聯合共同經理往來香港檀香山間

更由歐洲經蘇彝士河而達東洋復由東亞至歐洲之汽船會社列強亦爭先設立以圖商業之發達今舉其重要者如左

第一 英國之比阿會社有四千五百噸至七千四百噸以上之汽船九艘往來倫敦上海間

第二 德意志帝國郵船。由德國最有力之汽船會社北德意志魯伊德及漢堡亞美利加兩汽船會社協同經營。有五千噸至一萬噸以上之大汽船九艘。從德之漢堡及波婁曼發航。經地中海沿岸與印度重要諸港。而達上海。復由上海赴美。

第三 法國郵船會社。有四千噸以上至六千三百噸以下之汽船九艘。往來法國馬耳塞及日本橫濱間。

第四 俄國義勇艦隊有三千噸至七千四百噸以上之汽船十數艘。每年由俄政府給與巨額之補助金。往來哇德塞旅順及海參威間。

第五 太平洋汽船會社。有汽船三十二艘。由英國之利物浦倫敦古蘭斯格相互發航。經由印度而達日本之橫濱。

第六 支那相互汽船航路會社。該社設置倫敦。有汽船數艘。由倫敦航海至上海。

第七 日本郵船會社。有六千噸以上之汽船十二艘。往來橫濱倫敦間。並得在

白耳義之安特維爾浦停泊。  
此外有澳大利魯伊德會社。英國西意阿汽船會社。古靈汽船會社。及日本郵船會社。並由南清赴澳洲數航路。

未完





太平洋  
遠天近  
夜夜驚波  
卻不平

## 各國內情

## 俄人之性質

(續前)

飛生

勢

大

77

其四世界大勢上之觀察點及其國之勢力範圍。自俄人之歷史的及地理的關係言之。則與其謂之爲西洋的。不如謂之爲東洋的。蓋不僅俄人之血管中含東洋民族之血液多。即其境遇亦亞細亞的也。自古俄人與東洋野蠻諸帝國相觸接。或併吞。或侵略。無所不如意。蓋俄人與東洋民族有自然之親和力。混淆之統治之。彼等有特別之天性也。今日者其勢力範圍西自君士但丁。東達太平洋北自北冰洋南至亞富汗而其部分大半屬於亞細亞。嗟乎。吾恐不待今世紀之終而俄人之勢力必直控東亞大陸而爲其主人翁矣。

今日世界之趨勢文明之中心點果何在。果何在。則少壯有爲之四大新進國。即俄日美澳所圍之太平洋是也。雖然。二十世紀者經濟競爭之世界也。西伯利亞鐵道既與世界商業有大關係。而俄人產業之膨脹。又早于十九世紀中爲世人所注目。



大勢

一〇

以歐洲南部之荒野。一轉瞬而化爲繁榮之工業地。以西伯利亞之荒寒。一轉瞬而化爲世界之樞紐地。而又以地勢之便。天產之富。人力之強。雖俄人固非產業的民族。要之其將來之雄于經濟界者必矣。而當時之能以絕大勢力與彼天驕者爭者。則惟米國而已。二十世紀之大平洋中一海一陸一文一野一爲條頓民族之強幹一爲斯拉夫民族之代表以相搏相盪演一場空前絕後之事業。噫誠壯觀哉。綜上四點而俄人之大略可以見矣。雖然斯拉夫者少年人種其發達在將來而今日人種之勝敗則一視之國家之良否以爲衡。吾既攷彼族之特性。吾且就其國家之將來論述之。

其一曰人。

自交通日便而思想互換文明之差益益減少。軍制武器亦漸趨于平均。則優勝劣敗之機不得不取決于人口之生殖力。今日俄人之數既及一億四千萬以上。然當十九世紀之初則不足四千萬。以百年而得增三倍半。則除美國外未有生殖力之膨脹如彼之甚者也。然美以四百萬增殖至八千萬者。蓋不僅恃其生殖力實移住

者過多。有以致之。而俄則不然。雖亦有由征服併吞而得之人口。然少數不足道。其主要分則仍在本族之生殖力也。

而或者謂俄國內人種頗雜。以民族主義之發達而欲羣異種以成一國。吾恐其不能一日安矣。雖然。是未察其根底者也。俄之本族既達五千五百萬。其爲羅塞尼亞種者三千萬。羅塞尼亞者與其本族最富自然的親和力者也。利害共。風俗共。目的共。則其能堅固不渝也。勢也。其餘劣種既爲其本族所同化。無復有反抗之能力。而其以強力所併吞者。若波蘭。若回教徒。其數既少。即舍而去之。要不足爲俄病。俄國以人種不同之故而國際上則不得不生大危險。如俄人苟以斯拉夫統一。故與奧匈戰。則波蘭人必起而擾其內。以援奧與土耳其戰。則回教徒又必起而自分以投土。蓋波蘭鄰于奧。而其同胞之在奧者。既沐自由之澤。歡欣鼓舞。彼獨何心能忍俄人之壓制乎。故奧俄一朝釁起。則彼之倒戈以向俄人也必也。若土耳其則以宗教之故。其感情將與波蘭同。

波蘭人及回教徒以外。則又有高加索人種者。約一千萬人。而不能自建國。故若

大勢

一二

不欲與俄人合。則惟舍而之土耳其。雖然彼基督教徒也。而土耳其則回教也。回教之虐待異教徒。又彼所熟聞者也。則彼雖恨俄人之壓制。終不如其畏土耳其之虐待之深也。故高加索人之不能與俄離者。勢也。

其次爲芬蘭人。芬蘭人亦與高加索人同者也。彼苟憎俄人之暴。則惟舍而之德。而德人之虐待異種。較俄人爲尤甚。故彼等與其與德合。則不如以俄合者。又勢也。

俄國之能羣異族而控制統一之者。其憑藉有三。曰專制政治。曰兵力。曰宗教。今日專制之力。殆岌岌乎將墮。兵力雖強。終不足以服人之心。而所恃者。厥惟宗教。宗教者。含同化力最大者也。俄人常以政治之勢力。強人之改宗。初雖勉強。然習而久之。遂成同化。此則俄政府野蠻力之所由強也。

要而言之。則俄人者。半歐半亞之人種也。然以半歐半亞之故而目之爲劣種。則大誤矣。自有歷史以來。凡偉大人種之發生。無一非混合而出者也。純粹之斯拉夫人性質。極輕躁。此考之波蘭而可知者也。而今日之斯拉夫人。乃獨堅實沈雄者。蓋實得亞細亞人種之血液以補其缺者也。此則俄人之大略也。

大

勢

其一曰土。

俄人之領土。實有大希望之性質。二。爲統一。的一。爲經濟的。其廣袤既及八百六十四萬方英里。世界中除英帝國外。殆无有能及之者。而英國領土之性質。實大弱于俄。

何以知其然也。則以英國之領土。散在各處。而俄則節節相連也。民族競爭之世。其國之統一力薄弱者。必弱。堅固者。必強。而地理則與統一力有密切之關係者也。南阿之戰。送二十五萬之陸軍于萬八千里以外。其困難可想見矣。而民族以地理不同之故。感情不能無互異。加拿大也。濠洲也。南阿也。名則英實則獨立國也。故殖民地的進步愈速。而帝國之統一力愈薄弱。二十世紀之後。則濠洲帝國。加拿太帝國。阿非利加帝國。將出現。而英帝國必將爲過去之名詞矣。而俄國則大異其趣。其侵略外部也。遠舍而近。攻其控制內部也。恃陸而非海。今日者。空前絕後之大鐵道。成陸路之交通機關。日益便利。則將來統一力之大。可豫決矣。

若夫經濟的勢力。則何如彼今日之農業。礦業。現在雖遠不及他國。然其天產之潛

伏于地中者。則固未嘗失也。彼自近頃以來。已大悔其昔日之荒棄。而汲汲改良。則將來之發達。可豫決也。其屬土之在歐洲者。當新法未改時。尚稱爲世界之穀倉。則農民日增。器械改良以後。其盛況可知。而西伯利亞。而中央亞細亞。其領土之產物。礦物森林。蓋無一不備。今日者。數千里膏腴之地。又一舉而入其手。指備經濟的獨立。誠綽綽乎有餘裕矣。

以人則如彼。以地則如此。斯拉夫人種之將來。可以見矣。雖然。二十世紀中。彼又有一大關在其關維何。則自由是。

自今以前。則專制實爲俄人功。自今以後。則專制必爲俄人禍。而今日者。春雷一聲。已隱隱于全國。制度改革。憲法制定之運動。實依加速度之定理。日進一日。俄人專制政治之運命。殆將終矣。吾敢斷之曰。多則十年。二十年。少則四年。五六年。苟不然者。則君民之衝突。日益烈。而法國之慘劇。恐不免再演于今日矣。

使俄政府而能審此大勢。一度改革也。則實俄國之大幸也。吾且就改革之利益言之。有數點。

一曰擴充經濟勢力。而對外膨脹之政策。得根據也。二十世紀之膨脹。經濟的膨脹也。經濟的膨脹者。何。商工業發達。而殖產興業之事盛也。俄人以其天產之富。人力之強。而十九世紀中。獨索于經濟界者。則以殖產興業之事。必與自由制度相維繫。而專制之國。必不能與參末座者也。故俄人一旦得政治上之自由。則商工業必盛。教育必興。國民之智力。必大發達。而又助之以天然人力之強。則經濟之大活動起。而膨脹之政略。定矣。夫自今以前。俄人亦嘗取膨脹政策矣。雖然。昔時之政策。非實力的膨脹。而名譽心的膨脹也。非工商之膨脹。而農業之膨脹也。非民族的膨脹。而軍人的膨脹也。蓋雖與昔時拿破崙羅馬之帝國膨脹異。而要非今日歐人之所謂膨脹也。故至今日而不一改其方策。則幼兒殆不能轉而爲壯年也。

一曰調和國民之反撥性。而內治統一之政策。轉易便也。謂俄國國內。容異種甚多。一與自由。則分裂之禍必起。茲言也。殆所謂明于理而暗于事者也。固也。自由主義一發達。而民族建國問題。必起也。而是獨不可以例俄。吾且就其波蘭一部。以例其餘波蘭之暴動。在俄爲最盛。雖然。彼非人種的而政治的。或社會的也。溯其激昂

之由。殆。悉。出。于。壓。制。力。夫。既。激。昂。于。壓。制。則。必。鎮。靜。于。自。由。此。殆。勢。矣。蓋。波。人。雖。望。獨。立。而。實。無。獨。立。之。實。力。彼。之。同。胞。既。分。于。奧。又。分。于。德。即。能。并。其。在。德。奧。者。而。一。之。人。數。亦。不。過。二。千。萬。夫。二。千。萬。非。少。數。也。然。德。則。七。千。萬。俄。則。一。億。餘。介。于。兩。大。之。間。壤。地。密。接。其。土。又。小。而。不。富。又。無。不。凍。之。海。港。以。便。商。業。經。濟。的。希。望。既。絕。而。欲。自。存。其。族。舍。依。俄。以。外。殆。無。長。策。矣。夫。固。言。之。波。人。之。反。抗。政。治。的。也。故。俄。人。若。一。與。之。以。自。由。其。親。俄。也。必。矣。知。波。蘭。騷。亂。之。真。相。者。必。以。予。言。爲。不。謬。也。是。故。俄。人。而。不。得。自。由。則。已。苟。其。得。也。則。其。雄。飛。之。期。必。不。甚。遠。吾。試。懸。揣。後。日。之。形。勢。列。數。則。如。下。

- 一、支那之滿洲蒙古西藏必爲俄人所得
- 一、土耳其必不免于併吞
- 一、奧匈將來必分而其大半之斯拉夫人必與俄相合
- 一、瑞典挪威必入俄版圖之內
- 一、德人今日之勢力雖等于俄而將來則不能及

當此之時。斯拉夫人種之勢力。必十倍于條頓民族。支那而興也。則拉丁條頓支那三大族之大同盟起。支那而亡也。則黃河以北必爲俄人之勢力所吞。而拉丁條頓二民族之大同盟起。寰宇雖大而黃人無容足之地矣。

(已完)

一雨縱橫亘二洲

浪淘天地入東流

卻餘人物淘難盡

又挾風雷作遠游





## 國際政局

## 斯拉夫人種與條頓人種之競爭

孫林

處種競之世。而欲自存。其第一義則曰。審己往民族之消長。原由度將來民族之競爭大勢。而求所以自審。以自擇。雖然。已往者。求之歷史。而可得者也。未來者。不可知。而由前以度。後則亦可以求之。于歷史。而得其大略者也。歐族之大別。三曰。拉丁。曰。條頓。曰。斯拉夫。識者曰。拉丁。將衰之人種也。其于時。為過去。條頓。既壯之人種也。其于時。為現在。斯拉夫。未來之人種也。其于時。為將來。夫物莫能兩大。此之興彼之絀。也。條頓。民族。今日者。既蹴拉丁。而倒之。其蓬蓬勃勃。雄飛世界之氣。概如花之怒開。如潮之勃。至而彼幽鬱。沉雄之斯拉夫。族者。乃從而攝其後。則將來。此一強一弱之交換時代。必有龍戰虎爭。種種活劇之出現。可豫決矣。德意志者。條頓民族之後勁。而俄。則斯拉夫。人種之代表也。故欲知二族之將來。關係則首當從事于此。二國二國者。讓地相接。民族相交。通國際上。又有煩重密切之關係。夫固言之。求已往之歷史。以度將來。以自審。則今日之最大問題也。吾姑就二國國際及民族上種種關係。

言之。以爲吾國民告焉。

欲明斯拉夫與條頓民族之現在關係。則不可不知其關係之歷史的發達。當中世之際。芸芸德人。迤邐而東。遷入斯拉夫族境內者。絡繹不絕。茫茫一大平原。幾若爲德人之領土矣。自十二世紀之始。迄十八世紀之中。彼富于企業心。且最強健。最有技術之條頓人。殖其族于東方。棲息其土。制服其本族。迫之改宗教。爲之闢草萊。而開荒野。而道路。作而市邑起。而學校設。而商業榮。駁駁乎進士族于文明之途者。則德意志之農民是也。

是則俄國文明之萌芽也。智識之發達也。技術之進步也。固無一非由德人之感化而來矣。彼君主亦知其然也。故衣文三世及四世。彼得大帝及加塞利女帝。無不竭情盡致。招之徠之。厚之以爵祿。處之于宮庭。給之以治事之權。一若俄國之官吏。界中。非德人。則不足與治事者。雖然。豈惟官吏。界。其在俄之西部。都會林立。而掌其教育。握其行政者。非德人之學校之裁判所乎。豈惟學校。豈惟裁判所。地方之官語。則德意志也。宗教則德意志也。舉凡一切之風尚。之文化。之習慣。無一非德人播其種。

而波爾的海沿岸。則德人之文明勢力尤甚。凡高等智識。蓋悉自德人輸入之。此則近數百年來之事跡。其尤彰明而較著者也。

乃自最近百年來。尼古刺二世即位以後。而形勢一大變。何以變。則以民族主義之勃興。而斯拉夫人種之對內統一。對外競爭之說。刻入于人人之腦。于是毅然決然排斥德人之文化。而波爾的境內之人民。與德人同化之勢力。亦隨之而衰熄。德人移住之事業。亦不若从前之易易矣。

雖然德人之移住者。尙續續未有已也。自千八百五十七年至千八百七十六年間。凡德人之移住者。計四百六十六萬六千人。而永遠居留俄土者。尙五十五萬八千人。有奇。即于其後。而俄國之官吏。學者。技師。商人。藝術家。銀行家。新聞記者等。之有權勢者。德人仍盤居其間如鯽也。依千八百八十四年之統計。則德人新聞之設于俄羅斯者。凡四十六家云。

乃自亞歷山大三世即位。(千八百八十一年)而風潮愈逼。愈甚。民族主義之政策。遂實行于俄國。夫禁希臘教與新教徒之結婚也。禁新教教會之設立也。與內務大

臣。以自由罷免新教僧侶之權也。改德意志學校爲俄羅斯學校也。罷德人之在俄國爲官吏爲教授爲教員者而代之以斯拉夫人也。嘻余向者所謂固有特性之說豈不然哉。豈不然哉。凡是皆由斯拉夫人種統一之一大主義而來也。故未幾而外人之土地所有權廢矣。而德意志語禁用矣。而即凡德語所定之地名亦一切改之矣。充其願以至於極則一言以蔽之曰不使德意志之勢力留些微遺跡于俄羅斯是已。

雖然德人又何能默爾而息也。德人之移住于波爾的海沿岸也。德人有大慾存也。德豈眞何愛于俄而爲之運文明薄利會言曰波爾的地方之爲德人所有也。較亞爾塞羅命（二地法人所割與德人者也）二州爲尤眞。而德意志之愛國者亦庶幾望曰他日此地必可純乎與德人相同化而合併之矣。乃希望之極而失望至其強健之市民既爲俄人所奪而其文明之精粹乃悉以入俄于我一無得而反蒙大損焉。于是德人之對俄感情遂大憤。

雖然民族上之關係既如是而政治上則又別有關係在蓋俄人固自以爲德人之

救世主也。拿破崙之破普魯西也。俄人救之。及千八百十四年遂除普魯西之大敵（即拿破崙）而普法之役使無俄之助。德則墮國伊國丁抹必將入而助法。而德人之戰勝必不可期也。俄之有恩于德蓋三四度矣。俄固自以爲德之救主也。普法之役俄之助普俄亦有大慾存也。俄豈眞何愛于德而讓之增勢力高雀夸夫者。俄之有名之外交家也。然當時彼誤以普法兵力必其不甚相差也。則吾且坐觀焉。而使二國戰迫。二國既力弊乃出而調停其間。則吾之勢力強而從中可以得利也。

而不意德人用兵之速奏捷之大乃大出高雀夸夫之意料外也。昔時之策既誤而其既戰之後所謂善意助普之報酬者又不獲一物固也。俄人非不得一報酬者也。俄人以欲得黑海行動之自由權故欲廢巴里條約之第十一條。時德固不唱異議者也是德之報俄也。雖然俄之慾豈惟是尙有大焉者矣。而德人不應之也。于是俄人對德之感情亦憤。

普法之後法人之切齒于德甚矣。其不能一得而甘心也以法國之孤立而无助也。

德相畢士麻明知之矣。故俄雖含怨于德，而德不得不頃心以結俄。蓋俄法聯而德禍將不遠也。于是畢士麻之外交手段又出現。

十九世紀之末葉，民族自由二主義既功行圓滿，落落諸大國國民幾無不得所求而去矣。雖然猶有未饜者一二事，則波蘭與俄是也。波人若曰：「民族主義哉！彼日耳曼、意大利亦猶是人也。皆能獨立而胡爲我則奴？我則奴，嘻！獨立！獨立！俄人若曰：「自由主義哉！彼奧、大利、日耳曼亦猶是國也。皆得憲法而胡爲我則無我？則無咄咄革命！革命！此二端外又有社會主義者，勃興于其間。社會主義者何？均貧富問題是也。雖然波蘭之獨立也，無政府黨虛無黨社會黨之勃興也，皆俄奧二政府所深忌者也。畢士麻利用之，乃使德之新聞紙極力鼓吹其說，以恐俄。俄果恐，乃使德帝會奧帝、俄帝結君主同盟，以壓制之。俄奧果樂從之也。乃于千八百七十二年九月，德奧俄之三君同盟成，而嚙血誓天之法人，乃終至孤立于外交界中，而不敢逞。雖然，俄德之惡感情，種之于數十年前，發之于種種方面，不可以一端解也。故于千八百七十五年，法德之間，戰爭將復發，而俄人乃嫉德強大聯法以牽制其勢。後

八十六年，德人已取進擊之勢，而俄之機關新聞，乃明言「俄決不使德復攻法」，蓋俄德之隱情已躍躍如現焉。

普法之役，俄人對德之大慾望，既歸失敗，雖然，俄之心猶未死也。俄猶將望報酬于德也。何以故？畢士麻果明許俄以若有機，會德必報恩者也。斯言也，高雀夸夫信之。俄政府信之，即俄國民亦信之，以爲若有機，會德當助俄，故俄又未忍據與德斷絕也。果也而大機會至，千八百七十八年俄土之役，俄已得志于東方矣。而不意英之艦隊乃忽現于波斯法羅以威赫之。奧國从之亦汲汲修軍備以待戰爭。斯時俄人乃舉其萬種之希望，萬種之熱心，以屬望于德。德若从俄，則英奧雖連，俄固得以遂其終生之目的也。乃未幾而柏林會議開，爲之議長者固前口血未乾之畢士麻也。畢而果欲爲俄計利益也，則固有可助之權勢，有可助之地位。俄之屬望于德者，至矣。而不意畢士麻乃陽應之而陰違之也。會議既結，乃以蝦夸維納及伯司尼亞二地與奧，以防俄之南進，而以羅馬尼亞領之。伯司拉比亞與俄咄此會議之結果，大利在德而大不利乃在俄。夫巴爾幹半島，俄之所耽耽垂涎者。



大勢

八

今既不能自取之。而反使奧人得此半島之要地。則俄、奧之感情悖。羅馬尼亞者。助俄戰土而得利者也。今乃一無所得。而反爲俄人割其領土。則其怨俄、恨俄也。宜也。而羅、俄之感情悖。喜以畢士麻一人之作鬼。而三國遂終爲之離間。而德意志遂坐而向其利。而俄、羅斯遂空廢數十年心血。一事無所成。

希德國之酬恩望。畢公之踐言。歡迎此柏林會議之俄人。而今乃得一最可驚愕。可忿怒。可怨傷之結果。糜數十萬財產。擲二十萬軍士之性命。于已一無所利。而利乃在奧。在德。于是將軍司克伯來乃演說曰。『今有一陰謀者。以政略欺吾國。以陰謀犧牲吾國。以有害之勢力支配吾國。制吾國之活動。鎖沈吾國之元氣。不與之干戈相見。則吾輩終不能脫其惡勢力之下。噫。諸君欲知此陰謀者之名乎。吾今言之曰。德意志曰。德意志諸君毋忘此名。吾今重言之曰。德意志德意志者。吾輩之敵也。斯拉夫與德意志人之戰爭。終不可避。此戰爭必長。必劇。列必可恐怖。雖然。其勝利必歸于我。斯拉夫人。』蓋自柏林會議以後。俄人之新聞之政治家。之外交家。無一時無一人不切齒于德。其怨毒可爲甚矣。而其時之德意志則何如。

大

勢

則以俄人之惡聲而反響起。激烈之排俄主義。風發于國內。千八百八十二年一書出版。題曰『俄德戰爭』。其標語曰『欲使歐洲安全。則不得不滅盡俄羅斯之勢力』。又有著書名『境上之俄羅斯』者。其言曰『德、俄之間。若政治上有意見之衝突。則防止之除去之。不難也。然二國者。人種異。教育異。根本既差。則必以不得不抵抗之趨勢。而日進于大衝突』。千八百七十九年。俄大集陸軍于德、奧二國之邊境。十月德、奧之對俄同盟成。

于是畢士麻亦汲汲以防俄爲目的。內擴軍備。外結同盟。雖然。畢士麻外交家也。至是而彼之外交手段又出現。

普法戰爭之後。法之復仇心甚熾。畢士麻乃利用埃及問題。使英、法相惡。而一轉其惡德之心。以惡英。此八年前事也。至是彼復用其老手段。使英、俄相惡。而移俄人怨德之心。以怨英。

觀以上所述。則知俄、德之衝突心。固根之于歷史矣。雖然。猶有不可不知者一事。則已往與現在之重輕是也。蓋過去之關係。不論其若何之相惡。苟于現在之利益能

得調和則未有不捨舊惡以結新交者也。然則斯拉夫與條頓民族其將來之利益果不能相容與否。雖未可知。吾姑就人種問題而一一研究之。

自近世以來。德非畏俄者也。德之所畏不在東而在西。法實德人累世之大敵也。然至普法一役而德之境遇一大變。其所畏乃又由西而轉入于東。

德之人口多于法者五倍。至今日尚以可驚之速度增加之。每年平均得八十萬人。雖然德人之今日非昔日比也。方傾全力以尋殖民地。且自進其族於強大。蓋坐視其同種沉沒于他人勢力之下。或爲人吸入而同化之。固德人所不能忍者也。

而俄羅斯以絕大之勢力壓德人之東境。此則德人所爲大恐者也。俄之并吞鄰國也。或由人種統一主義。或由陰謀。或由煽動。或由傳教。鬼技百出。莫可窮究。而異種之移入于俄境者。俄人乃以可驚之同化力吸入之。故德之政治家常對此二問題汲汲生苦慮。

自斯拉夫統一主義之勃興而奧匈破壞之禍遂汲汲若近于燃眉。君子是以知民族主義之勢力之大矣。

德之人口過六千萬。而其中屬斯拉夫種者不過三百萬。然德政府畏之甚極。力欲破壞其勢力而同化之。夫以德政府之強力對三百萬人之少數。而其恐尚如此。而況于奧匈。奧匈之人口四千七百萬。而其中爲斯拉夫人種者實占二千二百萬之多。所謂德意志人種者實千五百萬而已。則奧匈之岌岌不遑終日也。誠宜哉。斯拉夫人種統一之主義非始自俄羅斯而始自匈牙利也。郭拉者首唱斯拉夫統一主義者也。彼實生于匈牙利而布其勢力于維也納及白拉斯拉夫統一主義之大會。實于白拉開之時千八百四十八年也。自是以後而斯拉夫人種統一之主義遂占歐洲之大勢力。

然在奧匈之斯拉夫人種其種類夥其歷史異其言語異其生活習慣異政府利用其異其分裂而得以支配之故奧匈之日耳曼族馬哥耶族皆得立自治制之下而斯拉夫獨不能者則以彼無一致之勢力故也。雖然彼之不一致政府之所願望者也。政府可利用不統一而控制之也。而大勢所趨則政府雖萬鈞之力終不能抑壓之。蓋民族主義之潮流固無堅不備者也。故昔時奧國僅巴愛米亞者以懷政治上

不平故。頗有親俄之希望。至今日而斯拉夫人之親俄主義。遂大行于埃甸國內。彼于埃甸之內政。固未見有一致之舉動。而同爲親俄也。則一致然則如埃甸者。民族不同。言語不通。統一力薄弱。非民族國家。于今日其危也至矣哉。

未完



## 極東經營

## 俄羅斯之東亞新政策

(續第一節)

飛生

## 乙 滿洲今日之現狀

滿洲。滿洲今日之滿洲。將來中國全部之倒影也。吾述至此。心爲之戰。腸爲之裂。涓涓北視。淚竭而聲枯。嗚呼。吾誠何心而乃述此。雖然。吾知吾國民必猶夢夢焉。以謂今日之滿洲猶未亡也。則吾安得不掬一滴淚。以爲吾國民告也。

諸君。諸君。以爲今日之滿洲。猶爲支那之領屬乎。縱橫馳驟于黑龍江左右。其聲鳴鳴者。則俄人之鐵路也。聯翩上下于松花江上流。其旗幟翩翩者。俄人之汽船也。控北部之形勢。立滿洲沃野之中心。其人口達九千以上者。俄人之市府哈爾賓也。其在哥蘭五年以前。則白草荒寒。一、二天幕已。今則有旅館。有病院。有商店。何人經營之。曰俄羅斯。其在巴克拉五年以前。一片荒野。衰草離離已。今則有房屋。有電燈。有給水工場。有公園。有圖書館。何人經營之。曰俄羅斯。其在哈爾濱森林之東。有市數則。



俄人之殖民也。有汲汲營生業者矣。其在哈爾賓之南。各大都會中有汲汲修家室。建市場者。則俄人之居留地也。其在奉天。則鐵道衝其城壁之西側而過之。三十里以內。勿許支那人進一步也。鐵道吏員之住宅。駐屯軍隊之營舍。宏大而堅實。每九里。建鐵路守備兵之房舍。一有所謂邊境守備兵者。數三萬。故吾人一足入黑龍江。四圍之風景。有激刺于吾腦者。一事則西伯利亞實已隨鐵道而延長。其境域于南方。是已蓋自五年以來。政府用其智軍用其力工用其藝商用其財。以一步一步日進不已。而數千里絕好河山。遂一舉如探囊拾芥。交通之權得而咽喉握矣。商工業盛而血脈通矣。殖民事業日益發達而主人翁現矣。諸君諸君。勿以為是區區者何足道。凡以經濟政略而亡人之國者。未有不从是區區者來也。

諸君諸君。以為俄人之滿洲撤兵。已見于明文。而兵事上之權力。可毋顧慮乎。俄人之所謂撤兵者。則變更其屯集地而已。其在牛莊。所謂撤兵者。則變更其屯集地于俄人租界也。其在奉天。所謂撤兵者。則退處三里以外之駐割地也。其在遼陽。所謂撤兵者。則移其城內之兵于城外也。若夫有三十萬人口之吉林。則以條約所載。限

四月十八日撤退。雖然。彼必移其兵以至長春。亦不過變更其位置而已。若哈爾賓。則且以為俄人之都市。故即撤兵之事。猶不能矣。且以依鐵路條約。故凡鐵路之所及。俄人皆得永久置兵以守護之。而吉林長春齊齊哈爾寧古塔鐵嶺奉天及遼河流域諸地。凡滿洲重要之道。路。無不為鐵路所包。即滿洲重要都會。無不在鐵路守備兵勢力之下。蓋其鐵路經營之巧慧。而用心之深毒。誠非常人所能夢見者矣。且未撤兵之前。其舉動猶多惹列強之耳目。而既撤兵之後。借守備鐵道之名。以暗張其勢力。則尤可以避列強之容啄。而得長久保存其勢力。滿洲滿洲。曾謂一地之內。其都會皆為他人之兵力所及。而尚得此地為我有乎。

吾更有不忍言。而不能不言者一事。則各種之干涉是也。東三省將軍治下之兵數。既為俄人所制限。且其所用之軍器。非經俄人許可。烙印者。不得用。而其所許者。則皆係機關不靈之舊式也。昔時之大炮。凡貯藏于倉庫。及造兵所者。皆為俄人所掠奪。而中國官吏。不得一着手也。此其制限者一。各將軍處。皆置俄人之軍務委員。一以約束其軍人。實則監督其行動。而欲箝制其兵力。使不能改革恢復而已。此其監

督者一。且官吏非俄人之認可。則不能任。而滿洲之俄人之領事到處增入。夫當北方亂起。哥乃加夫率三百人之可薩克長驅直入。以破竹之勢入奉天。此當滿洲軍備完整之時也。而如是。則今日之所謂軍備者。其爲傀儡登場也。必先疑矣。凡茲諸策。俄人之所用于滿洲者。即英之所用于東印度者也。印人亡于英。而印人不自知其亡。滿洲入于俄。而中國人茫然若罔聞焉。痛哉。吾其爲印人哉。

抑吾爲此言。吾爲同胞之身家計也。夫以言乎政府。則彼滿洲者。官猶是。職政猶是。行固煌煌乎。其發祥地也。苟有以亡爲言者。非癡即愚矣。然不亡其名。亡其實。不亡其政。亡其民。而其禍皆吾民受之。皆吾民受之。不知夫黑龍江畔。團匪之亂死者二萬之慘狀乎。不知夫俄兵之奪人之食。淫人之女之惡狀乎。不知夫東三省窮民日多。山賊大作。到處騷擾。民不聊生乎。凡此諸端。今日行之于東三省。即他日行之于中國本部者也。噫。其奈何未之思。

### 丙 西伯利亞殖民之近況及產業

欲知俄人東亞新政策之原由。則不可不知其政策之根據地。根據地維何。則西伯

利亞是。

西伯利亞于地理上分三區域。曰凍土帶。沿北冰洋海岸者也。次曰森林帶。樹林極繁茂。一則寒氣大烈。一則巨木密生。不能開闢氣候。又甚酷烈。皆不適于殖民者也。唯其南部曰曠野帶者。氣候溫和。土地肥沃。誠哉其好殖民也。

南部。西伯利亞中。尤以依爾克克洲。及貝加爾洲一帶爲最。依爾克克現爲西伯利亞鐵道中第一要驛。二十世紀中。必爲商工業之中心點。殆无可疑。貝加爾洲則以臨貝加爾湖。故河流潤澤。交通便利。水色清澄。山光秀麗。無數小流。朝宗于此。誠殖民地中之最善者也。

依爾克克橫貝加爾之西。面積七十萬三千餘方里。(俄尺)南方則與安嶺蜿蜒其間。與中國相接。大小河川平行其間。故土壤肥沃。風光明媚。而興安嶺山脈。又富于金銀鉛銅等礦。西伯利亞鐵道線路。通過其平原。殖民地。概沿鐵道線路。而散布州內之大川。二曰來納。曰恩加拉。水勢雖急。便于舟楫。航運業。近日益發達。

依千九百年之統計報告。則依爾克克之人口爲五十三萬九千〇〇八人。以言其

職業。則農民居其大多數。以言其宗教則希臘教居大多數。自近頃以非常之速度增殖于此。地不及五年恐必數倍于嚆昔矣。

請言其產業。一曰農。其耕作則採互耕之法。每年各耕其半。蓋雖未採用農業之新法。而出產數已可驚。一年間凡穀類收入之百之五十入爲自用。其消出于歐洲者得百之四十二。二曰牧畜。牧畜之盛。未有如西伯利之甚者也。其數及九十餘萬頭。內以馬爲最多。一曰狩獵。其所得獸皮之價及四十七萬法郎。一曰工場。雖未甚發達而數已近百餘。製造業亦日益繁盛。一曰礦。礦之最重者爲金。而採金之面積占八十萬方英里。今雖僅開掘其一部。而據美人言。則將來每年可得四億圓云。

其最可驚者。則依爾克克洲教育之發達是也。初等中等之學校到處皆是。博物館及圖書館亦壯麗宏大。千九百年本州之學校數四百四十九。男女生徒共萬七千餘。人其翌年。校數四百九十三。生徒及一萬九千餘。其駸駸之勢。蓋可見矣。

如上以言。則俄人經營之大略可以見矣。夫西伯利本荒寒之地也。乃經俄人之高掌遠蹠。不數年而竟至于此。蓋俄固明知二十世紀之世界。非從事于殖產興業。則

不足以競自存。故甯萬苦千辛百折。不回以經營是。當西伯利亞鐵道起工之日。彼早有東亞大帝國之影子藏于腦中矣。

要而言之。則俄人之東方政略不外三途。一曰以威力政策爲先鋒。以殖民政策爲後勁。以鐵道政策爲交通兩頭之本營。其以威力也。用其強以乘人之危。其以殖民也。利其緩以入人之不覺。其以鐵道政策也。則又巧其布置以迫人于無可如何。而其總結點則着眼于經濟。察乎此而俄人政略之形勢得其大概矣。

#### 四 日俄之親交

欲明今日各國外交之真相。則不可不知今日外交界中有新發明之公理。一其理維何。曰感情與利害較感情輕而利害重。故甯犧牲已往之感情以爲將來之利害。必不肯犧牲未來之利害以爲已往之感情。昔普法戰爭之後。法之切齒于德甚矣。以感情言。則固甯枯四千萬之骨。必報此一仇而已也。然至今日而其勢仍未決裂者。非法之不知恥。實迫乎利害。明知其不敵。故甯忍辱含垢而不敢以一時之感情受將來無窮之禍也。察乎此而後。可知日俄親交之原。

自三國同盟迫日本以還我遼東。當時事起倉猝。日政府明知其不敵。不得已而以還我。于是日俄開戰。論沸沸于朝野。雖然事已往矣。其沸騰者不過激于一時之感。情耳。故政府雖日日擴張陸海軍。而終不敢與起釁。自義和團一役。而後日俄親交之聲漸起。

曷爲自義和團一役。而日俄親交之聲起。曰。明知支那之不可爲。而急欲擴充其勢力于支那本部也。蓋力不能分注以日人之經濟力薄。弱苟欲與俄戰。則不得不并全力以從事軍備。而傾注于北。然西歐之勢力滔滔貫入于支那南部者。必將日益盛。而日人將無容足之地矣。然則日俄之勝負未可決。而南方之利必坐失。可豫知也。日人今日之侵略政策。不出兩途。曰南進。曰北進。然北進則強俄橫其頭。南進則病夫當其下。若之何不移其難而從事于易也。則日俄親交之又一原因也。

(未完)

## 野獲一夕話

匪石



此余舊日見聞雜錄。無條段。無倫次。不能詳也。顧念十數年來。風濤瞬息萬變。且銜吾廬。薄吾室矣。而吾國人猶啾啾呻吟。其未暇孟子曰。盡信書則不如無書。吾於武成取二三策而已。然則吾今日中國。顧何書可呻吟可啾啾哉。不啾啾呻吟。則愚愚非所以教國人也。多啾啾呻吟。則固固尤非所以教國人也。嗚呼。愚且固。吾國人其將無國矣。行行重行行。遊子今何之。風塵偶息。雜錄舊聞。借爲吾國人啾啾呻吟時消遣之資。不自知意龐雜而言支離也。癸卯二月。

## 髮厄

髮之有厄也。自中國始也。彼其細如縷。軟如絲。不痛不癢。無意無識之毛髮。戴于歐美人之頭。而短之。戴于佛者之頭。而盡去之。戴于徧世界女子之頭。而盡留之。而皆



安獨大不幸而戴于吾中國數百年來男子之頭而曰將殺而身族而家墟而鄉亡而國非知中國髮史者則不信也古者稱述夷狄之俗必曰被髮文身進于中國則髮之相沿三四千年顧何足異元魏拓跋氏興史字之曰索頭部異乎其髮也蒙古入中國則又有三搭髮之說云三搭者環剃去頭上一彎頭髮留當前頭髮剪短散垂却析兩旁髮垂縮兩髻懸加左右肩衣襖上曰不狼兒云左右垂髻礙于回視不能狼顧或合辮爲一直拖垂衣背今辮髮制是也然未聞以爲禍也清興髮禍乃益烈順治元年既定江南乃下剃髮之令其略曰

向來剃髮之制不急姑聽自便者（中略）自今布告之後限旬日盡行剃髮若惜髮爭辨決不輕貸

此令下而中國人以髮死者無慮千萬吾今日言之猶懷懷其髮悚也


錢肅樂曰合藩鎮之兵不能衛小民之一髮懷懷乎將以不薙髮死

明遺臣傅冠捕至江見李成桂成桂誘之降曰公大臣若薙髮富貴當無極冠曰自有冠裳以來未聞有禿頭宰相者成桂曰公髮種種與禿何異稍剃可乎冠厲

聲曰汝知千古有文文山否我頭可斷髮不可剃也卒以是族

此一言一事耳吾聞清兵南下時使剃髮者負擔游於市執路人強剃其髮不可則殺之今剃髮擔前端有樹桿或曰所以挿刀也雖然吾國人固以繁且庶號天下當時屠之不能盡殺之不能滅野火燒不盡春風吹又生生養休息又忽忽二百餘年其爲中國髮最安穩時代矣道咸之際洪楊興于廣西蹂躪十餘省連結十數年洪楊制必蓄髮（今人稱長髮賊）目剃髮者以爲妖也清制必剃髮目蓄髮者以爲賊也相搏相擊相屠戮而居於賊妖二者之間之數億萬之生靈其剃髮歟則殺於洪楊其蓄髮歟則殺於清兵忽羅忽蓄忽死蓋少能倖免者是役也中國全部數億萬人乃隨細如縷軟如絲不痛不癢無意無識之毛髮以投入于萬萬不能倖生之域全世界縱今古橫東西所未有之奇禍也同治季年中國宴安如故蓋髮禍稍息焉雖然四十年之光陰又倏倏其已過戊戌以後吾中國士人留學日本者以半剃髮爲不足則盡剃之政府以爲惡電致今駐日清公使蔡鈞氏令學生必辮髮否則曰此逆士也當跡之于時學生有剃辮者有不剃辮者交相惡交相誚世之論尊王與

革命黨派者不以言論不以事實。唯以去辦不去辦爲尊。王革命兩黨之一大標識。然則吾今日中國髮禍。又隆隆其方興也。吾嘗論中國人之特性爲至變至化。至不可測度。何者於昔則爭剃辮爭剃辮特性也。于今則爭不剃辮爭不剃辮特性也。彼其爭剃辮不剃辮而以同一合致之目的。反顯爲異趨背馳之現象。若勿畏刀鋸。若勿喜冠纓。若勿恤身家而必力行其所負特性而後安。吁是可異已。抑吾聞生理家言。世界處髮之道四曰全去之。則僧人之所行也。曰全留之。則婦人之所行也。曰短之。則歐美之所行也。曰前則盡去之。而後則盡留之。則今中國人之所行也。其害爲最甚。髮以護腦也。于前盡去之。則腦傷于後盡留之。則負重而滯。必不足爲法。  
(自政府留辮令下。日本東京成城學校監督。令學生皆留辮。獨生理學。教習日人某勿善也。某見學生去辮。常贊之以爲有益生理。)故今人明生理學者。必斷斷爭不剃辮也。



## ●內國之部

●桃源何在！

今日之中國破壞固。破壞不破壞亦破壞。

內國之部

本誌同人。既越在海外。將欲求內地近事。由內以達外。又從而反哺于內。夫所貴乎記事者。謂其速而新耳。若茲則何取于是。歐米通例。日報主報道。旬報主批評。彼其在本國且然。而況遠在海外者。茲特刪記事一門。而增設此雜取近事之有關係者詳之。以爲吾國人告焉。

雖然。批評實輿論之代表也。非易言矣。凡一事之起。必有其繁重曲折。許多近因遠因。而始成。荷于此事之原委。有一事之未明。則未有能下明確之判斷者也。即明矣。而舉識不足以究之。則其爲言。仍無當。故批評者。今日的歷史家也。歷史就過去以驗將來。批評就現在以測將來。而非積有實在學識。實在經驗。未有能濟者也。歐米各報。以批評爲天職。而記者之程度。即視其批評之上下。以爲衡。向人于此。自問能勝其任者。蓋鮮然。以我國輿論之雜。此業之不發達。不得已姑爲之推輪焉。

自義和團平定後，而直隸之亂起，而四川之亂起，而東三省之亂起，而廣西之亂起，即就浙言，而衢州、嚴州、一月之內，開小亂者必數起，一年之內，開大亂者必數起，以結果論之，則小亂一次死之少者數百，多則數千，大亂一次死之少者萬多，則數十百萬不等，其死也不見知于政府，不見知于國民，不見知于世界，何罪何辜而遭此毒嗟乎！自世界有國以來，未有如支那民族之慘者也。

吾去歲遊江南，接其人其貌，覺其容黯黯，相與太息曰：「今日亂矣，安所得避亂之地如桃源者？」噫，茲言也，實亡國之根源，而中國所以數亂不休，受無上之慘毒而莫之能救者也。

昔飲冰子曰：天下之最可厭最可惡者，惟旁觀者。吾謂天下之最苦、最可憐、最不合算者，惟旁觀者。夫一虎爭有一不利，即有一利以公算，Probability 計之，則其所得為半也。若旁觀者，則苦于甲復苦于乙，只見有害不見有利，數千年來死之又死，殺之又殺，皆是輩也。而今者又芸芸徧中國矣，吾恨之、吾哀之。

諸君諸君，曷為身家計？曷為父母妻子計？諸君畏破壞而不思所以免破壞之方，禍不遠矣。

免破壞奈何？曰：自破壞自破壞者，非教人以殺人放火，効彼亂民之謂也。原彼亂者之所以為亂之具而破壞之，則諸君之所以為妻子為身家者，莫善于此。

如其不然，則吾知二十世紀中盡地球之面積而數之，必無塊土可以為支那人之桃源。不然，抑或在地下未可知。

### ●杭甯鐵路問題

我浙二千餘萬之同胞，不開美人欲來開杭甯鐵路乎？

我浙位於揚子江下流，雖非世界舞臺之中心點，而頗富財產。自通商以來，英人謁之，日人愛之，意人索之，幾落於外人之手者數矣。末也者，以當衝各省之權利未盡也。及二十世紀之劈頭，直省之鐵路分路殆盡，各屬之礦產訂開將完，於是美人下撓足先得之計，謀攬吾杭甯鐵路權。果若是，吾浙其亡矣乎？吾浙其亡矣乎？蓋二十世紀之世界鐵路世界也，鐵路所及之地，勢力所及之地，即財富所盡之地。鐵路及一縣，即一縣之勢力之財富落於外人之手；鐵路及一府，即一府之勢力之財富落於外人之手；鐵路及一省，即一省之勢力之財富落於外人之手。如蘆漢鐵路之付與德、漢之財產，任其開掘，任其吞蝕，任其收括，失者不下數百萬矣。東三省之鐵路付與俄建也，而東三省之人民任其剝奪，任其役使，任其屠戮，死者不知幾十數萬矣。其他沿江沿海各省，莫不皆然。獨吾浙之財產依然完全無缺，吾浙之人民依然歡笑如故者，以未以鐵路之權授與外人也。自今而不知拒，吾恐吾浙與蘆漢東三省之財富人民同歸括盡殺盡於無形，滅國滅種之鐵路世界矣。嗚呼，吾浙人鳥可不羣起而拒之。

然則吾浙人能拒之乎？吾斷之曰：吾浙人必能高拿抵手，大聲疾呼而拒之也。然則吾浙人終能拒之而不使入乎？吾又斷之曰：吾浙必終無一人能竭智盡財死而後已而拒之也。何則？一時之公憤好為誇言，戀數十年之歡樂，不肯一死此吾中國十八行省人普通之性質，而吾浙尤甚者也。吾於是不得不為吾浙同胞告：擁有十萬或百萬之富者，與其遷延數年與吾財產同歸漸滅，不若就此時半施吾之財產以拒美人而自建鐵

路鐵路者世界非常獲利之商務也。鐵路多建一尺。即利益多獲一尺。鐵路早成一。日即利益早得一。日故從此并可以半有限之財產而獲無限之利益。豈不美哉。即使無利益可獲而我半留之財產除無盜賊土匪之搶奪無敗家子孫之浪費不亦若磐石之安乎。數口或十餘口之貧戶與其遷延數年爲洋奴洋隸受牛馬之苦。勿就斯時力與富者同抗。美人而創鐵路。鐵路者世界最費儲備之工業也。鐵路多築一處。即貧者能多獲儲備一處。鐵路之工一日不已。即貧者之獲儲備一日不已。故從此并可以無形之勞力而獲多數有形之儲備。豈不美哉。即無儲備可獲。而自吾費多數勞力則吾之子孫自能永享利益。而久生存于世界之浙江一部矣。嗚呼。浙人從此可以猛省矣。否則吾將弔浙江潮之不靈。

### ●外國之部

●崇拜東人者聽者!!! (留學界記事門參看)

今歲日本舉行第五次內國博覽會。初以支那人與印度等亡國之餘並列。繼又設台灣館。并將福建連來產物陳設在內。東京留學生方在力爭。未知其結果。

嗚呼我國民其聽之。吾欲有所言。吾不成聲。

我國人之性質。外人知之久矣。予我以虛設之名詞。絕我最重之命脈。使我鼯睡而不覺。此近今滅亡國者之長技也。日本今日之舉。蓋日本秘密手段之缺點也。謂爲日本之侮我也。可謂爲日本之警我也。雖然。醒我

者不自日本始。且不自今日始。特我國麻木不仁人之醒我。而我自不醒耳。嗟嗟舊時王謝堂前燕。飛入尋常百姓家。我述至此。我不成聲。

嗚呼。吾不知彼騎從聯翩相率東來。看博覽會者。翹首一瞻。則見彼「台灣館」三字之額。巍然一橫于其上者。吾不知其作何想。

### ●加拿大之人頭稅

加拿太總理大臣羅利愛氏以支那移民人頭稅自一百弗增至五百弗之事件。提出于下議院。且使載運此等移民之船長。對于此項人頭稅之支出。有直接負擔之責任云云。

嗚呼。我海外數百萬之移民。海外民族。其何以堪之。夫彼之增稅原由。一言以蔽之。則憎支那人奪其利而已矣。雖然。憎支那人者。豈惟加拿大。美國如之。澳洲亦如之。

然則二十世紀之末。歐美各地。必無支那民族。片形隻影存留于其間矣。

夫等是政策也。彼何以不用之于別種人。而獨用之于我。嗟乎。有國者與無國者。競固任有天大之能。無所用其力者。也。豈惟彼殖民地而已。宅我之土。入我之室。用我之財。昔之旅居暫租者。一轉瞬而自認爲主人。公矣。管轄之驅策之。敵刺之。彼固儼然認世界爲文明。人所獨有也。天之下地之上。竟無一片土可以容「亡國之民」之駐足者。我國民亦曾念焉否耶。

### ●俄領沿海州之人數



俄領沿海州者。卽南烏蘇里、哥薩克烏蘇里、提督島等九縣是也。去歲杪。查其人口之總數。有二十四萬三千百四十人。表如左。

男		女		合計
支那人	三、三五〇四	三〇五	三、八八〇九	
俄人	九、二八二八	四、五〇四四	一三、七八七二	
朝鮮人	一、六四三五	九二二〇	二、五六五二	
日本人	一〇九三	一〇七五	二、一六八	
土人	二、二二八〇	二、〇八二〇	四、三一〇〇	
外國人	四四九	八七	五三六	
	一六、六五八九	七、六五五一	二四、三一四〇	

俄領沿海州者即南烏蘇里哥薩克烏蘇里提督島等九縣是也。去歲杪查其人口之總數有二十四萬三千百四十人表如左。

	男		女	合計
	支那人	俄人	朝鮮人	日本人
支那人	三、三五〇四	九、二八二八	四、五〇四四	一三、七八七二
朝鮮人	一、六四三五	一〇九三	九二二〇	二、五六五二
日本人	二、二二八〇	四四九	二、〇八二〇	四、三一〇〇
土人	七、六五五一	八七	七、六五五一	一四、三一四〇
外國人	一六、六五八九	四四九	八七	五三六

夫東三省者瓜分後之中國之縮影也。地有稅屋有稅營業有稅窮民之食俄兵奪之工人之金俄兵劫之日遭奇禍奔訴無門不得已而告諸俄官則謂戰敗之國應受特別之虐嗚呼支那人圓輿雖大尙有容足處乎有東三省之現狀于是沿海州之現狀蓋居于內國既苦于旱潦瘟疫盜賊課稅而飢寒交迫不得已而爲冒險之計遠往異域依人籬下遂使南洋羣島黑龍江北皆有我國人之足跡不知者以爲我國人之膨脹力也而不知有大不然者在焉白人之膨脹以實力吾人之膨脹以飢寒白人之膨脹即其民族繁昌之現象吾

人之膨脹即其民族衰亡之現象也。試一覽其表男女之比例差未有若支那之遠者也。夫外國人之男多女少者蓋是旅行探險之徒非若中國人之久居於彼者也。若我國人則固異是者也。顧流離顛沛無家族之樂鴻雁嗷嗷積孳滿地其遺骸之得歸故國者則幸甚矣嗚呼滅種之禍非必日事刪夷也生計憔悴兒寒妻飢不百年則其殘骨爲博物院之陳列品而其國體爲人類學之試驗器矣。

●日本之外人囚表

日本最近之調查有外人囚五十六人其罪名國名列如左。

	囚人	刑事被告人	別房留置人	懲治人	合計
支那	二二	一七	一	一	三九
英國	一	一	一	一	一
美國	一	一	一	一	一
德國	一	一	一	一	一
俄國	二	二	一	一	四
朝鮮	四	四	一	一	九
總計					五六

痛哉我國人何作外人囚之若是多也。豈以本國之刑重外國之刑輕。本國之囚穢外國之囚潔乎。果爾則頌外國之部

時評

八

外國之功德俾將日多一日矣。痛夫。抑自治力者。人生之最要物也。我國無教育。民乏自治之力。反受治于外人。可恥孰甚焉。雖然。此猶小事耳。其他之可恥者。更楮墨難罄也。

## ●俄國新設海事省

去歲十二月俄國新設海事省。任親王亞歷山大米哈羅維奇爲海事大臣。此其結果。俄國之行政上。將有重要之改良。歐洲列國。無不注目以觀其變。

溯俄國之舊來。凡船舶港灣與夫海運之事。皆屬於大藏部。遞信二省。以彼得之熱心海事。而航海事業。窮在萌芽。至今帝尼古拉則大發達矣。始則造船。船于異域。免其輸入之稅。次設造船學校。于聖彼得堡。復于各地。方立航海術練習所。磨牙擦掌。欲大肆其鯨吞。觀其東則太平洋海軍之力。已足與英抗。而雄圖宏願。日長而未有已。觀其西則達的紐爾之事件。又見告矣。首尾並進。包藏禍心。其用意之周。其手段之靈。未有能右之者也。雖然。競爭之局。不在西而在東。而我國適爲其中心點。我國民將何以處此。

## ●法國議會之外交問題

法國自去歲十月與暹羅訂約以來。南亞勢力。大有擴張之志。頃閱新聞。有台龍克耳者。安南之選出議員也。陳議于議會曰。『予於安南得長久之根據地。將來支那有變。得有所備。並欲置有力之軍隊。』聞皆贊成云云。諸君亦知安南亡國之痛乎。二十年而言語。波而文字。滅恢復之期。杳無日矣。今法國乘此風潮。而兩粵之勢。

力圖。必更圖其鞏固。諸君其知之乎。

## ●俄羅斯將制定憲法

於二十世紀中有可以左右世界之力量者。俄羅斯及中國。由專制主義而變爲憲法。或民主主義。是已。中國與俄羅斯相類似之點甚多。其國土之廣漠也。相類。其人民之堅苦也。相類。其君權之宏大而積久也。相類。政府之聯俄也。以其聲氣相類。借此可以保我位也。而今則何如。

近俄國大藏大臣維衣台與內相封蒲列之議。一大問題。其問題爲何。雖不甚明。徵諸氏等之言動。確係準備採用立憲制度。蓋兩相皆守憲法主義者。欲變俄國政體爲立憲制度。維衣台曾向莫斯科日麻斯得威行員長。明言憲政時代將近。與彼處人私語。亦是道此意。見二月十四日蘇報。噫。俄之改立憲制度。其不遠矣。假令俄一旦由君主而確立爲憲法制度。則中國真亡矣。何則。今俄雖建鐵路於西伯利亞。練海軍於旅順大連灣。似竭十分之國力。以經營吾中國矣。實則。聖彼得堡政府之手段。哥薩克雄武之勢力。施於世界大地者。尚不過十分之三。四耳。餘者以虛無黨星布革新機動。不得不留之以防內也。苟從此舉。國通認確立憲。選新舊統一黨。會化分共同一致。勵兵秣馬。乘西伯利亞鐵路而直搗吾北京。乘勢四下屠毒吾人民。囊括吾財產。盤据吾要害。待吾若波蘭。不得開學堂。用國語。待吾若印度。不得爲議員與國政。則吾中國非永亡於世界大地乎。

得近日報。俄人于宗教自由一問題。已通過矣。夫俄國專制政體之廻護物有三。而宗教其最重之一也。今此。

問評

關已破。則俄人之得自由不遠矣。  
蓋至是而世界之專制國必不能再出現于世界。而中國之興亡。則即視其事之通與塞。以爲衡。國民國民亦  
有。衆人之食。而一爲流涎乎。

玉碎尋常事英  
雄不瓦全誓除  
頑固黨痛失  
自由權入夢還  
憂國傷心欲  
問天江干明月  
夜孤憤不成眠

10

## 東報時論



東報時論其可以增吾國人之智識學問者。每日亦選不勝選。茲特以各報中採其精要者。短其篇幅。以省讀者之勞。廣其門類。以集寰宇之識。內地雖不能讀東報。苟得是。則亦可以識其大畧矣。

●大勢

○歐洲人口論

二篇

千九百年終。陸維秀及明野秋二氏調查全歐之人口。共四百零一兆九萬八千。面積二千九百六十四萬六千八百六十八方里。即每一方里平均有人口二十人。據千八百六十年之計算。全歐人口不過二百九十八兆八千八百三十一年。二百十六兆。千八百八十年。僅百七十六兆耳。可知歐洲之人口。于十九世紀之中。增百分之百二十九。實二倍于前。而其中遷徙于他洲者。尙勿計也。歐洲人口最多之國爲俄羅斯。據千九百年之末。俄國之人口。合芬蘭地及亞細亞屬地而算。得百三十六兆。邇來上百四十兆矣。蓋俄國年增人口二百萬以爲常也。次于

東報時論

一



俄者爲德。有人口五十六兆。次奧國。四十七兆。次英國。及愛耳蘭四千一兆。次法蘭西二十九兆。弱。次意大利三十二兆。

按歐洲人口增加之程度。其在東方爲尤速。千八百七十年以來。俄國之人口。增百分之五十。塞維亞及希臘五五。羅馬尼亞增四五。而西方之英國增四三。和蘭四二。德意志三十。白耳義三四。奧大利二八。瑞西匈牙利皆增二五。南方則增加之數益少。意大利增二一。西班牙增一一。葡萄牙增二七。而全歐各國除愛耳蘭反減一八不算外。最增加遲緩者。爲法蘭西。僅增百分之八耳。

### ○英國之勢力

自亞東至英國。途次所經。有支那。有馬來島。有印度。有埃及。山川風土。千狀萬態。人種滑澤。醜類繁多。而其占有大勢力。一貫于其間者。惟英人。上海者。東洋第一之大港。美法雖有租界。而寂寥不足觀。惟英界則繁華壯麗。加人一等。而英屬之香港。其港灣之設備。行政之設施。一出于英人之手。其惟多利亞街中有巍然高聳之滙豐銀行者。修飾莊嚴。幾攬支那財政流通之大綱。而其主則英人也。彼處出入之商艦往來如織。俱樹英國國旗。而他國之船。不過寥寥數十艘而已。新嘉坡者。爲熱帶產物之淵藪。供給南部亞細亞及南洋諸島之製造品。年額至五億以上。幾敵支那及日本各埠之全貿易額焉。彼南者。商業雖大半爲新嘉坡所奪。漸次衰退。然尙儼然爲一大都會。此兩地與馬拉嘉及威來斯。諸港現均爲英領海峽殖民地。噫。盛矣。是數處者。支那人之事業甚多。而提其大綱爲其主人翁之位者。仍不外英人。且其歸化英國者甚多。德英人之心頗盛。如凌南

之埠頭。有石造之鐘錶臺焉。上書支那歸化英國之臣民某謳歌先帝之美政。蓋祝即位五十年大祭之所建也。況彼處土人。用爲衣服料之最要物品。非印度之紗。即英國之木。故其與母國之關係。堅固異常。錫蘭者。亦與其他亞細亞南部各要地彷彿。其初爲葡萄牙之殖民地。後屬荷蘭。今亦入于英人之手。其標種之土人。尙有荷蘭之面影。而恒河之聖池。尙存荷蘭人之石垣。而其行政官五人。盡屬英人矣。其佛寺所飾之佛像。大抵皆英軍自緬甸所取來之物。且英人頗示寬大。佛教與基督教並尊。所謂循其俗而變其政也。哥倫布者。全爲英人之所經營。築港灣爲大堤。皆以英人之資本爲之。產物有橡皮。可供各種之製造。有紅茶。供英人膳飲之用。有真珠。供倫敦英人飾頸之需。若錫蘭對岸之印度。更爲英國之第一製造場矣。近年以來。殆全用機器。除摘茶以外。幾無土人用力之所。故所有事業。全屬于英人。蘇彝士運河者。其初爲法人所竣功。世界之一大事業也。今雖尙屬于法人。而自倍根斯非德侯。收買埃及國王股票以來。其本大半入于英人。故其大權亦不得不在英。且埃及爲英之保護國。英兵屯戍于其間者甚多。一旦有事。運河必全爲英有。非虛言也。其他印度洋面之墨利嘉司及薩馬拉紅海內外之亞丁。及配利磨地。中海之薩伯刺司。墨爾他及塞伯刺他。凡東西通航之要衝。無不委之于英。平時之貿易戰時之運動。英人綽綽然自由哉。噫。日浸月盛。吾恐英人之勢非若此而已。東方之老大病國。亦將隸入英之版圖矣。

### 教育

○井上圓了氏之東洋倫理與西洋倫理之差別

## 東洋

- (一) 縱的人倫以父母爲人倫之始。  
(二) 以家族爲社會之單位人依家而立故爲家族之組織。

(三) 家督相續無嗣子則收養子。

(四) 東洋之國以歷史而言爲一家族之發達故重家族。

(五) 儒以孝道爲人倫之本故維持縱的人倫。

○小崎弘道氏之論東西文明之長短

頤德氏所作之泰西文明原理中論古今文明之差別曰古代希臘羅馬之文明爲現在主義近代歐洲之文明爲未來主義所謂現在主義者何凡個人家庭產業道德宗教俱爲現在而存故其極也遂不得不受制于政治主義軍人主義于個人則以倫理與快樂同視于國家則以道德與利益同視者要皆此主義也斯魯克派之主我說者亦此主義也羅馬之行虐殺幼兒之風習存奴隸虐待之惡俗崇尊帝王如神皆此主義之發現是古代文明之根本義也現在文明之根本義則反是不爲現在而在未來人也者不爲個人爲一己而生

## 西洋

- (一) 橫的人倫以夫婦爲人倫之始。  
(二) 以個人爲社會之單位家依人而立故爲個人之組織。

(三) 無養子之制度家督不相續。

(四) 西洋之國不過爲個人之團聚。

(五) 基督教以愛人爲人倫之本故維持橫的人倫。

## 福澤諭吉先生之論倫理教科書

乃爲他人爲世界而生此所以與現在主義大相反也蓋古代之道德以順境遇爲主而今者以良心與神意爲準遂至有惡克斯經之懺悔錄而道德不能自進矣余固非以頤德之說爲然者也然以頤德所論古今文明之差別移以論東西文明之異趣不亦可乎

先生曰凡德教之書成于古聖賢之手又出于其門無論其主義何如天下後世尊信其書者尊信聖賢之德義故也支那之四書五經印度之佛經西洋之聖書皆以其人之德高望重故其書亦隨其人而傳人皆信仰之假使今者尋常一男子忽吐奇言或席上一講師偶辯一論適與聖賢之旨相合則吾知天下必不遂信其言而尊崇其人何以故特以德義上尙不足信其爲人故也

## ●科學

## ○原質觀念之進步

原質之觀念深入人腦由來已久太古之印度以火風水土爲造物之神夫言火風水土則明爲原質之意也在昔希臘早有原質之說以謂乃由神力而來爲世界之源其初希臘之哲學家唱之以爲必有一原質爲衆物質之始或曰風或曰火其後始以火風水土並稱及亞里斯多德氏出唱火風水土皆屬一物質不過異其形代表溫冷乾濕而已是說也盛行于世殆二千年不息其說大概與支那相似曰火溫而乾風溫而濕水冷而溫土冷而乾故火之溫性移于水可變風火之乾性遷于水可成火火風水土之外一切物質互相變遷于


是萬物變遷之說始出。然此等無據空說。流于學界。為害甚速。當歐洲黑暗時代。亞刺伯人雄飛于思想界。與大學設圖書館。研究一切之學。尤熱心從事於化學。然其所以熱心于化學者。蓋即妄信亞氏物質變遷欲以賤金。鍊成貴金。時有鍊金師名約巴者。立說賤金屬中多含硫磺。貴金屬中多含水銀。若能于賤金屬中去其硫磺。入以水銀。即成貴金。然欲製之。當用「仙石」最為有效。所謂「仙石」者。乃秘法也。竟莫知其由鍊金術之說。漸入于歐洲。盛行數百年。或曰鉛可為黃金。或曰「仙石」可延人壽。當時歐洲之皇室。以財政艱難。常保護鍊金家。獎勵其術云。

至十六世紀開幕之初。鍊金術之不足信。漸為人所覺。同時又知化學之目的。首在製藥。于是面目一新。然原質之觀念。依然滯而不進。至有「物成之中。含水銀硫磺及食鹽三原質。若不調和。能令人体生種種之病」之說。逮十七世紀之中。葉卜衣兒出。始一刷原質之說。而新之。唱導物質凡至不可分析者。斯之謂原質之說。又去今百二三十年前。拉伏鳩出。始排從前然燒煅煉之誤。而一正之。又定原質不滅。質量常存二大原理。為今日化學之基礎。基礎既定。于是始先後考得七十種之原質焉。

今日所有原質。其數凡七十。雖皆為獨立之物質。然悉此等原質。本為一原質進化而來者。非真原質也。是說也。自昔往來于化學家之腦。已久。近頃五六年間。經各種考驗。其說似益真。茲舉從來原質唯一論之根據言之。(第一)一初進化論。(第二)研究天體之分光。存于溫度。高之天體者。其原質數多。存於溫度低者。其數少。(第三)原質間之關係。如碘氣之與碘。溴錄之與鈷。竟無大別。近年至蘇納線。磷毒金線。倍該路線等之發明。

其說彌信矣。倍該路線者。以鈾與鈷及其他二三物質相合而成之放射線。其放射最多者。實惟鈾。後經種種之考驗。知鈾之為物。帶有陰電氣之微分子。其大小不過輕氣原子之數百分之一。乃至千分之一。其性質與鈾鈣同出一途。且又與蘇納線相似。由此觀之。凡物之微分子。有共同之性質。實為通其之質可知也。吾故曰。今日所知之原質。均非真原質。他日考據精詳。推察及于微妙。必能得其源始之物質也。此說若真。其於原質論上。又與一大變革矣。





# 奇怪怪

## ●猿語研究談（承前）

研究猿語。以著音器爲最要。蓋初雖憶記其二三。終難明其用法。余嘗于箱中食時。衆猿環居而視作 *Whoo-w* 之聲。余亦倣之曰 *Whoo-w*。猿皆就食。畢復至。余處求吃。余因知 *Whoo-w* 云者。猿之所謂食也。

余爲研究猿語之故。嘗至亞非利加非拉子湖之森林。自嘉善港上陸。沿河行二百餘里。是處有一種獼猴。蟻據森林中。醜類蕃殖。余因置箱而居焉。彼處老樹猗猗。有直徑八尺高百餘者。萬蔓延如網。又有毒蝎蝮蛇。旬行出入。殊不畏人。蓋視人亦爲一動物也。

濃蔭蔽日。雖晝如晦。夜則月色希微。彷彿透入綠影。樹葉腐敗。空氣陰濕。時發惡臭。而余處于是。寔三閱月也。余所居之箱。廣濶十四立方尺。張以鐵網。復以綠葉下置四足箱。中備有一桌一椅。及火油鍋竈。著音器手鎗。照相器等。并各種食物箱。中所蓄數猿。皆靜隨余居。宛如一家。每晚常有虎豹之類。至箱外向箱而嗅。當時余亦不覺自爲人矣。

余非考猿語已也。又察其風俗習慣。焉中有最奇一事。即猿所自呼爲「齋」者。是矣。齋者何。祭祀之類也。一年必有數次。先作舞蹈會。諸猿群集。蹣跚跳舞。又多聚河泥。調以漿水。團成圓形。待其乾燥。成一大鼓。凡祭時。數猿執鞭擊之。旬然作聲。衆猿應聲起舞。嘗于明月夜。鼓聲大作。則衆猿麤集來赴矣。其鼓直徑有八尺者有。



十尺者。余曾攜一鼓歸現置于野牛府之博物館焉。

●支那人曾發見美洲于千五百年前

距哥倫布尋得美洲之千年前。已有支那之人至其處。是說也。有種種之證可據。而最確者。為近年于中央亞美利加所發見一佛寺之古蹟。推其物質當是千五百年前之物。蓋為支那宣教師所建。而其後千餘年始為西班牙人等所毀者也。夫哥倫布之得美洲。歐人推為世界空前絕後之事業。而不知我祖國偉大之國民。乃早捷足而先得之。惜哉。後無繼者。雖有豪傑。亦湮沒而不彰。吾于是為我祖國歌。為我祖國泣。

●似蟲之人

世上人種。其類各異。而最奇者莫如俄國墨斯哥地方之民。其人于上半年則飲食起居如常人。于下半年則蟄伏如蟲。長眠絕食。凡半年。英國醫學雜誌曾記其事曰。此等人種。當自不可記憶之上古移下之風習。每歲冬期見雪。則各戶之家族即環集炕邊而睡。日惟起一次。稍食一種麪包之類。添薪于火而後再眠。凡六閱月至草木萌芽。則各家啓戶而出。從事農業作業半年。則又蟄伏矣。其土人稱其蟄伏曰「陸齒加」云。


●似人之鳥

自耳義拉哥維薩氏。近于法蘭西之學術雜誌上。載南極探險之記事。中有似人鳥一節。是鳥乃氏所發見者。名曰企鵝之鳥。身高四尺有奇。頭黑色而帶一種異彩。如人戴冠然。兩翼美。如人之着外套。兩足肥大。徐步而行。直立如人。頗具威嚴。遠望之不異于人。夫企鵝之能直立也。因名曰企鵝。而此鳥又能似人。因名之曰企

鵝之鳥云。此鳥不能飛翔。惟善于泅泳。故常居于水。

●鼠之性質

鼠之為物。黠而劣。其性必有異于他動物者。因有人考之。得下之數條。  
(一)鼠性善疑。而富自衛力。  
(二)其生產之地。每次必遷移。決不重至前處。  
(三)鼠生後四十日。即能長成。而生育其生。育每次或八隻。或十二隻。  
(四)鼠富于忍耐力。能勝較己身重之物。  
(五)陷于危險之時。能使他鼠知之。如落于器中。則器外之鼠必知之。  
(六)鼠之臭味各不同。  
(七)鼠每陷于危險之際。能發一種異臭。一欲求逸。一以使他鼠嗅而救之也。  
(八)鼠之穴必有一備逃遁之路。  
(九)凡能作聲之器上。俱勿立行。  
(十)鼠能絕食至二十四時之久。鼠之食物因其土地而異。其最喜食者。大概為蕎麥。穀。蟹。蟹。胡桃。麻。種花生。米粉。糖。餅。油。臘豆等。然無一定嗜好之物。





## 留學界記事

陽歷二月十日日本新聞

博覽覺報

有西田正俊氏等就本館正門外百五十坪之地設人類館雇北海道蝦夷臺灣之生蕃琉球朝鮮支那印度爪哇等七種人於館內演其固有特性生及息之程度階級並其惡風蠻習等以供觀覽業經坪井博士協贊刻下已雇定以上七種人云云

陽歷二月十一日國民新聞

有西田正俊氏發起設立人類館於會場正門外約占地三百五十坪雇蝦夷臺灣之生蕃琉球朝鮮支那印度爪哇等七種人於館內演固有特性及生息之程度階級以供觀覽其演技次第悉照坪井博士調查世界風俗寫真帖辦法云云當時學生既得此報會館幹事即日集議草一文報告各處其文曰

嗚呼支那人！嗚呼支那人！！

『嗚呼支那人！嗚呼支那人！』吾嚮者不知其地位而今而后吾知之矣。吾嚮者不知其品格而今而后吾知之矣。聞諸西人之言曰：「廉恥者上帝特賜之品又曰：『由小國而進為大國由張國而進為強國者其必自知恥始由大國而墮為小國由強國而墮為張國其必自不知恥始。』」吾國統四百兆民家擁二千萬方里以與地球各國偉大之國民魂異之種族相角鬪孰勝孰負間不容髮知恥與不知恥其存亡危急之關係哉嗚呼

留學界記事

噫嘻。謂吾國爲不知耻耶。則駭者且曰。黃農姚姒。吾之鼻祖也。山會島長。吾之世僕也。平原大澤。山廬水屋。吾之良室也。聰明特達。秀絕一時者。吾之子孫也。吾民何爲而不知耻。嗚呼。噫嘻。謂吾國之人爲知耻耶。則勒英女后之紀功碑。獻日本天皇之元旦頌者。吾海外之民也。牽聯軍總統之轡。揭各國順民之旗者。吾北方之民也。妻女淫于意兵。而不知羞墳墓。挾于法人。而不知痛者。吾南方之民也。吾民而何爲知耻也。孟子曰。人必自侮。而後人侮之。國必自伐。而後人伐之。數百年來。吾國受侮受伐之事。擢髮所不能盡矣。吾不忍道之。吾又不能盡道之。往者已矣。吾姑語其最近者。大者已矣。吾姑語其最小者。大阪之博覽會。日本之盛舉也。各國冠裳雲集。以攷察其工藝商業之盛衰進退。有講人種學者。設人類館于博覽會之門。蒙養支那朝鮮琉球印度蝦夷臺灣生番爪哇等七種之民。於其間而演其頑風惡習。以爲會衆觀覽。嗚呼。甚哉。此舉也。吾不知日本人何心也。若印度琉球。已亡之國。而英日之奴隸也。若朝鮮。俄日之保護國。而吾之舊藩屬也。若爪哇蝦夷臺灣之生番。世界最卑之人。種與鹿豕相去一間者也。吾支那人雖賤。何至與此六種人駢首並足耶。且印度臺灣蝦夷。何一非亞洲之土產物。又何苦陳此醜穢之狀態。以供泰西各國之一笑也。吾又不知支那人之何心也。而高官數十巨賈數千百。捆載其貨物車輦其金幣。而親覽吾同胞之下等者。躋之於六種之族類。而知之而不問之。而且視然甘之。不顧也。夫吾國先哲有言。哀莫大於心死。吾不解吾國人之心死。與否。若猶未也。寧不知今日之事。吾國之地圖。猶未換顏色。吾國之上下。猶未稱臣妾。然而與印度列。此奴隸我也。與朝鮮列。是斯養我也。與爪哇蝦夷列。是明明生蕃我。而野蠻我也。抑吾觀日本各處遍設動物水產各館。今又有

人類館之設。是又明明以動物目我水族目我也。嗚呼。支那人。奴隸猶可言也。斯養猶可言也。生蕃而野蠻猶可言也。氣即卑志即陋。靈魂即漸滅。淨盡何至自等於禽獸。蟲介而不知恥耶。抑吾思之。自甘於奴隸。故必更降而斯養。自甘於斯養。故必更降而爲生蕃。野蠻自甘于生蕃。野蠻故必更降而爲禽獸。蟲介。達爾文明進化之論。謂人爲猿之進化物。然則禽獸與蟲介。安知非吾人之進化物哉。奇哉。奇哉。日本人之有此圈檻也。善哉。善哉。支那人之有此因果也。嗚呼。支那人。吾時爲華屋今也爲山邱。昔時爲樂鄰。今也爲卑隸。其亦有悲憤之起而挽救之者乎。詩曰。父母先祖。胡寧忍予。先祖維何。黃帝之謂也。又曰。如彼疾風。亦孔之唉。唉者。維何。吾咽噫而不能言之謂也。嗚呼。支那人。嗚呼。支那人。謂其不信盡觀所譯之新聞。謂其不耻盡觀所載之圖畫。同胞同胞。吾又何言。如是我聞。慎勿造因。

是稿既成。而日本之印刷局。又遲遲不能即日出版也。留學生乃商之大坂孫君實甫。孫君初聞此事。即憤之竭力謀此事。其來函有云。如日人果不撤去。則大坂中國商。將于開會第一日。舉黑旗以誌哀。而不作賀禮。後日人不得已乃去之。至近頃。又以福建產物問題。留學生全体大譁。現方在力爭中。未知其結果。





## 苦英雄逸史

普露士亞皇后路易設



preis  
kaiserin  
lune von  
Müller, lang

任克

悲哉。吾何忍讀路易傳。吾讀路易傳。一字一滴淚。一淚一成血。吾聲啞。吾肝破。腸裂。餘哀猶未盡也。然而吾焉敢不草路易傳。與同胞共讀之。以哭路易之淚之血。以哭我祖國也。

吾以言人情也。則生離不若死別。吾以言國事也。則附屬不如滅亡。寄人籬下。賣媚異種。苟知人禽之界焉。而何以受之魔王。那破。崙。既狂吼一聲。以出現於十九世紀。東掘一把血。西斬一握草。幾令全地球國之代表。皆屈膝出入於其胯下。而當時之普魯士亞則。蕞爾小國。受創最深。吾閱其籠城圖。讀其亡國記。目其痛齒。其噤也。



而斯時最猛最俠最愛國之皇后路易則困於四圍楚歌之聲裏東望慘白降旂西望鮮紅頸血淚且滾血且沸身且慄且戰僅僅以冰冷之手抱其幼兒既嚙且碎之唇接其幼兒之額酸楚叮囑曰「兒呀普露士亞汝祖國也幸長毋忘汝國仇毋忘那破崙」破國山河春城草木此時果路易最慘痛最悲憤之一日乎而此實路易最揚眉吐氣一紀念日也蓋彼所懷所抱所淒淒叮嚀之一丸覆巢卵即後來以魏貅十萬逼那破崙三世于烏江盡頭之日耳曼大皇帝維廉一世是

蘇奉流放衝突那破崙之潮渙威靈比德死桎梏那破崙之器腐斯時那破崙如虎生翼野性大發提其二十萬悍將小試于普露士亞國王既蒙塵出走而皇后路易曰「國可滅不可辱與其低首下心而飲此一卮奴隸水也寧以我同胞之熱血濺魔鬼」乃躍入戰場中自率三軍以決背城之計其說于士卒曰

普露士亞者乃同胞之國非一人之國也諸君如願以如荼如錦之好江山以拱手獻于虎狼飽其慾壑斯亦已矣否則那破崙之肉肥而可食哉那破崙之血甘而可飲哉諸君諸君盡以頭顱汗血拼得之

於是軍威大振羣曰願置巨砲於我軍後不還我完全無缺之普露士亞誓不生還也于八百零六年佛國大軍壓柏林路易奮身抗戰者至數十次嗟乎螳臂當車微虫搖石秋十月霜月沉沉鬼火陰陰而短命之普露士亞竟長逝皇后于敗軍隊裏絕叫一聲「我何面目以見國民」拔佩刀橫勒其腹馬蹶人墜哀哉路易其果殉國而去乎幸而裨將奮其刃未獲致命也乃收拾殘軍倉皇逸去以圖後效

而斯時莊嚴煥麗之普露士亞之宮闕仍高立雲表默默無言惟見新人長笑而來不聞舊主痛哭以去那破崙既一戰而勝遂占領普露士亞之皇宮搜索路易之私第讀其書翰復指壁上小影語曰「卿乎美人乎吾見卿容吾魂飛去卿乎英雄乎吾讀卿書吾魄褫去雖然吾愛卿吾畏卿吾誓必作難於卿」

同種仇離故都禾黍路易既負北乃奔走于其夫蹕駐地扣由斯敦時適十二月中浣山度水涸雲凍煙沈瑣尾流離游撲蘭薦曠原夕陽無語翹首宗邦痛定思痛歎曰「恨吾以一腔熱血沸點過度卒至卵石不敵國破家荒今日同胞割慈忍愛背

井離羣漏網於血風肉雨。竄身於蜃雨蠻烟。誰貽伊戚。而至於此。今日我祖國四分五裂。屈辱於人銅駝荆棘。滿目蒼涼。誰實爲之。而至於此。此皆吾之咎也。嗚呼。祖國嗚呼。同胞不能護汝。又安用此區區者。皇帝爲也。雖然。我路易其能忍焉。而與之終古乎。臨淵而羨魚。曷若其退而結網也。千八百零七年六月。以露佛交涉故。亞力山大與那破崙會于其西得。普國王帝思挽既倒狂瀾。乃以喪家孤犬尾。於後以乞擲還故土之憐。不料滿腔亡國之淒涼。僅得博那破崙一場擲。揜耳。當時要求普國議和之條約如左。

和議告成之日。普露士亞之版圖。盡歸佛蘭西佔領。

普國之行政權。須歸佛蘭西掌握。

瑪賀倍兒希要塞。須歸佛兵守護。瑪賀倍兒希爲普咽喉既歸佛兵守護則普無生日矣

而其最惡謔最荒謬之一條。則爲和議須普后親手簽押。云云。而是時那破崙作難于普后之言。尤有極褻辱極慘酷者。噫。吾何忍述之也。普國君臣不得已。致書招之路易。接手書。無限之淚。如急雨跳珠。濺蹴紙上。歎嘆曰。我其忍搗首以求和也。

何必有今日。雖然。有靈魂必借軀殼以發揮。苟其獲千鈞一髮之繫。也犧牲我身何惜焉。急驅車往其西得。會那破崙於集議堂。斯時挾國仇之憤。服國喪之服。與那破崙尋常一禮。怒目高座。揚言曰。以大王蓋世之雄。而乃謀及婦人。妾雖蒲柳之質。然頗不懼摧折。今日挺身自首。願大王臨之烹之。以息怒。四座聞之。盡蜩縮鹿慄。而那破崙鞠躬微哂曰。卿何盛氣臨人。孤愛卿。僅得賞名花于畫中。特乘今日之機緣。一慰思慕耳。復移座於普后之側。親執其手。皇后正容却退。怒聲叱之曰。陛下。今日此會。爲國事耶。爲凌辱微弱耶。興盡悲來。莫道亡虜無血氣也。噫。沙漠獅子乎。聞斯言。僅得屏息歸座。而已。言次復問曰。知己知彼。百戰百勝。卿奚其驅牛羊以鬪餓虎哉。后答曰。不敢辱先人。揆逗利希之光榮。不敢辱國民。錦繡之山河。是以拼頭顱。以擲孤注。翌日張宴。那破崙折膽瓶中。迎輦花一剪。綴普后襟紐。笑曰。爲卿和議告成之預賀。后答曰。敬謝深情。請以此花與瑪賀倍兒希同歸故主。嗚呼。昔英后美嬪求卡雅婁要塞于佛不果。每語人曰。若得剖見吾心。肝其中必印有卡雅婁血注之數字。若路易者與英后誠同病相憐哉。

小 說

六

千八百零九年。和議告成。乃與普王同車回柏林。蕪城枯苑。益增振觸。后乃日從事於薪氈。栗誓必圖破釜沉舟之報。時忽聞佛蘭西民黨以顛覆那破崙專制辣手之祕密結社起。后竭力贊成。夫乃捐金以資助之。德。德國民以聯合之。已復剖心瀝血和淚。和墨著國仇之詩歌。布散于民間。以發揚其愛國精神。噫。屠龍高手。卒獲驪珠。誰則云馬矢石室爲悶煞英雄地也。

千八百零十年十月。后卒。以憂國之故。罹心臆疾。以逝。病中后大呼以冰雪飲。我羣以苦寒告。后曰。「吾支體雖冷。而心中正苦熱也。」及將易簀。僅發其裂帛之聲。絕叫國仇!!!國仇!!國仇數聲而已。

夫路易者。極危難極困苦極失意之英雄也。然其過去之生涯。則雖沮喪而將來之生涯。則極揚眉吐氣也。后沒之第四年。紀念日。普露聯盟軍。逼那破崙于冰天雪海中。而斯時。則以一頂桂月冠。陳于路易墓上。大呼。卿吾爲之雪恥者。乃普魯士亞王其夫是也。及沒六十年之紀念日。適普佛大戰爭畢。而那破崙三世虎牙落鷹翅折斯時。則以彼一通受降書。陳于路易墓上。大呼。母兒爲之雪恥者。乃維廉一世其子。

是也。至今日。春秋祭祀。穆穆皇皇。以九重至尊。布奠于路易墓者。即今之德意志王帝其孫是也。悲夫。我讀路易傳。令我思令我歎。令我長夜茫茫。其無寐也。何則。人之亡國也。以暫我之亡國也。以久嗟嗟神州。我亦傷心。日愧向蒼苔讀舊碑。我同胞我國民。其誰以黃龍一卮酒。奠先君之墓上。而泣告者哉。雖然。且以路易傳爲之爆線爲之鏡影讀。此者其振袖以興乎。

說

小



苦英雄逸史

七



## 海上逸史

太公

## ◎葛瑪航行印度事

初歐洲當一千五百年前。西南一王國。曰波爾脫瓦爾時。親王亨利抱遠志。善航海術。以是名聞一時。亨利聞東南有印度一大陸。金銀名香。咸薈萃焉。決計遣人探尋之。事初議。亨利病。未幾遂齋志而沒。不果行。時葡萄牙王竹恩第二世薨。嗣立者名哀瑪凝爾。即親王亨利之姪也。有叔父風。誓欲繼遺志。爲己任。而名馳五百年。爲今日之航海家。異口一聲。嘖嘖稱羨之。葛瑪遂崛起。於是時一千四百九十七年七月。葛瑪奉王命使行。予以船三艘。水夫六十人。葛瑪遂起行。向印度進發。行至數旬。過亞非利加之抱脫岬島。自此後。洋面濤濤一片。毫無涯際。終日接於眼簾者。惟水天一色而已。經三月。船益南進。至十一月初四日。船上水夫。遠遠瞭望。忽見有一島若隱若現。船上人久不見陸地。至是皆大喜。握手道賀。換着新衣。待上岸。然是時計達島岸。尙須數日。是島即數百年後爲歐洲最有名之法帝拿破崙被流放之處。所謂

說

小

145



泗脫黑爾納島 Saint Kela 是也。抵島後。船暫停數日。復南進。時暴風驟至。船幾覆。船上皆擾亂驚駭。卒慶無恙。十一月二十日。始繞過喜望峯之南角。二十五日。波爾脫五爾之航海家鞠池氏。以過亞非利加最南之海。遂與相遇。同駛行。進向北方。逮一千四百九十八年三月初旬。始抵東海岸一海峽。名摩才姆必柯之碇泊場。當是時。摩才姆必柯爲亞喇伯人領地。信回教。紅海與印度之間。貿易繁盛。一切商業利益。均歸於亞喇伯人掌握。彼等知葛瑪等將往印度。必於己之商業上有妨礙。羣思有以阻撓之。使不能成行。葛瑪見彼等狡猾萬狀。易受侮。定議僱用該地土人數名。爲水手鄉導。急起錨而行。再向北進。發路過基甯陸阿及門龍治沙等地。停泊一二次。其人用意。與摩才姆必柯相同。以爲葛瑪此行。彼等將大不利。至欲設法。使三艘擱陷淺灘上。其他陰謀詭策。種種不能殫述。幸葛瑪仍僱用水手鄉導。始免於難。繼達阿林治地。居民和藹可親。飲食品暨需用各物。贈遺甚夥。并代僱諸練港灣之水手鄉導多名。時不幸遭信風。信風者印度洋之風也。冬季半歲發於北。東夏季半歲發於南。西每歲有一定信期。故云。葛瑪等因信風暴烈。即暫行滯留。至八月初六

日始行。經二十三日。抵印度國阿臘罷海岸。地名加利加脫。居民得報。羣情洶湧。震恐。印度全國夙分析不統。轄加利加脫古有豫言。相傳云。是地將來必被白人吞併。闖入爲主。今見葛瑪等航海落境。目爲敵人。豫言將驗。洶洶不可終日。幸有青島家多人。極言豫言時期尚未到。是地居民愚蠢如鹿豕。不知國家不知政治。一以符咒占筮奉爲金科玉律。至是聞青島家言。羣始息事。迺寢。加利加脫王聞葛瑪等携有商品多種。思與通貿易。迺以豚鳥及椰子等物。饋遺相望。葛瑪相機行事。蓄念已久。至是議選貌帶微黃。與白種人小異之十二人。衣黃緞衣。上披赤色天鵝絨。持彫刻品。賸以細緻磁盆。犀銳刀劍。偕詣王宮。未行而警報至。初葛瑪之至也。豫言之惑雖解。居留之各國商人開會聚議。知白人蹤跡所到。必被蹂躪。占奪利益無已。時又見國王將與通交好。益懼。迺竊運動王初。猶豫未幾。決計欲發健卒襲殺之。并奪其船爲犒賞。事洩。葛瑪知危甚。遂起錨。錨重棄其半。堆塚岸畔。臨行時指而揚言曰。某等不復此仇。有如此物。行後又迂道至加利加脫之北。地名懇納陸爾。是地國王待以優禮。通殷勤。彼此交易頗夥。將行遣使指示歸路。歸時無事可記。計出航日迄

回航。共二年有八月。是爲葛瑪航海第一次相傳。葛瑪此行。以第一次航海總費用相比。例約得六十倍利益。嗚呼。亦人傑矣哉。當是時。波爾脫瓦爾王。聞葛瑪歸國。大喜。旌其功。使入貴族班。兼授印度提督之職。葛瑪歸國後。處心積慮。日以報復加利加脫宿讎爲事。迺製造大船五艘。小船五艘。載積大砲兵器無數。糧食充牣。水手人夫精選。而教育之。復向印度進發。重抵瑟納陸爾國。時國王聞葛瑪再至。益出其狐媚政策。以求親愛。并聞國王不知同種同國之誼。曾向葛瑪立誓曰。無論何事。如有驅使我瑟納陸爾當舉國性命。是從葛瑪大喜。與通商締結條約。加利加脫王聞葛瑪復至。將與啓。覺驚懼甚。急懸休戰旗於海岸。以示屈服。既又遣使述願。與波爾脫瓦爾結約互市。意葛瑪急欲雪憤。不許捕使者拘留。船中侮辱百般。翌日。遂將大砲向市街轟擊。時加利加脫適有大船二。小船二十二。未知國有戰事。由他處駛歸。葛瑪等設計奪獲之。繼知中有瑟納陸爾船六艘。釋之。使歸。葛瑪亦返航。王知之大怒。集臣下會議其事。有獻策者曰。急造多數戰艦。與決一死戰。然葛瑪已行矣。製造戰艦一事。徒騷擾無所用。葛瑪復向交趾支那進發。交趾支那王待遇之甚厚。葛瑪迺

於其地。設一代理商。凡關本國商業上事。歸其辦理。一千五百二十年。乃歸國。後一千五百二十二年。又由印度而至交趾支那。翌年。未及回國。以病終。  
外史氏曰。印度之亡也。五百年前。已燭照而數計矣。竊俟十九世紀。哉。同一國也。分崩離析。弗統轄之。其極至如瑟納陸爾之自相離貳。若加利加爾者。初欲拒之。繼欲媚之。至求媚之。而不得。抑亦愚矣。君子曰。覆祚之券。固如是夫。然膏肓毒贅。瀰漫充塞。於五百年前而已。然異矣。悠悠黃種。於葛瑪夫何言。

### ◎陸治斯南極探險事

世所稱冰山雪海蹤跡罕到之南極。一經思想家運動神經夢想所及。意必有無量數之異聞奇事。千珍百怪。紛閭雜遝。而不可思議。昔時探險家亦項背相望。蜚聲青史。然卒未聞有一瞑不顧。浩然作南極遊者。何耶。寒帶凝近。四顧蒼涼。葬身冰窟。雪窖。固意中事。有之則距今六十年前。英國海軍士官陸治斯氏是也。氏豁達有大志。性勇敢。殆夙稟然。善航海術。常喜爲大言。一日。木立海濱。南風冷然。撲面陡發。遐想竊念。倘得一遊南極。得其要領。爲我盎格魯案遜人種新領地。豈非將來歷史上一

段大沿革事。否則挾珍奇。歸亦能使我英國博物館放一光彩。增長學識。見聞一新。耳目不失爲物理功臣。何懼何疑。而不爲此。嗣後日計畫南遊。念此遊最險。係船遇冰塊。立齋碎事。乃選良材。鳩工起二艘。堅固異常。一名愛來培。一名泰陸爾。剋日告藏。選拔水兵若干人。載兩年糧。老成持重之親友。暨妻子等。聞其事多危之。至有勸至泣下者。陸治斯領應之而已。一千八百四十年十二月十四日。遂起程。由紐齊蘭特南端之加培兒島進發。是年南極值冬。季頗和煦。行十日。海面如晶鏡鋪平。冰未見。二十七日。船達南緯六十三度。忽見無數冰塊。隨風簸揚。直撲船舵。越二日。測量海底。知是處深至千五百六十尋。益前進。時正月四日也。羣向艙面瞭望。南方一帶全是銀色冰塊。大如怪峯。突兀直衝駛。越五日。船忽緩行。見有千百冰塊。礮礮圍繞四周。若在旋渦中。當是時。日色蔽光。天黯淡。作灰色。凍雲片片亂飛。北風挾之。嗚嗚怒號。不休俄而又變爲暴風。洶湧澎湃。冰聲水聲相間。雜越二三日。變幻較前更甚。長空如墨。萬籟淒然。船中人面相向失色。其形狀非攝影不能描寫。垓下被圍四面楚歌。或庶幾髣髴之。陸治斯慰藉數四曰。海面廣濶。必無慮。乃復前進。風稍止。

波浪亦漸平穩。惟天氣益寒冽。一日忽降雪。前途冰山相對。四面雪花如掌。大紛下不休。息。兩船形影相弔。此情景淒涼萬狀。翌日西南角隱約間似有陸地發見。舟人狂喜。皆脫帽慶幸。鼓勇氣直前進。至十一日午前。距前所見地細視。非大陸係一雪島。高聳雲際。午後駛過南緯七十一度十五分。即昔年著名船長柯果氏經由最南點處也。嗣後鼓輪如矢。薄暮時距雪島僅六里許。舟人議上島一游。周視數四島岸。高約數十丈。層冰包之。大波怒擊其上。路徑殆絕。僅得寄附其傍而已。是日海波平隱。欲眺陸地方向。醫聚艙頭。前面雪島一帶益明瞭。正如貝闕銀宮。炫燦海上。俯視水面冰塊。幾百羣絡繹往來。不絕。舟人至此。宇宙之美觀。人生之樂事。覺無以過之。次晨陸治斯仍擬上陸。放一小船。乘之指岸行。未及里許。浪挾冰塊衝突之勢益劇。烈急迴棹。傍一小島抵岸。懸國旗作紀念。物誌不忘寒地無草木。片影尋視島中。但見幾百群名配助絲之海鳥飛鳴棲息。其中是鳥性凶猛。航海者苟上岸。爲所見。必羣起追噬。陸治斯小息島畔。瞥見愛來培船上赤色旗高舉。隨風飄颺。舉赤旗者召陸治斯使速歸也。乃下小船。轉瞬間大霧四塞。潮向南流。越一點鐘。即昏黯迷歸。

路至十四日。見大鯨魚無數。銜尾揚鬣而過。十五日。北西一帶。隱然見山脈。十七日。露晴曦。赤鳥沐浴。光燄射人。向南遙睇。又似有陸地。如前。經行一、二天。相距頗近。舟人始知所謂柯羅瑪島者。即此。十九日。船右一山突起海面。高至一萬五千尺。是爲有名之美爾薄崙山。二十三日。過南緯七十四度十五分地。此即最南點。自來探險家蹤跡所未到。二十五日。颶風陡作。舟幾覆。恐甚。停船一島傍。欲上陸。風不息。空中冰塊。因風飛舞。打入艙中。是時視寒暑表。已將至極低度。知離南方磁極。磁極者即南極最冷地名。磁極者向驗寒暑用磁故也。大約不過二百里內外矣。再進南一大火山。在焉。火光直冲雲霄。黑烟繞之。如萬條神龍。行空際。蜿蜒酣鬪。舟人咋舌。凝視詫爲奇觀。更向東望。從海上平面測算。約有百五十尺及三百尺高之怪駭。槎枒高山數座。實則皆冰山也。時舟人有欲登冰山頂一游。然駭浪驚波中。見冰山時時震撼。有羣起奔馳之勢。迺不果。時海面小冰塊。千百成羣。往來自由。妨船前進。陸治斯沿大冰塊而行。取道東方。一月二十九日。寒暑表益搖動。午後船已達南緯七十七度地。然此時寒氣愈侵。海中冰塊愈聚愈多。結隊而來。皆與兩船若有誓死不相兩立情形。舟人竊浩歎。以船長

命令不能忤。是時陸治斯見前途渺茫。吉凶禍福。決非意想所能及。遂作一書。將此次經歷情狀。詳細備載。置一箱中。投之海。二月二日。抵南緯七十八度四分地。到此冰塊愈大。寒氣愈甚。若再前進。危難百出。可決于是。兩船定議。轉輪相率取道而歸。歸時再與冰塊衝突。於巨浪中。繼見前次所遇火山。烟霧更甚。四面銀晶世界。中現赤焰萬丈。流連不忍去。至二十一日。抵南大陸一角。名安達海灣。欲登陸。沿岸冰爲鑊鑰。怏怏而返。行十數日。迺安抵谷斯脫了阿州之南端一島。名達斯阿尼。舟人始慶無恙。一千八百四十一年十二月。陸治斯志終未衰。仍率二艘往。一千八百二十八年間。一船名尼摩洛脫會。發見一島。即以尼摩洛脫名之。後卒無至者。陸治斯此次航行。欲往是島窮究竟。一路沿海岸行。濃霧蔭蔽。不得見。次年一月十二日。因遇颶風。下錨。二大冰塊間。俄捲浪滔天。橫斷鐵繩。去大驚。船迎風走。不得止時。又爲霧迷雲時。大聲訇然。船身擱。冰塊上懼甚。急打破舵機。始獲免。修繕既竣。約三月初旬。時寒暑表已低至冰點以下十三度。船首約距直徑四里許。大霧迷漫。中朦朧。見兩大冰塊。亦並行向南。進未幾。仍達前次航海極點。地卒不得行。乃返。陸治斯念兩次



小說

南游。無所獲。頗不樂。沿海岸。見海豹成群。衆銃殺之。携以歸。當記念物。聞歸時。遇一最危險事。一日。舵忽誤指。有大冰塊三。聳立前面。避幾不及。疾馳過。遂免於難。外史氏曰。陸氏在英國時。已任海軍士官職。功成名遂。苟其左顧。孺人右弄。稚子悠。悠。以送此天年。豈不樂甚。何爲乎冒萬險。不顧一之不已。至於再。其性質固度越尋。凡也。語曰。千金之子。坐不垂堂。又曰。老死不相往來。我國之學說。如是。揚波吹焰。訖于今。茲其效。可睹矣。



文苑



東京除夕

觀雲

淒斷無家者。今宵又一年。江湖隨地濶。鄉物動人憐。夜雨關山夢。東風海國先。春光何限事。已及艷陽天。

東京元旦

觀雲

雄雞一喔。博桑白。睇髮朝窗。日射紅。到眼河山開。氣象橫。胸杯酒數英。英雄幾回雁。野題新字。何處龍旗望。好風強學瀛洲賀年語。衣塵驚落海雲東。

庚子陰歷除夕述懷時在日本

富士始一

冬十一月歲辛丑。二十世紀初哉首。三神山客禹域某。窮不死年四十九。身寄海曲小於鱖。目注全球炯星斗。獻策不甘牛馬走。買官不願綰印綬。欲證鑿空漫游歐。此

文苑

生初入文明藪。埃及碑字捫蝌蚪。七千年統稽章部。希臘羅馬總其後。最近百年民大。羅馬三番都訪古。予曾至埃及希臘英佛獨露競進取。此四國千德固非齊地非醜。奈波翁一逞躡

蹂。維納柏林盟存否。專制立憲難爲偶。白熊黑鷹孰雌守。共和政體古昔有。華盛重

興約克紐。羌胡風腥揚塵垢。蠻夷不討專擅久。羅刹入海山獅吼。成吉苗裔隨招賊。

智者自勝愚者負。彼昏尙欲憎多口。新理日闢玄黃剖。舊習豈容今日狃。天子聖哲

民父母。欲培種穆除稗莠。羣宵乃敢肆蠅狗。雲雨蔽光翻覆手。八王亂晉周文美。張

角黃巾共抖擻。大陸將沈天黑黝。強敵壓境拉枯朽。豈免公侯方赴赴。婆羅帕首已

窺漚。七月二十日八國聯軍逼北京午后三時英軍之印度兵從御河橋之南水門入城京朝官有見者不

識爲印兵羣欣爲福祥之回回兵擊滅各國兵振旅還京也蓋印兵帕首有類相傳古畫之回回人且

上月十九日武衛軍總統會奏大捷言擊滅洋兵鍾簾不守冕失薤聞鈴腸斷伊誰咎。行葦晨

夕頌忠厚。衡嶽無靈埋岫嶠。是非功罪太紛糾。袒左未幾更袒右。舉國悽悽惟利誘。

波蘭豈竟殊窠臼。衆醉獨醒相卯酉。恤周枉自煩嫠婦。且結愛國同文友。不在驪黃

與牝牡。舉杯痛飲屠蘇酒。日本風歲首飲屠蘇酒更酌金龜惠比壽。東友至全家游江島飲於金龜樓惠比壽日本麥酒之名

江島金龜樓餞歲和積跬步主人元韵

受茲室主人

江樓餞臘迎辛丑。舊歷明朝履歲首。沿沿與易思誰某。歎息生靈厄陽九。參軍蠻府

困池鰈。且賦百篇飲一斗。倦看都督滿街走。甲炫金章乙紫綬。浮海歷游非與歐。游歐羅巴兼

游阿非利加歸程箸作探淵藪。昔年嗜古慕蝌蚪。昔年好治經小學及都韻舊學商量獨障

部。綜覈財賦思嵒後。曾著光緒通商綜覈表十六圖說山川嚴戶牖。曾著中俄界約附注七卷又帕米爾圖并說一卷吉林仙藥

任携取。天女不知羅刹醜。腹地且被白熊蹂。遑向邊陲是耶否。桃梗漂流逢土偶。彼

既淪胥此不守。盼切文明新九有。舉杯試酬含樞紐。速掃陰霾滌塵垢。海國維新春

未久。祭詩龕近蒲牢吼。送窮文奇鬼聽嚇。豪氣遏雲抒抱負。海錯山蔬咸適口。大蝦

巨貝勞擘剖。啖腥不甘舊習狃。團圓兒女隨父母。教育如苗當去莠。貂尾莫令嗤續

狗。早求妙藥不龜手。賢愚要在誕受美。從此精神昂抖擻。聞說山陰有穴黜。現往探

奇欄楮朽。洪濤瀆薄勢雄起。石際迴漩作溝濫。上有王者冕垂黻。保民百世無譽咎。

孤島陡起土脈厚。誰信海中一培塿。喬松龍燈枝結糾。將入山穴下峻坂有松數本高百餘尺而託根之土不及一尺誠奇觀又

有碑題龍燈松三字坂下有石臺昔年燃燈示舟之處此龍燈之所由名耶富士山高峙其右。溫泉伏流相導誘。伊豆箱根小於

白。數山皆島攬眺渾忘日沒西。扶持尤喜得新婦。異邦樂聚親兼友。載詠馳征歌四

文苑

四

牡。椒盤索進屠蘇酒。洗殘更酌爲君壽。

春日偕積跬步主人及夏地山夫婦又夏女循蘭再游江島再步原韵

受絃室主人

昔游恰憶月建丑。舉室團欒忻聚首。復況親朋偕某某。殘臘已過九分九。壯懷豈作魯生顛。且學乘槎犯牛斗。竭來春和到飛走。草木榮華鳥吐綬。游人雜沓兼華歐。我亦重來探靈藪。古碑剔蘚尋蝌蚪。列屋幃明覆豐蔀。櫻狩及時猶未後。波光花影搖窗牖。目遣心得供吾取。諸美畢臻絕妍醜。不忍落英輕踐蹂。惜花幽意花知否。相邀勝侶神仙偶。奮俗拘牽寧墨守。我邦女學嗟無有。闢故開新鮮樞紐。春風溶溶盪氛垢。積習銷磨冀悠久。晨鐘猛聽長鯨吼。喚醒羣迷應指喉。異域遨遊斯不負。他年莫吝諄諄口。璞中良玉需擊剖。衆明獨味何甘狃。欲培佳種先諸母。長養新苗去蓬莠。白衣雲影幻蒼狗。觸目風光春着手。東娃西女相導羨。濟勝凌崖自抖擻。梵宮遙望塗丹。黜傑構層巔垂不朽。村氓膜拜武夫起。爭數金錢投於溲。瘞像巍峩冕綴難。神道設教誰歸咎。夏禹昔誇功德厚。泐石當年峙岫嶠。孰真就假紛結糾。總謂無能出


文

苑


文苑

五

其右。史傳釋典互欺誘。愚民幻術同窠臼。從今不信書二酉。追隨且學劉綱婦。同胞喜遇閨中友。翟絃朱幘驕四牡。金龜樓頭共樽酒。笑酌櫻花爲花壽。







## 日本聞見錄



## 東京雜事詩

太公

東京雜事詩。何爲而作也。悠悠憂思。眷懷故國。冀民風之一變。社會之一改良也。非好摘詞抒藻。故作呻吟也。記昔黃公度有日本本事詩一卷。亦朗然可誦。然與今日日本社會之真相。迥不侔矣。擬成百絕。持此以與我內地之熱心社會改良家。代茶話會焉。

阿誰爲國竭孤忠。銅像魁梧上野通。幾許行人齊脫帽。櫻花叢裏識英雄。

東京有最著名之二大公園。中國稱爲公家花園。一在淺草。一在上野。上野植櫻樹幾千株。

每年花盛開時。賦詩酌酒。游人麇集。有舉國若狂景象。櫻花叢裏。一巍然屹立。雲表氣象萬千之銅像。在焉。即日本維新時之大英雄西鄉隆盛是也。回顧吾祖國海雲萬里。登稱閱如低徊。其下啜其泣矣。



紫裙六幅。簇成圍。讀罷相呼。拉伴歸。爭說昨宵歸。去晚兩街燈火雨。霏霏。

日本學校。星羅棋布。即舉東京一隅論。不下數百。蓋必如此。始能使全國人民。均受教育。且每一校之學生。有多至數千人者。吾國近來。創辦學校。稍有一綫光明。然今日急欲貢獻。三大主義。於教育界。上有責任諸君。而精神不與焉。一須確知學堂愈夥。則人才愈出。非僅省有大學堂。府有中學校。縣有小學堂。遂可枵然自信。爲已足也。蓋大中小之外。種種專門科學。及一聾一盲。均有學校。不易殫論。一須知今日急須普及教育。學校中當速議廣額。法若一官設學校。有數萬金之款。設額僅五六十名。或百名。夫安能言教育。且邇來風氣漸開。缺額招考時。來者如赴壑。寧忍皆使其廢然而返乎。法宜於學校隣近招人。開設宿舍。即客寓也。日本學生大半住下宿舍。爲主。一即女學是也。日本女學。幾與男等。朝暮兩時。試游行街市。摩肩接踵。以十人計。算男學生居什之四。女學生居什之三。其餘商人及下流社會。又居什之三。嗚呼盛矣。女學生皆著紫色裙。懷挾書包。或三五結隊而行。一望便知。豈如吾國之塗脂抹粉。凝妝闌閣。終日蠢蠢如動物園。

中之供人玩弄者。所可比耶。嗚呼二萬萬同是國。顧方趾之人。任其長此火坑。葬身泥犁。昊天不弔。降此下民。哀哉。

飄忽長崎。急電催準期。金曜故人來。新橋買票橫濱。去相見還應慟。一回。

游學日盛。每一星期。郵船抵埠。必有至者。留學同人中有兄弟親友到來。往往先由長崎電知。金曜日。即禮拜五也。是日爲船抵橫濱期。距東京約有六十里。同人往迓。必至新橋坐瀛車焉。相見時。話異國文明動故鄉。觀感每至泣下數行。

館開博物鬱璘斌。萬象森羅此問津。一說中原風俗事。玉關哀怨不成春。

東京博物館。規模甚闊麗。初入其中者。璨璫離奇。心目眩惑。內有歷史部。中貯各國風俗等物。支那風俗。與琉球風俗。朝鮮風俗。印度非洲及臺灣土番風俗。同義廁一室。諦視數四。有支那婦人木製小脚一雙。供萬人觀覽。詫爲奇事。又有鴉片具。賭具等種種。下流社會所用之物。觸目傷心。淚涔々下。惜不能令我四萬萬同胞共見之也。

日本聞見錄

四

鐵軸琳瑯。遍要衝。新聞雜誌。破鴻濛。劇憐母國。惇龐。憤野廟。孤山讀大中。

東京一隅。書肆約有千餘家。購書者。每於薄暮時。始手披口沫。充溢闌閣。至於新聞雜誌。雜誌即月報。旬報之類。日出約有一二百種。嗚呼。如是而欲其民智之不開。國勢之不强。也得乎。

學幕宏開。仗衆才。文明兩字。總疑猜。烏雲灑遍。椰羅水。官羽樓頭。泛綠醅。

官羽酒樓。爲吾國學人所開設。生意稱繁盛焉。



# 新浙江與舊浙江



## 浙聲 (續第一期)

文 詭

咄。嗟。我。非。生。歌。舞。升。平。之。世。商。也。工。也。据。一。二。耳。食。之。談。刺。刺。不。休。望。一。漏。萬。詎。足。豪。浙。江。于。今。日。我。思。之。我。思。之。我。迺。改。絃。更。鼓。爲。變。徵。之。聲。

咄。嗟。朱。明。不。祿。駢。騎。南。馳。自。薦。紳。先。生。以。還。婦。殉。其。夫。僕。追。其。主。一。瞑。萬。古。視。死。如。飴。錢。唐。大。江。積。尸。浮。沈。多。如。雁。鷺。而。草。薶。禽。獮。于。富。陽。餘。杭。之。間。白。骨。如。陵。流。離。稍。稍。復。集。而。望。祭。宵。哭。之。聲。至。數。十。年。而。不。斷。於。乎。此。亦。社。會。之。一。大。變。境。也。我。思。之。我。思。之。我。何。懼。文。字。之。誅。哉。

於。乎。荒。天。絕。叫。鬼。哭。燐。飛。無。涕。可。揮。大。風。滅。燭。我。方。伸。手。疾。書。悲。鳴。擊。節。而。一。二。循。謹。之。士。談。虎。色。變。起。而。責。難。曰。鄉。曲。士。流。知。識。區。萌。取。東。西。政。學。擇。之。必。慎。而。出。以。

平和之口浸淫灌輸。不既此『浙江潮』之天性也。不此之務而摭集舊聞陳相因道百年之故事。母亦爲浙江潮之累矣。抑當此羣疑衆侮之日。謠啄紛乘。素絲易色。一言之末。指摘橫加。而子迺以盛氣出之。雖其心無他。然獨不爲浙江潮計乎。秘之秘之母以多言獲罪。

我迺仰天乾笑。冠纓索絕。應之曰。唯唯否否。不然吾聞之西漢諸儒。生類能通其國聞治其典。故考見當代得失之林。是非今昔所謂淹雅通人。與吾又聞泰西歷史大家之言曰。『于歷史上所見意志行爲。宜下是非善惡之判定。然勿使徒走于感情失事實之真相。』又曰。『選擇教材。首宜使知國體之大要。取材必限于本國史。外國史事非與本國最有關係者。匪所亟。』於乎吾亦取材于本國史。不失其真相而已。抑吾又謂東西學士。把臂如林。數其精理名言。昭昭在天。入人腦系。然窮鄉僻壤之士。讀書無多。或不能遽爲高論。又若青年秀穎。盲然于母國興廢之原變。更之要。猥拾唾餘。以平等自由。逢人樂道。於乎反足以沮其愛國心。而長其浮囂之習矣。我非敢爲過激之談。也不過于陳編斷簡之餘。掇拾一二。引而伸之。爲內地人士告。爲海

外青年告。使知今日何日。非吾人快意雄談之世界。至若專門學術政法宏綱。則有諸鄉達先生在我不敢聞。

數國初受成之冊。浙東則紹台嚴爲先。下而貢嶠死鬪之徒。以寧之鄞城爲尤。烈浙西則杭嘉湖以次。下而方國安馬士英之徒。據杭之西北面。排百死以無懼。矢窮兵潰。妻子鯨鯢天下。仁人多哀之。當史可法死難之日。江淮倒流。順風呼嘯。揚州十日橫流。渡江長趨江南。逐福王而走之。豫王多鋒大功告成。迺引天下之精兵疾驅杭州。招撫全浙。時潞王猶在儼然監國。猥以人心未去。出其螳臂當隆車之隧。分兵兩道。岍然而抗。旌旆廼以潮沙無靈。鷗夷屏息。沙灘露宿。合郡魂驚。遂迺君臣涕泣。納欵開門於乎此。固熊履謙張煌言諸亡國大夫之所深痛矣。然淮王猶在紹也。率數千不戰之兵。烽火飛傳。神魂墮裂。遂迺白衣自縛。扁舟渡江。望門再拜。泣于城下。此亦亡國諸侯之尤可憐者矣。然周王猶在湖州也。迺以高屋建瓴之勢。命一介以羅之繫其妻女如鞭犬羊。囚而置之杭州而浙西迺定矣。

然且未已也。王之仁猶未降。方國安誓死不屈。相率聚兵于富陽。以灰燼裹創之餘。

新浙江與舊浙江

掩土重來。覬覦故物。溯江而上。逕偃杭城。而王定國以姚樞寶默之雄摩旗。一勦殺人。乃至四千餘方國。安以殘喘餘生。折入餘杭一道。然且窮追不舍。斬其親子。未幾王之仁率所部迎降。而方氏之勢益孤矣。

時魯王又據紹矣。方氏以大創之后。率老弱往依之。而馬士英在太湖。聲勢相聯絡。藉保全什一于千百之餘。而浙人姚志卓又復號召亡命。結方國安攻陷昌化。卒以力孤援絕。一旦瓦解。馬士英又遭大慘。而博洛之大兵蜂至。方國安以屢敗之餘人。寒其魄。艤舟江上一炬成灰。方氏知勢不可回。乃挾魯王走台郡。終奪其魂。膏于斧鑕。而浙東又大定矣。

於乎此亦浙江之至悲而不能移之他人者矣。撫卷嗚咽。泣不成聲。吾無以名之。名之曰亡國社會。

十世下讀史之徒。據一隅成敗。抵掌而談。每太息流涕于想象萬一之餘。以爲當年人士望風奔潰。舳艫蔽岸。動若拉枯。其間必有遺謀不臧。事機失算者。不然則氣數耳。天命耳。雖然非至言也。夫自史閣部揚州流血。福王出走。天下大勢固已定于一。

尊之下矣。然以旁海之郡。竭數輩書生之力。倉皇歃血。號召義兵。而多王博洛率其掃盪江南之衆。乘風擊鼓。慄忽如神。於乎此亦漢高帝引天下兵臨魯城之一日。雖百志士無能爲力于其間者矣。然且以孤憤摩天之概。不願與洪承疇張存仁諸名流共圖富貴。鋤穢白梃。率市人而死之。乃至身爲俘囚。臨刑引決。猶堅持『薤髮事大』之言。蹈白刃無難色。甚且研頭墮地。猶大呼『死爲明鬼』。一時驕將悍卒爲之色變。於乎此其人皆挾必死之心。而欲扶持君臣大義于萬一者也。然亦天地之至愚而爲今日讀書名士所鄙夷。不道而不屑以民族主義責之者矣。

江浙人士自近古以來。久以文弱暴著于天下。而當明之季。以堅銳鳴者多出南國。衣冠自江河以北。莫不望風喁喁。身先歸附。雖以山東孔裔率其子孫告廟大毀。章甫逢掖之餘。而文譚一疏。幾遭沒身之誅。即以一代春秋論之。北方之民氣遠不若南人之盛矣。雖然我又思之。

秦齊燕趙之間。經李自成縱橫蹂躪者十三年。一時氣節之士奮鄉里與之相撲。輾轉死溝壑者不知幾人。而此十餘年之中。厲士卒出塞。從事于大淩河小淩河錦州。



山海關以還。不爲二臣。而以馬革葬尸于疆場之間者。必其爲當時之死士可知矣。乃一挫再挫。凋傷零落。至烈宗殉國而士大夫之宛轉就死。从其君于地下者。蓋又冠蓋如雲。而士氣益摧殘殆盡矣。至南疆片土。大抵雞犬不驚。寧家如故。畜艾三年。挺而一決。遂使勝國遺聞。獨爲南人伸氣於乎。非南人之多悍也。時勢使然耳。況以睿王攝政。握天下而鞭筆之。攻下江浙。雖以與襯縛妻子。迎降于馬前者。亦駢僇而芻夷之。無少吝。江浙閩廣之間。孤臣孽子。人懷必死之心。非竄而走海。从鄭成功游。則挺而反門耳。不然。則挈妻孥。召宗族。閉門積薪。同爲焦土耳。不然。則以輕舸自載。游于大江流之中心。號天一躍。葬身魚腹耳。不然。則割雞烹牛。仰酒自飲。沈酣起舞。大呼宗社。手刃家人。還刀自決耳。不然。則片紙書名。藏于衣裏。倒首溪橋。夷然不顧。悶而復蘇。絕粒而死耳。於乎。此皆我浙之先世仁人也。推其必然之故。走死地如鶩。曾不一返顧者。非浙人之獨忍也。亦時勢使然耳。

況當魯王未敗之日。嘉定廢紳有侯峒曾其人者。一使潛通。結洪承疇。土國寶爲捲土重來之想。浙人不自量。遽謂三戶可以亡秦。而事機洩露。終于潰決。天怒難回。大

施雷斷此。又其屠創之一大原因也。浙人何悲焉。浙人何悲焉。

雖然。自朱瑪喇爲杭州駐防。順治二年張存仁爲浙江總督。始改爲浙閩總督。以來。迄二百數

十祀。天高地厚。被自周方。率土之濱。莫非赤子。我亦忘之久矣。我獨謂事遠年荒。無書可讀。揭近百年之史。乘公牘盈千後。先塗附間。有一二草野流傳之說。則又魯魚亥豕不盡可徵。曰僞曰逆。縱橫綱貫。雖精于去取之流。讀之不能無悶。我自被髮東走。雖獲一二之傳之書。則又擇焉不精。語焉不詳。遂使一代遺聞風流雲散於乎。此亦我國修方志者之大罪矣。然亦以文字推移。織而愈密。二百年來。安見無名山萬重。抱經獨往之徒。遞滅其中。不聞人事。而罔羅萬狀。參以所聞。精心獨斷。結爲鴻篇。發當年之故實者。然吾知其書未出。而其人已先夷矣。昔在田氏以鬱邑之心。無所寄托。論明季諸王之流落而歎息。痛恨于修史之無人於乎。此亦學者之常談耳。然卒以清風冷灰之語。爲人訐發。誹謗得罪。身首橫分於乎。我何敢遽謂著作之無人矣。

雖然。此浙江之舊事耳。大勢所盪。今昔殊觀。強隣逐逐。以浙閩兩區等干臺灣之續

而彼都之新聞。彼人之撰述。於浙聞之間。不惜考其地理。窮其風俗。長篇短信。耳不絕聞。於乎其心亦大可見矣。詩有之曰。子有庭內。弗洒弗掃。宛其死矣。他人是保。我爲之歎。噓後顧而感不絕于予心矣。

完結

猛回頭

故鄉萬里

斜陽影裏訪

明夷別有

傷心淚

## 調查會稿

### 記杭州放足會

江東

丁戌之間。上海志士。首創不纏足會。各省應之。廣東。湖南兩省。尤電掣霆發。號稱最盛。吾浙闐如也。八月政變。各省不纏足會。相繼瓦解。庚子以後。風氣久鬱之餘。復漸開拓。然卒未有能光復舊物者。蓋視戊戌以前。精神亦稍稍衰矣。杭州高白叔中翰之夫人。母家金氏。故杭垣紳族。夫人有弟某某二人。以頑固鳴於鄉里。百計欲中傷新黨。而及見外人。則又貢諛獻媚。靡所不至。夫人與弟異母。稟性特別。弗之善也。夫人幼通漢文。喜涉獵書史。尤熟資治通鑑。故於中國四千年來治亂興亡之迹。靡不瞭若觀火。世變日亟。每念國事。輒唏噓欲絕。歲辛丑。遂遣其郎君爾翰爾登。游學日本。入成城學校。習陸軍。杭垣巨室大族。命婦之多若鯽。明白通達。未有若夫人者。今歲正月。與同城女史孫淑儀氏。顧嘯梅氏。胡晚畦氏。組織成放足會。先期刊發演稿。俾家喻戶曉。十九日。乃於西湖之濱。張勤果公祠。大開放足會。士紳眷屬。來會者八

十餘人。演說及三時之久。演說畢。合攝小影。爲後日留記念。此杭州開會第一次盛舉。而不圖出自巾幗。七尺鬚眉。滋婉嫵矣。乃者。頗聞夫人更擬慷慨輸捐。提倡設立女學校。大興女學。風氣之開。正未有艾。海外同人。其頂禮祝之。拭目俟之。哉。兩次演說稿。刊列如左。名閨淑媛。其覽觀焉。

### 奉勸婦女放足說

中國女子纏足的陋習。相沿千數百年。斷趾折骨。血脈不行。身體受傷。行動不便。初纏時。就使不害脚癢。那幼女日夜號叫的聲音。已甚可慘。既纏後。雖幸不遭兵燹。那婦人步履艱難的形狀。亦甚可危。歷盡種種苦處。受盡種種害處。究竟要圖好看呢。婦女的美麗。原不在乎纏足爲守家教呢。婦德的貞靜。更不在乎纏足。徒然損肢體。弱子嗣。走無走相。立無立相。羞羞縮縮。爲婦女種種不開化的原因。何苦害盡千萬柔弱女子。無故受罪呢。近年上海明達的志士。創設不纏足會。西國女士亦設天足會。發明強種衛生的道理。以及纏足的許多壞處。到處勸人。無如相信的少。杭州風氣。總不大改。據鄙意。推原其故。無非爲現在各家女眷。無不纏足爲母的。看慣了自己。定要替女兒纏足。想到女兒日後許人家。恐怕大脚的。被姑婿增嫌。妯娌嘲笑。更要替女兒纏足。又有一種明白的人。原想不纏。無奈往來的親戚內眷。總要說不纏足難看。也不得不替女兒纏足。所以偏看。我看。不能決定不纏足的主意。這樣因循下去。衰弱的中國。那裏有轉機呢。現在我們想了一個法子。要去盡纏足的陋習。必須斬草除根。立刻下手。如果爲母的。爲姑的。爲嫂的。爲姊的。一概已經放足。邊幼年的。女

子自然安心樂意。不去纏足了。所以本會的名目。不叫做不纏足會。叫做放足會。無非要年長的。已嫁的。立願放足。做個榜樣。好叫那年幼未纏的。安心連自己。也樂得受放足的舒服。只要在會的。立志不移。自然大家看樣。可永遠斷絕纏足的病根。至於強種衛生的大道理。暫且擱起不講。總之立改舊習。免誤後來。是本會的主義。並非好立新名。實在見得要女子不纏足。非如此辦法不可。不然。我們已經纏足的人。並且有將近老年的。又何必多此一舉呢。我們也知道各人議論不同。有人說脚小的難放。我們會中。也有脚很小的。現在已經放好。可見世上無難事。只怕有心人。有人說年老的何必放。那曉得纏足的積習。難除全壞。在年老的。不肯改。樣子弄得年輕的要放。不敢放我勸年老的先放。纔是呢。有人說年輕的不便放。那不便放的原故。上文已經申說過了。趁現在大家一齊放。何等爽快。就算有人不喜歡。我想這放足是婦女本身的事。體比不得別樣舉動。做不起主。我勸年輕的同放。纔是呢。又有人說富貴婦女。並無粗重生活。何妨纏足。這說錯了。富貴的人家。所生的女兒。都是聰明讀書的種子。如今大家婦女。多因爲自幼纏足。害得身子十分瘦弱。豈不是又明的種子變壞。麼。又有人說婦女不纏足。難以防範。這說更錯了。明理的婦女。雖不纏足。自然能守規矩。如果惡借此防範。試問以前人人纏足。保無非禮的事麼。更有人說我素來不喜入會。只要自家女兒不纏足。何必勸人。這說格外錯了。我們立這個會。也是不勉強人的。但從來熱心的人。自己曉得這件事的好處。斷無不勸人之理。況且立這個放足會。並不是什麼哥老會。三合會。要令人嚇得一跳。不過聚集幾位姊妹們。約定大家放足。這也並不是犯法之事。懶看那三天竺。小和山進香的。不是也有個香懺老會麼。他們燒香好立會。我們放足

不好立會。這是什麼道理呢？明白這個道理，入有何妨礙呢？更有一班聰明的人說道：『你們勸人放足，果然不錯。但請問中國婦女，盡行放足，就成了新世界麼？這句話被他問住了。要知婦女纏足係一種不開化的原因。如今先把足放了，這便是開化的起點。隨後自然要興女學。將各家女子教育起來。若是連足都不肯放，那能講得到女學上呢？近來廣東省城，女學大興，放足的十有八九，都說放的是文明。纏的是野蠻。其餘蘇州、福州各處，都有不纏足會。我們杭州人，不可再迂執了。這篇白話，請列位細想想。將來我們還要邀大家到張公祠聚會呢。』

### 張公祠第一次放足會演說


今日是我們商議戒纏足的日子。承諸位光顧，感激得很。我們中國的女子，受那纏足的苦楚，已經九百餘年了。可憐這許多女子，四五歲的時候，做娘的便要把他纏起足來。那疼痛難熬，啼哭的情狀，請問諸位，不是都是過來人嗎？講到那做娘的意思，却也沒有什麼道理，不過習俗已久，眼見得纏足的多，不纏足的少，做娘的總要望女兒們體面，穀得上人，道句好，個個說聲，所以到那時候，便不知不覺的，下出這番毒手來了。這且莫講他，我先把纏足的來歷，講與諸位聽聽。我想中國女子，必定要纏足的緣故，不過道一雙小腳，裝束得端正，便算定一個美女。咳，那晚得這就錯了。我想古時的美女，不知多少，從沒有講過纏足這一件事，莫說別的就是春秋時候，衛莊公所娶的莊姜，他們國裏的人，做了一首碩人詩，稱贊他的相貌，極極極，他生成的

美麗，何嘗講起纏足的事。這首詩在詩經裏的，念書人都知道。不是我造出來的，直到了南唐李後主，他有一個妃子，叫什麼窈窕，這窈窕的相貌，便同現在的妓女一般，也會唱，也會舞。那昏天黑地的李後主，便叫用帛纏起足來。什麼金蓮貼地，說得來好看無比。這個事情，在那個時候，不過是昏君偶然取樂，並不叫人看樣，那曉得宮裏一通行，百姓便看榜樣了。還有幾層的意思，我要對諸位講講。我們常常想，天生人有男有女，那相對的情形，自然不分厚薄，莫說別的，就是現在文明各國，那一國不是男女平等？那一國的女子沒有責任？只有我們中國人說什麼『男女相去五百級』，說什麼『女子無才便是德』，種種的議論，把個女子說得來一錢不值。這些事情，都緣那些男子們，看得自己太貴重，恐怕女子侵犯他們，所以講出這兩句不通道理的話來，便把女子一筆勾消。諸位試想想，我們做女子的，羞也不羞？若是我們做女子的，因這兩句話，便情願無才，情願相去五百級，這便是我們女子，不想自立的憑據。還有什麼話講？還有什麼法子想？若說是不情願的，我還有一席話，要與諸位講講。現在日本國，有一位女教習，姓下田，名叫歌子。大家都講他是女教育家，他嘗對我們中國人說：『從前日本初講維新的時候，女學還不講究，後來他在國裏，極力提倡，二十年來，不但這些女子，人人都會看報，人人都能寫信，并且文繡、彫刻、美術、工藝，沒有一樣不曉，沒有一樣不精，幾乎同男子一樣，不像我們中國的女子，有奄奄一息的样子。』下田歌子又說道：『不論世界上那一國國裏的女子，便是國裏的百姓國家，是什麼東西，國家是甚麼樣，既是國裏的，姓豈有不愛國家的道理？倘是做女子的，都不知道，那男子便算都是愛國的人。』一個國裏愛國的，也不過一半，拿這個國度來比人身，可不是半身不能運動麼？那



裏有半身不能運動的。還可算一個人嗎？可曉得做百姓的道理原是不分男女我國的權利不論那一國人來動我一分。碍我一毫。國家受辱便與身子受辱一樣。知道辱身辱國的道理。有的代父從軍。有的替夫報仇。有的爲國出力。一國的女子都是這樣熱心。男子也是這樣熱心。那時要想國家不興旺。恐怕也不能。穀還怕什麼。欺侮呢。聽了。下田歌子。這一番說話。可見我輩女子的責任。並不在男子之下。今天放足的事。不過是小的一點兒。起根將來還有別事。要與諸位商量。今日先把兩件緊要的告訴諸君。能一放足的事。不過是養身體強種族的一端。並非不纏足便能強國。若說不纏足便能強國。那江北地方。和各省的鄉村婦女。大脚的不知幾多。爲什麼也和我們一樣。受外人欺侮。這可不是沒有學問的緣故。麼。那如此。那大足的婦女。比那纏足的身體到底強些。舉動到底便些。同是中國的婦女。比起來便兩樣。不過是他們沒有學問。所以仍舊同我們一樣的受辱。若說有人教育他。豈不是更強呢。這樣看來。振興女學的事情。是萬不能再緩了。現在我們杭州學堂大興。男子都入學堂讀書。固然是分內的事。難道我們女子可以不學嗎。還是我們女子。殼不上讀書嗎。不過與學的這一件。事須俟大衆商量。一個完全辦好纔好。今且暫緩等改日再說。總之。女子既曉得是一個國民。便便有做事的責任。現在女子的積習。下等人家是不必講。便是上等的。最時道的。又麻雀吃鴉片。塗脂抹粉。一套一套的衣服。一時一時的鑽滾。空費銀錢。何嘗有益。從今以後。我們便應該達人勸勉。到處戒。事腳踏實地。人人盡心竭力。做些事業出來。纔算把二萬萬的同胞姊妹。吐氣。若說仍舊照從前那個樣子。便是放了足。只怕仍舊是個野蠻女子罷了。

# 紹興府山陰會稽兩縣耶穌教會表



由會兩縣耶穌教會表

傳道者

外國人

密道生  
住祥符街英國內地會  
牧師頗有地方上權力泰鏡  
住網緞街美國浸  
禮會牧師無權力包立基  
住網緞街美國浸禮  
會牧師不佈權力巴赫德  
住觀音橋英國監督會牧師去  
歲某蒙學堂會聘巴為教習田力牧  
英人以傳道自任自備資斧不  
入公會去年立英文學堂一所萬立希  
住大王廟前英國牧師向在紹城施  
醫回國數年前歲乃來故少權力張聽泉  
字小鳳耶蘇教內地會牧師入教已三  
十餘年于社會上頗有排難解紛之力鍾錫恩  
監督會牧師入教  
已二十年尙守分

中國人

祥符街  
約五十餘人觀音橋  
約二十餘人承天橋  
約十餘人網緞街  
約四十餘人

女子數各相等

教民



附錄

## 新名詞釋義

酬 癸

自東方譯事興而新名詞之出現于學界者日益多。好學之士初讀新書必有半日不得其解者而譯書著書之人習之既熟脫口而出必強之以另易名詞無論其不便也亦勢有所不能然則舉其非吾之所素習者而一一解之斯誠今日吾輩之義務無可容辭者矣抑尤有進者名詞之解釋不明其害之流入于社會者影響甚大權利无定解則必有以權力權勢謂當崇拜者矣自由無定解則必有以殺人淫酒為不當受人約束者矣失之毫釐謬以千里其為害之大又何可言也茲特輯其要者條著而明晰之好學之士庶幾覽焉。

社會與國家義 Society and State

社會國家（國家二字我國素有然以其為新名詞者蓋今之所謂國家與嚮之所謂國家者其義較異也）二新名詞者尤今日斯中之健將而出現之時

尤多。雖然社會者。國家者。果何所指。果包含何種之意味。試反質之用。此名詞之人。恐亦多有茫然。不自解者。適見日人井上留北有社會與國家一篇。釋其義。周且詳。因亟達其旨。以饗讀者。

吾人讀英文時。見有 Society 一字者。日人譯之曰社會。我國人譯之曰人群。人群二字。其義較明晰。然數年來。沿用社會二字較多。且較熟。雖然。社會二字出後漢書。有賀長雄會言之。蓋社會二字。亦來自漢文者也。

### 社會 Society

社會者何。二人以上之集合體。而為協同生活者之謂也。更詳言之。則其要素有三。甲。社會者。多數人之聯合體（集合團結）之謂也。故苟不聯合。則雖有多人。不足以稱社會。

乙。必有二人以上之聯合體。始能成社會。若一人。則決不能成社會。

丙。社會所最重要之要素。則協同生活是也。人苟互孤立。而各自營其生活。不相依助。Interdependence 則社會必不能成。何則。夫使人而果其孤立也。則

其營生活也。必艱。以言衣。則必自紡其麻。自紡其線。自織自裁。而始得也。以言食。則必自播其穀。自艾其禾。自耕自鋤。自樁自烹。而始得也。以言住。必自伐其木。自營其室。自聖自斲。而始得也。其為此必不能以手足。而以器具也。則得器具之難。又生。夫苟欲得金屬之器具。Metalic instrument 則又非自搜其艸。自鑿其鑛。自冶自鑄。而不可。噫。果若是。其辛苦艱難。為如何。其不便。不利。又如何。其野陋愚蠢。又如何。噫。若果是。則人類將不自存于世界。而何有乎社會。故協同生活者。為社會成立之主因。而最重要者也。苟不然者。則太古原人之景象。必將永留于世界。而進化之路。絕矣。苟不然者。則各人必不能分其業。以發揮其特有之天性。互相依助。而人間之社會滅矣。

### 國家 State

國家者何。具機關機能。有自治權力之社會之謂也。精密言之。則國家者。有一定之土地。及支配人民之權力。而為權利義務之主體。備有人格者。也。

人格者何。人格 Personality 者。有人之所以為人之資格是也。有倫理上之人格。有

法律上之人格。倫理上之人格者。人生此世。須發達其天稟之德性。嚴行其應盡之義務。小而一身一家。大而一國一種。皆須維持之。發達之。竭其本分。Duty 以盡人之所以爲人者是也。法律上之人格者。人生此世。必有種種行爲。若權利。Right 若義務 Obligation 凡此等行爲。不能背于國家所定之法律者也。凡在法律範圍之內者。則方有自由行動之權利。而對於國家。則仍負有義務者也。蓋義務者權利之因也。權利者義務之果也。二者其關係極密切。不能離一而得一者也。

權利義務之主體者。即不借他力。而能自行其權利。自全其義務之謂也。權利義務之主體。即於法律上得完全之人格。若不能全其法律上之權利義務者。即於法律上不能有完全之人格也。

以國家有人格者。蓋擬國家以人也。國家爲權利義務之主體。故有人格。國家對臣民有權利。有義務。對外國有權利。有義務。此國家之所以爲權利義務之主體。而有人格也。國家所行之權力。自國家成立時。即有。非若個人之權利。必依法。律而始得。上所述者爲國家之定義。試更述國家成立之要素。

第一國家者。自多數人類所組織者也。多數人類者。其數無制限。以盧騷所言。少則亦須萬人以上。此蓋依普通之事實。而舉其大概之數也。要之。非有能維持其獨立國家之人數。不可。

第二國家者。須有一定之土地者也。若游牧人種。逐水草漂泊無定所者。則不能成國家。以其無定土也。然所謂土地者。其幅員。其面積。無一定制限。要之。其土地所出之產物。非有能維持獨立國家之經濟。不可。

第三國家者。國民全體之集合體也。雖有一定之土地。若所集者。爲鳥合之衆。爲偶然結合之衆。則不得稱爲國家也。

第四國家者。有治者被治者之區別者也。其治者或爲君主。或爲大統領。其餘則爲被治者。

第五國家者。有機體也。國家爲有機體。詳茲省之。

第六國家者。有人格者也。國家定義中已言之。茲不復述。

凡備以上之要素者。始得稱爲國家。約而言之。國家者。社會之一部分也。社會之進



化而有政治的團體之謂也。社會之發達而具機關機能統治力量之謂也。然國家具如何之機關持如何之機能如何而自統治是又不能已于言者。

國家有機體說 Organic theory of the state 古之言國家多主分子說以爲人之集合而爲國家不異砂石之堆積而爲山也是不過爲人類所組織一無機物而已無成長發達之能力也。及德國歷史法學派之首祖沙披出始以國家爲能自成發展之有機物 Organic 一時學者知之于是國家有機體之說遂風靡一世。

德國國家學者伯倫知理以爲國家者有生氣而能自發達成長者也與器械異與物品異其說有三。

(一) 國家者有精神有形體與有機物同。國家者非徒指土地臣民官衙裁判所諸有形體之謂也。蓋總括此諸有形之物體而有一定之意思一定之精神者也。法律規則者即發表國家精神之一種也。

(二) 所稱爲有機體者若人類若禽獸若蟲魚莫不有耳目鼻口四肢五體各別其機關而各動其動。國家亦然。上自大臣下迄巡查莫不各爲國家之機關而各動其動。

### 以計國家生活之發達

(三) 國家者其精神其形體若有機物而時爲發達者也。文物制度之發達者精神上之發達也。領土之擴張臣民之增加則形體上之發達也。

伯倫知理所述以國家爲全然之有機體。蓋以國家包含以上種種性質也。雖然以國家有此等性質而似有機體則可。若以爲全然之有機體則在今日國家思想發達之時代所必不認也。何則。蓋國家之生存發達全賴人類之作用。非若有機之物能以自己固有之力生存而發達也。故謂其國家之或點似有機體之或點則可。非能全以此爲有機體也。要之國家者非分子集合體非有機體惟似有機體具有有機的性質是實。最適當最合理之說也。

國家之定義國家之成立既述如上。試更言國家之種類。國家之種類者以國家之組織及能力而區別者也。若別其類則有四種。

#### 一 單純國 Simple State

#### 二 複合國 Complex State

## 三、獨立國 Independent State

## 四、保護國 Protectorate State

單純國。複合國者。以組織別其類者也。獨立國。保護國者。以能力別其類者也。單純國者。戴單一之君主或單一之大統領。支配單純之國土人民而不受他國家之關係者之謂也。若舉其例。則英吉利。俄羅斯。法。蘭西。日本是。

複合國者。其國家之組織。複雜而不純一者之謂也。其種類有四。

(一) 君位合一國 Personal Union. 君位合一國者。二個以上之國家。互獨立而戴同一之君主者之謂也。除戴同一之君主外。不復有他關係。若舉其例。則如自千八百八十五年至千八百九十年。白耳義國王兼阿非利加庚哥獨立國之君主是。

(二) 雙立君主國 The dual Monarchies. 亦曰實體合一國 Real Union. 雙立君主國者。二個以上之國家。戴同一之君主。除外交事務。國君得代表其國。而為共同運動外。其國內政治。仍互為獨立者也。若瑞典。挪威。是其例也。

(三) 聯邦國 Confederation. 聯邦國者。數多之國家。互為約束。設立中央機關（中

央政府）而委以任共事務者也。各聯邦國。仍有全然之獨立權。其中央機關之權限如左。

甲、在各國聯邦之合意約束範圍內。則有活動之權力。

乙、除合意約束外。中央政府對各國無命令強制之權。

丙、即其權力範圍內之事。非經聯邦各國政府之手。不能執行。

其中央機關之權力。蓋甚弱也。若舉其例。如千八百十五年維也納會議決議後。至千八百六十六年之德國聯邦是。

(四) 聯合國 Federal State. 合衆國 Federal Union. (or Union State) 亦曰國家聯合 Federation.

聯合國者。何若美國。若今日之德國是也。欲明其義。則有三說。

甲、數多之國家。公共約束組織一中央政府。中央政府者。有總括內政外交之權力。

乙、聯合之各國家。除中央政府允許之權力外。別無他等權力。

丙、聯合國之中央政府與聯邦國之中央機關大異。有命令強制各國之權。獨立國者。對於內外。俱為權利義務之主體。而有其能力。即內治外交。俱不受他國之干涉者也。其例。如日本。德意志。英吉利。俄羅斯。法蘭西。美利堅。等是。

保護國者。無自處置內政外交之能力。而受他國之保護監督者也。以受保護監督之程度。而異其種類。

第一種。僅于外交上受他國之保護監督者。

第二種。外交內政盡受他國之保護干涉者。

第三種。內政外交。全然受他國之指揮監督。表面上為強國之殖民保護國。(Colonial Protectorate) 實則已為強國之屬國 (Dependency) 者

若中古塞諾亞共和國時受法蘭西之保護。時受西班牙之保護。時受意大利之保護。護者是為保護國之第一種。若埃及。若塞而利亞 Bulgaria。共受土耳其之保護。是為保護國之第二種。若欺尼斯。若馬達加斯加。名為法蘭西之保護國。實則已為其屬國。Dependency。是為保護國之第三種。近者外交上常濫用保護之名。往往有以保護國為屬國者。此等之點。最宜大注意者也。

(未完)

## 浙江同鄉會簡章

### 第一章 定名

是會為吾浙留學生及官紳之游歷或寄居日本者所組織。故曰浙江同鄉會

### 第二章 宗旨

以篤厚鄉誼為主

### 第三章 義務

(甲) 對待會內之義務

一 凡會友有疾病事。本會有救助之義務

一 凡會友有無故為人毀損名譽事。本會有有力爭之義務

一 凡會友於私德上有關礙公共名譽事。本會有勸戒之義務

一 凡會友有困難事。須得公同扶翊者。可由本人或同人報告幹事。經幹事酌度事宜。開臨時會。集議視力。所能為竭力贊助

一 鄉人初到海外者。除會館例應招待外。本會更盡招待之義務。(會館招待章程另有告白)

(乙) 對待會外之義務

一 本會對待內地有輸進文明之義務

一 本會對待會外之同鄉人。有互相聯絡互相親愛之義務

### 第四章 事業

一 本會出雜誌一種。每月一回發行。(雜誌另有專章)

一 本會設調查部。專調查浙省事宜。(調查另有專章)

### 第五章 職員

本會設幹事員七人。分掌各項事務

本會幹事員及責任表

幹事	員數	責任
庶務	三	一切庶務彙料儀
書記	一	紀事及一切往來信件
會計	一	銀錢收支並豫算一切用費
雜誌	一	總理雜誌事宜
調查	一	總理調查事宜

### 第六章 經費

另設評議員參看第六章第二條

一 常年捐 會員每年輸常年捐銀三圓六角。按月分收。以充一切公費。其冬夏兩次懇親會。席料仍臨時籌集。一 特別捐 本會因有雜誌調查等事業。招待救助等義務。須寬籌經費。方足敷用。蒙海內外士夫樂助捐金。當

儲蓄安實銀行以期推廣其捐數在十圓以上者本會公推爲贊助員五十圓以上者爲名譽贊成員百圓以上者爲本會評議員并將姓氏爵里隨時登報誌

一開會次序首由職員申說開會緣由次演說次提議一凡演說員須將演說大旨留稿交書記錄存一開會閉會時間久暫由職員臨時酌定一凡開會閉會時間既經酌定後各會員不得逾時不到亦不得先時出席

一整款

(乙) 議事規則

是款專備雜誌用先由各會友籌整埃雜誌消行後力能支持視其整數之多寡按期陸續派還

一本會舉人決事均經公共集議參用投票舉手之法以多數爲準

一會中收捐事宜由各校自行公舉一人管理統於月終收齊彙交會計

(丙) 辦事規則

一不入校者逕交會計逾期不繳會計有催索之權特別捐當隨時繳或定期分繳亦可

一凡辦事人員既經公舉委以各事其各事之範圍內均聽其自由處置有直行開辦之權

一雜誌用費浩大遇有支絀時許支用會中存款

一凡辦事人員既經擔任各事不得放棄責任遇有疾病及回國或游歷等情許其臨時囑託代理期內一切責任仍由本人擔當

一雜誌部獲有贏餘除提還整款外即爲會中公積

一各會員如有以辦事人所辦之事爲不滿意儘可函知其人或於開會時提出公議惟不得於會外讟議是非

一本會一切支拂預金閱半年由會計報告一次即登本會雜誌中

會雜誌中

以上各條本會員須各遵守埃會事擴充於此章有未盡合宜處臨時修改列入

## 第七章 會期

王寅冬十月本會同人公擬

一本會每冬夏二季各開懇親會一次會所及日期由幹事報告下二條同

一本會每春秋二季各開茶話會一次

附則

一本會有特別事由許開臨時會集議參看第三章甲之四

## 第八章 規則

以上各條本會員須各遵守埃會事擴充於此章有未盡合宜處臨時修改列入

## (甲) 開會規則

王寅冬十月本會同人公擬

一凡開會前三日由書記報告同人不得無故不到遇有疾病及回國或游歷等情須先時函告書記開會時由書記將會員姓氏榜示會所

一凡開會前三日由書記報告同人不得無故不到遇有疾病及回國或游歷等情須先時函告書記開會時由書記將會員姓氏榜示會所

一凡開會前三日由書記報告同人不得無故不到遇有疾病及回國或游歷等情須先時函告書記開會時由書記將會員姓氏榜示會所

## 浙江同鄉會調查部叙例

浙江同鄉會全體章程業於壬寅冬季刊行仍恐未盡週知特再附錄於此

本社附誌

孫子有言曰知已知彼百戰百勝諒哉言乎今我國一般志士殫精竭慮於歐學研究其政治法律教育軍事實業考察其山川文物風俗人情將移植其花以爲吾國莊嚴此其願力弘大雖獅象不足以方計然而新舊過渡時代於舊所素有者未能條分縷晰洞窺癥結則改革之際情形勿悉亂絲焚如何自而理此孫卿所謂隨地索塗冥行者也目能察秋毫之末而不見與薪耳能辨微蟲之吟而不聞鐘鼓彼馳騁八表愁遺一室者何以異是

外人之於國也有政府之調查會有民間之調查會大凡一團體之中苟其事於權利界有直接間接之關係者靡不有調查會甚且調查一事不惜集數多之人力糜浩大之款項費濡滯之時日彼之視調查蓋如是其亟也以故一國之中上自朝政下逮民俗舉凡與一利剔一弊皆先有所根據不致盲惑而無所措手重以報紙之發達事靡不載載靡不詳迺至竈餐厮卒亦未嘗不手一紙目數行於茶前酒後絮絮譚國事國之暴富驟強蓋有繇來非偶然也

然此猶曰於本國耳乃其旅居吾國雖人人無調查之職任然人人盡調查之義務軍機詭秘之策王公大臣躡足附耳而語置之於篋篋而加以扁鑰舉國無知者俄而電信繹絡交馳五洲遠彼既下議院既刊報牘乃復自海外傳至中國中國之人始稍稍獲有見聞事類此者殆不可以更僕數也至若地理政治經濟



軍事教育商業四萬萬人如幻如夢而外人釐然歸然若聚米鹽而辨黑白能力可謂大矣然此實不足賦詫其所以致此之原因則以旅居吾國者人人無調查之職任而人人盡調查之義務也公使領事其爲本邦所派遣者勿論楊葉調查之名旅行探險者又勿論若商人若教士各有職業而恆於若有意若無意之頃心識筆記以報告其國則雖謂商人教士皆彼中之間諜可也若洋關稅司若學堂教習吾國釐多金齋重幣薰沐禮聘以致之來亦復於若有意若無意之頃心識筆記以報告其國則雖謂稅司教習皆彼中之偵探可也悲夫臥榻之側廣集無數之偵探間諜以鉤稽吾國事而爲主人翁者猶酣睡隆隆大夢勿覺諸以地方之事瞠目結舌不知所對詎不大可哀乎且不惟全國之事勿稔己也即祖宗邱墓之鄉兒童釣游之地而亦勿稔詎不重可哀乎

故中國而不欲改革也如欲改革則必先於國中一切事物之性質之狀態而一一考察而一一研究知病之所在而後可下葯知弊之所在而後可興利否則沾沾焉恃外國已成之模範以鑄印吾國固有合模範者要其不合之處必窒礙難通毋亦改革之一大缺點奚若先時預備之爲愈邪

先時預備之策則調查是已然以中國之大東控吳越南賜湘粵西揖秦晉北走燕齊幅輳如此其遼濶人事如此其撲濶欲爲全國之調查苟非政府之力殆未易答此問題無已則不得不縮小其圈綫而爲分省之調查此一圈綫中而一一考察而一一研究彼一圈綫中而一一考察而一一研究各疆其疆各人其人各事其事人之而疆與疆合人與人合事與事合疆無不治之疆人無不治之人事無不治之事而中國遂

爲完全無缺之自治國矣是以吾浙江留學生之有同鄉會也應辦之事千名萬族必自調查全省十一府七十二州縣始夫以留學外國之人調查外國是其責矣兼及桑梓勢所未逮於是不得不出於囑託囑託之事能豈不能恆然且毅然斷然爲是者則以一省之中人人無調查之職任人人有調查之義務彼外人之克盡義務既如彼矣今欲與外人對愛國性質之厚薄角文明程度之高下不揣慙昧敢剖心擲血披肝瀝膽臨風九頓首謹告我東西浙一千數百萬同鄉曰諸君諸君母以此舉爲不急也母以此舉爲兒戲也母以茲事體大懼怯瑟縮弗敢任也母以公共之事與我無干涉也母以爲空勞無益也母存其名喪其實也母始勤終終疲爾也彼外人之克盡義務既如彼矣我東西浙千數百萬同鄉其諸有攘臂奮袂而起者歟其諸有攘臂奮袂而起者歟例如下

## 第一章 宗旨

第一節 調查全省鉅細事務爲將來地方自治之基礎

## 第二章 責任

第二節 凡屬同鄉會會員皆有調查之責

第三節 同鄉會會員不能自舉其職由各人囑託父兄戚友擔任

第四節 調查員區別擔任非擔任兩界擔任員如欲離省旅行或有別項事故應囑託人代理非擔任員不在此例如有未受囑託自願爲本部擔任者亦不在此例

第五節 俟將來各省調查會相繼設立凡屬流寓皆有互相調查之責

### 第三章 辦法

第六節 於同鄉會會員中公舉總幹事一人管理全部調查事宜書記一人管理來往書信會計一人由同鄉會會計兼理

第七節 於同鄉會會員中每府公舉幹事一人管理一府調查事宜隨時與總幹事接洽

第八節 調查事刊登雜誌俾全省之人增長其智識閱歷

第九節 俟內地有人提倡於省城設立調查總會於府縣設立調查支會本調查部即與合并

第十節 擔任調查員省城至少有十餘人府城至少有七八人縣城至少有四五人鄉鎮村市由省府縣

囑託

第十一節 擔任調查員皆急公好義並不支領薪水

第十二節 俟同鄉會經費充足力能請人旅行探險實地調查屆時自當議給公費

第十三節 於省城設立受函總所於府城設立受函分所凡一府內函件寄交受函分所更由分所寄交

總所總所交日本郵便局直寄本部願自行寄與囑託人者聽

第十四節 調查員函件寄交受函處於有郵便局處請由郵便局遞寄無郵便局處信資自行付給受函處登錄簿記於年終核計其函數多寡照數津貼如不願津貼者移其應得之數捐入同鄉會以表彰其

### 鄉誼

第十五節 俟受函所既有定處即刊登上海日報俾衆周知

第十六節 擔任調查員贈全年雜誌一份代本部受函人並兼調查贈全年雜誌一份

第十七節 調查事刊入雜誌同人越在海外未易擇別如閱者以爲未盡翔實能舉詳細情形告知視事件之緩急大小酌贈東西洋圖籍藉酬高誼

第十八節 凡於調查部効力同志如有需購圖籍儀器及學校各式用品本部可任代辦之勞

### 第四章 規則

第十九節 區別調查事爲普通專門兩界不拘一格爲普通調查自任一事或數事爲專門調查凡專門調查者可由擔任員轉囑託總期多多益善衆擎易舉

第二十節 本部調查非如新聞記者及志書局之採訪使可比調查事刊入雜誌非如有聞必錄者可比詳贍稿當斯爲切實有用之調查

第二十一節 調查事件應列表者列表應繪圖者繪圖其有繁重不能繪者用泰西攝影法以影片郵寄  
(該價照數償還)

第二十二節 雜誌中每期須有插畫數頁凡內地流傳照片其人其地其事於本省有關係足資觀感者調查員應搜求購寄如無流傳視其可照者出資自照之(該價照數償還)

浙江同鄉會調查部叙例

第二十三節 凡調查員之爵里姓氏概不宣布(條件中願自署名者聽惟別字未便刊登)如有事關秘密調查無論何人詢問調

查員姓氏本部有隱諱勿告之權

第二十四節 調查錯謬之處凡我浙人皆有檢舉之責儘可移函辯論惟須實有稿據無取摭拾風聞滋生歧說

第二十五節 凡調查員惠寄稿件無論登與不登概不璧還

## 第五章 綱目

第二十六節 鉅細調查事件區別總綱爲十四類子目爲一百數十類

(甲)歷史凡非現今時代之事物入此類

●地理上之歷史●社會上之歷史●物產上之歷史●工業上之歷史●商業上之歷史●經濟上之歷史●農務上之歷史●軍事上之歷史●教育上之歷史●政治上之歷史●刑法上之歷史●交通上之歷史●鼎革時代之歷史●歷史上之人物(流寓附)

(乙)地理

●沿革大略●山脈起迄●江河流域●道路之通塞●陸軍險要地●海軍險要地

●海洋(里港 港灣 深淺)●島嶼●沙線●礁石●風濤

(丙)社會

●戶口多寡之概略●人民智愚之概畧●人民強弱之概畧●地方貧富之概略●人民之營業及生計●人情風俗之狀態●一鄉特別之惡俗(如溺女之類)●一鄉之望族巨室(▲有權勢)●一鄉之富戶(▲有權勢)●地方自治之規則●家族自治之規則●善堂義舉之組織●乩壇●大寺院及庵廟(▲香火之衰旺)▲財產之盈絀)▲秘密會之派別及權勢●客民(▲籍貫)▲月口)▲興土)●著名盜夥(同黨之多寡)▲頭目之姓氏履歷)▲根據地之所在)▲勢力所及之圍繞)●著名地棍(於地方上)▲有權勢者)●洋烟室(▲室內烟燈之多寡)▲逐日售出之烟膏數)●娼妓院(官妓)▲土娼(舉具)▲賭博場(▲同種賭博最盛)▲輪船之大小)▲人數及生涯之盛衰)

(丁)物產

●動物(毛族 鱗族 介族)●植物(藥材類 蔬果類 穀食類)●雜物(日用品 飲食品)

●礦產(金類 非金類)●將開採(已開採)●機器開採(人工開採)●華洋合股(官辦 官商合辦 華洋合辦 華商獨辦 洋商獨辦)

(戊)工業

●工人之組合●手工製造(▲自造)▲仿造)●機器製造(▲自造)▲仿造)●改良製造●新式製造●女工製造●工廠(之實數)▲官辦)▲商辦)▲官商合辦)▲華洋合辦)▲洋商獨辦)

浙江同鄉會調查部叙例

(己)經濟

●地丁漕糧之收入數●釐金之收入數●釐金裁後之現象●鹽釐之收入數●各種雜稅之收入數●庚子以後加捐之收入數●藩庫運庫道庫之貯藏數一年分四季比較●徵解北京之支出數●徵解別省之支出數●本省自用之支出數●歷年攤派賠款數●各種官款儲積地方之實數●民間各種公積之實數(迎神賽會之公積▲工商業會館之公積▲善舉之公積▲家族祠廟之公積)●一鄉富戶之家財(▲不動產)

(庚)商業

●全省商務組織之機關●各業之組合●市場之盈虛消息●鹽商之組合●鹽務上種種內情及現象●絲茶上種種內情及現象●輸出外國貨之品類及價值●外國輸入貨之品類及價值●浙商在海外貿易之情形●各業會館自治之規則●著名大莊號(▲貿易之大小年終統計)●大莊號之開閉述其有關係者●鴉片烟之銷數(▲本國產)▲外國產

(辛)農務

●成熟田之畝數●荒田之畝數(▲已開墾)●新漲沙田隨時登記其畝數●田價之等差●土地燥濕之區別●種植之宜忌●畜牧之宜忌●水旱災侵●水利及堤防之興廢●營業所占田地畝之實數●森林之衰旺●桑田之多寡每年採葉若干舉其中數●蠶種之優劣●飼養法之異同●飼蠶戶口之多寡歷年比較

(壬)軍事

●營制(▲一營之人數▲駐紮地▲陣式之異)●兵器(▲舊式槍砲)●兵力(▲可用)●旗兵駐防(▲營制兵)●團練(▲營制兵器)●軍械貯藏(▲貯藏之地)●砲臺(▲形勢▲管理職)●砲船(▲兵數▲駐紮地)●兵輪(▲噸數▲兵數▲砲數▲機數)●兵輪(這成年月(中國自造外國代造))

(癸)教育

●腐敗教育之真相●改良教育之真相

●學校  
私立  
官立  
管理人員及教習之爵里姓  
校立年月  
校用經費  
校內科目  
校用課本  
生徒實數

●書院(▲已改學堂)●學會(▲發起人爵里姓氏)●圖書館(▲官辦▲紳辦)●報館(▲創辦人▲主筆)●閱報社●新書館行暢滯之概略●報紙銷行之多寡數歷年比較●大小考試之多寡數歷年比較

(子)政治

●全省政治組織之機關●現今官吏之政策(▲對內)●舊政之停罷●新政之舉行●各大憲之幕僚(▲行爲)●官場之種種活劇●吏胥舞弊之真相

浙江同鄉會調查部叙例



本誌代派所

明權日報局  
啓外社發行所  
通社圖書室  
普通圖書室  
新中國圖書社  
項清臣先生  
青志小學堂  
趙午橋先生  
務賢書院  
啓新書莊  
華遠公書莊  
明達公書莊  
晉康煤公司  
國學書院  
嘉惠書莊  
南君派館  
陶君節先生  
日新公司  
中東書社  
鼎興書社  
文政書局  
新民書局  
國民叢書社  
集賢書社  
啓智書局  
張君相先生  
算學書局  
徐伯庚先生  
徐文社  
裕和堂書報館  
天祐堂書報館  
泰康閣報社  
觀察第宅  
新封代派報館  
開封代派報館  
廖振華號  
陳楚南先生

日本東京神田駿河臺鈴木町十八番地

光緒二十九年二月十五日印刷  
光緒二十九年二月二十日發行  
光緒三十年十月十五日三版發行

編輯兼發行者

浙江同鄉會

日本東京神田區駿河臺鈴木町  
十八番地留學生會館

發行所 浙江同鄉會雜誌部

印刷人 日本東京淺草區黑船町廿八番地  
榎本邦信

印刷所 日本東京淺草區黑船町廿八番地  
東京並木活版所

行發日十二歷陰期定回一月每

中國國民黨黨史史料編纂委員會藏本  
中央委員會  
中華民國五十七年九月一日影印初版

# 浙江潮

第一一〇期

(精裝五冊)

定價：臺幣一五〇〇元  
美金四〇〇元

發行者：中國國民黨黨史史料編纂委員會  
中央委員會

經銷處：中央文物供應社  
臺灣省台北市中山南路十一號之一  
郵政劃撥帳戶一四六一八號

印刷者：國際印刷廠  
臺灣省台北市大同街一二五號

究必印翻・有所權版